


# ገደር ጉርዳ

በጉራጊና



የኢትዮጵያ መጣፍ ቅዱስ ማበር  
አዲስ አበባ  
ይፍትወረር ትርጉም  
በ1974 ዓ. ም. (ዘበር) ተጣፈም ።

ሐዋርያ ማህበር መላክ መላዕክት መስዋዕት ምስጢር ምዕራፍ ራዕይ ሰይጣን አጋንንት ሲያል ቁርባን ቃል ክዳን ቅዱስ ቤተ መቅደስ ብርሃን ፀሐይ ትንሣኤ አግቢአብሔር ወንጌል ዙፋን የቁጣ በዓል ጌታ ጊንጥ ደሴት ደቀ መዝሙር ፀጋ ጳድቅ ፋሲካ

ናኩቸረን መሌክ መሌክ ፈቸት ፡ ክትም የጠቁሪ መንሸ ጌታ በርዛዝ ከማ ያትየሽ ወግ ሼጣን ሲጣር ስዌር ጎታ ይዘጉጅጌ ሸረት ጉርዳ መጭር ዌም የሚጠሪ የጌታ ክብር ቤት ጨፍት ኤያት ተሞት ጸያም ወክር ፤ መንሸ ወተሳ ጌታ ወኼ ወሬ ይቻነጌ ችሮት የዳጋ ባር ጎታ ጅወ ያኖ ስመጥ ጥፍር በባር ግብት ያነ ቅጥት ዌም አፈር ተማሪ ጡር ተመጥጥ የመጠረ የሸኮርት ጤ ያርጭጌ ባር

ዝክ መጣፍ ጌታ ተሰበታ ጋመ ቃር የገገወ የጌታ ገደር ጉርዳ ዩድ ። ዝክ ገደር ጉርዳ የሱስ ክርስቶስ ምር የቾተ ከማ ዩድ መጣፍ ። ዝም መጣፍ በየሱስ ክርስቶስ ያመረ ሰብ ተባጠር እንም ይተርፍ ከማ ዩድ የጌታ ቃሩ ። በየሱስ ክርስቶስ ያምር ሰብ እንም የጌታ ጉርዳ የትቀጥሮትም የቀሮት ከስ ነረወ ።

በዝ ያነበ ኹያም ሰባት መጣፍ አማቴ ገደር ጉርዳ ይውርዮ ። ከኖም የትጣሮ በጌታ መንፈስ በትመሮ ሰቡ ። ዝም ገደር ጉርዳ ጎታ የሱስ ተጨነም በዝ አፈር ቲረብር የቾተንም ያትመረን አትም የባጠረንዳ ወትሰቀረታ ፣ መተም ተሞት ወተሳታ እንም ዩድ ።

ዝክ መጣፍ በቸካ ጉራጊና ትርጉም የትጣራ በሰባት ቤት ጉራጌ ንብብ ይኸሮ ሰብ እንም አረበም ይገባኖዌ ቲውሪወ ። ትርጉመታ ተድረ ተግሪክ ፣ ተእንግሊዝም ተአማሪና መጣፍ ቅዱስ ቲኸር የትጣራም ተአርቶዶክስ ፣ ተከቶሊክም ተፕሮቴስታንት አማኝ ሰብ ወባጀው ።

ዝክ ገደር ጉርዳ በቸካ ጉራጊና ይፍትወረር ትርጉም የኸሬ አታት የቃር ስተት ያኖ ይምሰርኹሸ ። ቢኸርም ንባባታ ቤረዝኹዌ የጉራጊና ፊዶል በጨር ወካር ነረብኹ ። ይናም ዝም መጣፍ ትንትረጉምን ጉርዝ ጉራጊና ቸነም ጸኁ ይዘረኩ ጉራጊና እርስም ንቀታ ቢገዋን ኤነት ትረጉምኔም ። አትም ቃረኸና ይደምዶ መርከኹና የሚሬ የኸሮ ፊደል ቸነም አማት መርክ ያነኖ ፊደል ጣፍነም ። ሀ ፣ ሐ ፣ ኀ ፣ ሠ ፣ ዐ ፣ ጸ ቸነም ታነ ከ ፣ ሰ ፣ አ ፣ ፀ ፣ ፊደል ከኖ ጣፍነም ። በአማሪና ኤነበ በቸካ ጉራጊና ይዘረኩ። ገደር ፊደል አገገነም ። ከኖም ፣

© Bible Society of Ethiopia 1982  
 Gurage Chaha NT  
 UBS-EPF 1986-3M-CL 282

# የገደር ጉርዳ መጣፍ

ክ ሸ ቆ ጎ	ክ ሸ ቆ ቱ	ክ ሸ ቆ ጊ	ክ ሸ ቆ ታ	ክ ሸ ቆ ጌ	ክ ሸ ቆ ጎ
	ኸ መ ቦ ፍ ጌ	ኸ መ ቦ ፍ ጌ	ኸ መ ቦ ፍ ጌ	ኸ መ ቦ ፍ ጌ	ኸ መ ቦ ፍ ጌ

ወኪ ወሬ (ወንጌል)	የመንሽ ማራ
ማትዮስ .....	2
ማርቆስ .....	102
ሉቃስ .....	165
ዮሐንስ .....	269

የጌታ ናኸቶረኅ ሜና .....

**ጳውሎስ የጣፈኖ ናኸቶር**

የሮማ ሰብ .....	446
1ኛ የቆሮንቶስ ሰብ .....	487
2ኛ የቆሮንቶስ ሰብ .....	527
የገላትያ ሰብ .....	554
የኤፌሶን ሰብ .....	569
የፊሊጶስ ሰብ .....	584
የቆላሳይስ ሰብ .....	595
1ኛ የተሰሎንቄ ሰብ .....	605
2ኛ የተሰሎንቄ ሰብ .....	614
1ኛ የጣሞትዮስ .....	619
2ኛ የጣሞትዮስ .....	631
የቲቶ .....	640
የፊሊሞን .....	645

የአብራሃም ሰብ የትጣፊ ናኸቶር .....	648
የያቆብ ናኸቶር .....	682
1ኛ የጴጥሮስ ናኸቶር .....	692
2ኛ የጴጥሮስ ናኸቶር .....	704
1ኛ የዮሐንስ ናኸቶር .....	711
2ኛ የዮሐንስ ናኸቶር .....	721
3ኛ የዮሐንስ ናኸቶር .....	723
የይኹዳ ናኸቶር .....	725
ዮሐንስ ያሸን ወግ .....	728

# ማትዮስ የጣፎን የጎታንዳ የየሱስ ክርስቶስ ወኼ ወሬ

## መንሸ 1 የየሱስ ክርስቶስ ዘር

1. ዝኸ የጣፎ የሱስ ክርስቶስ የሚን ዘር የኸረ  
ኸማ ዩድ ። የሱስ ክርስቶስም የዳዊት ዘሩ ። ዳዊትም  
የአብርካም ዘሩ ።

2 (16). ክርስቶስ የዋሪ የሱስ የማርያም ጳርቹ ።  
የማርያም ምስ ዮሴፍ የያቆብ ጳርቹ ፤

3 (15). ያቆብ የማታን  
ማታን የአላዛር

4 (14). አላዛር የኤሉድ  
ኤሉድ የአኪም  
አኪም የሳዶቅ  
ሳዶቅ የአዘር

5 (13). አዘር የኤልያቆም  
ኤልያቆም የአብዩድ  
አብዩድ የዘሩባቤል

6 (12). ዘሩባቤል የሰላትያል  
ሰላትያል የእስሬል ሰብ በባቢሎን ሰብ  
ዘማነኸዮ አንቕ ተኢኮንያን ተጨነም ።

7 (11). ኢኮንያን ጐፔመታ የእስሬል ሰብ  
ፒማንኸዮ ተኢዮስያ ተጨነም ።

8 (10). ኢዮስያ የአሞን  
አሞን የምናሴ  
ምናሴ የኸዝቅያስ

- 9. ኸዝቅያስ የአካዝ  
አካዝ የኢዮታም  
ኢዮታም የአዝያ
- 10 (8). አዝያ የኢዮራም  
ኢዮራም የኢዮሳፋጥ  
ኢዮሳፋጥ የአሳ
- 11 (7). አሳ የአብያ  
አብያ የሮባም  
ሮባም የሰለሞን
- 12 (6). ሰለሞን ተአርዮ ምሽት የጨነዊ የርጉስ  
ዳዊት ሸርቹ።  
ንጉስ ዳዊት የአሌይ
- 13 (5). አሌይ የአቤድ  
አቤድ ሩት የጨነቸን የቡዝ ሸርቹ።  
ቡዝ ራኩብ የጨነቸን የሰልሞን ሸርቹ።
- 14 (4). ሰልሞን የናሶን  
ናሶን የአሚናዳብ  
አሚናዳብ የአራም
- 15 (3). አራም የኤስሮም  
ኤስሮም የፋሬስ  
ፋሬስም ዛሬ ታማር የጨነቸኖ የይኹዳ  
ዴንጃሮ።
- 16 (2). ይኹዳም ጐጤያታ የያቆብ  
ያቆብ የይሳቅ  
ይሳቅ የአብርካም ሸርቹ።

17. ጃጋ ዘር እንም ተክርስቶስ የእስሬል ሰብ  
ቲማንኹዮ ዳር አስራርቦት ዘሩ። የባቢሎን ሰብ  
ተማንኹኤ ከረ ዳዊት ዳር አስራርቦት ዘሩ። ተዳዊት  
አብርካም ዳር አስራርቦት ዘሩ።

የሱስ ክርስቶስ ተጨነም

18. የሱስ ክርስቶስ የተጨነወ ዝካው። እድተታ  
ማርያም የዮሴፍ ፈቶያም ባን። ዮሴፍ ቲያገባና ማርያም  
በመንፈስ ቅዱስ ቅጨነ ኸረችም። 19. ምሰኸታ ዮሴፍ  
ጌታ ይሸወ ቃር እንም ይቸት ሰብ ባን። ኹትም ማርያም  
ቅጨነ የኸረች ኸማ ኸረም። በሰብ ይፍቴ ያመስትኔ  
አንሸ። ቲያገባና የሰብ ቲዩድ እክም ይችኔ አሰባም።

20. ቢያስብ የጌታ መሌክ የዮሴፍ በበርዛዝ  
ትየንም። ዝክም ቧረንም፤ « አኸ የዳዊት ጥብ ዮሴፍ፣  
በኸት ደን ትክ ችናባም። የቸናባም ተመንፈስ ቅዱሱ።  
የፈቸኸና ማርያም ታገባኔ እናቅመጨናኸ። 21. ማርያም  
ሸርች ትጨንቴ። ኹትም ሰበታ ተባጢረኹና  
ያተርፍኖቴ። የትክ ሽም የሱስ ትውንቴ » ቧረንም።

22—23. በነቢ ተጌቴ የዋሪ ቃር ነረ፤ « አት ዘየ  
ገረድ ኹት አርዋ ትኸርቴ። ሸርች ትጨንቴ። ሽመታ  
አማኔል ይውሪቴ » የዋሪ ዘንጋ ይኸሬ ዝኸ እንም  
ኸረም። አማኔል ወበር ጌታ ቲና ጋመው ወበሩ።

24. የጌታ መሌክ የዮሴፍ በበርዛዝ ዝኸ እንም  
አዘዘንም። ዮሴፍ በሬተታ ተረሳም። ኹትም ያዘዘን  
ኸማ ችተም። የፈቸና ማርያም ቤተታ ወሰደናም።  
25. ትክ ትጨን ዳር ተኸት አንትገተረ። ማርያም  
የበኸር ሸርቹኸታ ጨነችም። ዮሴፍ የትክኹታ ሽም  
የሱስ ቧረንም።

መንሸ 2

ኸኹስ ያዞ ሰብ

የጨነቁ ትክ የሱስ ያዞቁ ወሮም

1-3. ትክ የሱስ ክርስቶስ ተጨነቀም ። የትጨነቀ በይኹዳ ገነ ቤተልኼም ቢውሪ ቀያው ። ኸኹስ ያዞ ሰብ ተረንዩ ቸነባም የሩሳሌም ከተማ ገጋም ። ኸኹም « እንገድ ንጉስ ይኸርቴ የዋሪ በዝኸ የጨነቁ ትክ ኤቴ ነረ? ኹትም የይኹዳ ንጉስ ይኸርቴ ቢሪም ባነ። የትክኹታ መርኸት ይኸሬ ኸኹስ ተረንዩ ተሰሜ ትየንደም ። ቢትየንደ ኸኹስ-በኹታ ተኸተነም ። የትክኹታ ንሰግድኔ ተረንዩ ቸነንም ። እጋ የትጨነ ትክ ኤቴ ነረ? » ባሮም ተሳሮም ።

ኸጋመ የኸ ገነ ንጉስ ኸርድስ ዘነ። ኹትም ሰማም በኸነታ « ብያ ሮር ምር ንጉስ ተረሳቢም? » ባረም ንቃር ጠነቁንም ። የየሩሳሌም ከተማ ሰብ ተኸም ጠነቀኖም ። 4. ንጉስ ኸርድስ የቀስ አለቃም የይኹዳ ቅጫ ባሪቅ እንም ስበሰዘኖም ። « ዝኸ ንጉስ ይኸርቴ የዋሪ ክርስቶስ ይትጨነገው ቤቴው? » ባረም ተሳረኖም ።

5-6. ኸኹም « ድረ ተነቢ የዋሪ ቃር ነረ፣ ዝክም ይብር ቃር፤

- ( አኸ በይኹዳ ገነ ያነኸ ቤተልኼም ቀያ
- ተይኹዳ መሪ ስርም አታርስ።
- የአስሬል ገነ ሰባና ዘማንቸ ኸረም ይቅዩ
- አት ንጉስ ታኸ ይወጣቴ »

ባርም በነቢ ጣራም ባነ። ኹትም በይኹዳ ገነ ቤተልኼም ቢውሪ ቀያው ይትጨነገው » ባረዊም ።

7. ኸም ጋመ ንጉስ ኸርድስ ኸኹስ ያዞ ሰብ ሼመም ጠናኖም ። ኸኹስ ያሰቁ ዘበር ክረታ ተሳረኖም ።

ኸኹም የኹት አደቂም ። 8. የኸኖ ቤተልኼም ዳር ናኸኖም ። « ወሮ የትክኹታ ቃር በጨር መርምሮ ። ትትረኸበቂ ይያ ቶዶንሸ ። እያም ተንትኹ የትክኹታ እስጉድረቴ » ባረኖም ።

9. ንጉስኹታ የባረኖ ቃር እገ ባረዊም ፣ ኸኹስ ያዞ ሰብ ወሮም ። ቲያሮ ዛኸ የረኔ ኸኹስ ይመራኖ ባነ። ዛኸ ኸኹስ ቸነንም ትክ የሱስ ባነው መደር ተፎሬ ቁመም ። 10. ኸኹስ-በኹታ ቢያሰ ሰናነም ባሮም ንቃር ሳረኖም ተብረንቆም ። 11. ቤት ገጋም ፣ ትክ የሱስ ታዶተታ ተማርያም አሰበቂም ። ወጠቆም ሰገዶነም ። ሳጠነኹና ከፈቶም ወርቅ ፣ እጣን ፣ ይሸታ ቅባት አበቂም ።

12. ጌታም በበርዛዝ « ትክ ያነው መደር ቱዶቂ የርጉስ ኸርድሴ አትወሮ » ባረም አዘዘኖም ባነ። ኸኹም ብንጉድ ኤማ ገነኹና ተዠጥሮም ።

የሴፍ ታበሩሰታ ግብፅ ገነ ሰሸም

13. ኸኹስ ያዞ ሰብ ገነኹና ወሮም ። ተኸም አንቆ የጌታ መሌክ የየሴፍ በበርዛዝ ትየም አደንም ። ዝክም ባረንም ፤ « በዝ ግብት ንጉስ ኸርድስ የትክ የሱስ ይቁጥኔ ይሸነቴ ። ትክ ታዶተታ ጥብጥም ተሳ ። ግብፅ ገነ ሰኸ ። ትንጠራኸ ዳር በኸሜ ቶራ » ባረንም ።

14. ቢውን የሴፍ ትክኹታ ታዶተታ ማርያም ጠበጠም ፤ በኸ ምሳረ ሰሸም ግብፅ ገነ ወረም ። 15. ይፍቴ ከረ ጌታ የነቢ ዮደኖ ቃር ባነ። « እርቸና ተግብፅ ገነ ውጣ ባኹንም » ባረም ባነ። ዝኸ ይኸሬ የሴፍ ታበሩሰታ ግብፅ ገነ ወረም ። ንጉስ ኸርድስ ቲሞት ዳር በኸሜ ቸኖም ።

የገን ትክ እንም ቁጠርዮም

16. ተኻንቆ ንጉስ ኼሮድስ ትክ የሱስ ይሰባዩ የራኸኖ ሰብ ናኸቸር አንቶነ። ኹኹብ ያዞ ሰብ ናኸቸረታ ኸደዊም። ቢኸደዊ ኸታ ንቃር ማቸም። የኸ ይፍቴ ጭን የርጉስ ኼሮድስ ትክኸታ የትጨነወም ኹኹብ የትየወ ዘበር አደዊም በነ። በደዊ ኤነት በኸ ትክ ሙጥጥ ቃር አሰበም። በቤተልኬምም በዙርያታ ያነበ ትክ እንም ይቀጥሬ ሸም። ቲሽ ኼት ዘበር የኸረኖ ተኸም በስጥ ያነበ ሸርቸ ወርድ እንም አትቆጠረኖም።

17—18. ድረ ነቢ ኤርምያስ የበረ ቃር ነረ፤

« በቤተልኬም ወነኹ  
 በራማ ብኸም አያት ተሰማም።  
 ራኹል የዴንጃኸታ በሸችም።  
 ሰብር ትረኸቤ አንሸች።  
 ዴንጃ ኤነበ ሙቶም »

የዋሪየታ ውረም ኸረም።

የሴፍ ታበሩሰታ ተግብሶ ነነ ተገርገረም

19. ንጉስ ኼሮድስ ሙተም። ቲሞት የሴፍ በግብሶ ነነ በነ። በኸሜ ታነ የጌታ ሙሌክ ዘበርዛዝ የዮሴፍ ትየንም ታነ 20. « የትክ የሱስ ይቀጥረውዬ የላቦኸኖ ሙቶም። ሸኳ ተሳ። ትክ ታዶተታ ማርያም ጥብጥም አስሬል ነነ ተዘገር » ቧረንም። 21. የሴፍ ተረሳም ትክ ታዶተታ ጠበጠም አስሬል ነነ ወረም። 22. አርኬላዎስ የርጉስ ኼሮድስ ሸርቸ በነ። በባታ ሙደር ኸት ተረገሰም። የሴፍ ዝኸ አርኬላዎስ በይኹዳ ነነ የትረገሰ ኸማ ሰማም። ቢሰማ ይኹዳ ነነ ያሬ ሰነሬም። ሸኳም በበርዛዝ ጌታ « ገሊላ ነነ ወር » ቢውን ተረሳም

ወረም። 23. ድረ ነቢ የየሱስ « የናዝሬት ሰብ ይውራቴ » በሮም በነ። ኸኸ የዋሪ ዘንጋ ይኸሬ የሱስ ናዝሬት ከተማ አቸነዊም። የሴፍ በኸሜ ታበሩሰታ ቸንም ሾናም።

መንሸ 3

ዮኸንስ የጥምቀት ቃር አደም

1—2. በኸ ግዛዩ ያጠምቅ ዮኸንስ በነ። « ጌታ ቸንም ይረግስወ ግዛዩ ሰናም፤ በጠራኹ በጌታ ይፍቴ አውጦ » በረም በይኹዳ ኸብር ቲዩድ ቸንም። 3. ድረ ነቢ ኢሳያስ ዝክ ቃር አደም በነ፤

« ( የጌታ ኤማ ሰክቶ፤  
 ጃሸዳታም ገክሮ ) ቲብር  
 አት ሰብ በኸብር ያኸሬ »

የዋሪ ዝኸታው።

4. ዮኸንስ ገግመታ ተጋሜራ ድገር የትረሸ ኸዶር ይትኸተር በነ። በራባታ ጠፍር ይታማንድ በነ። ሸረተታ እንጉረቤናም የሜዝማ ውዩ በነ። 5. በኸ ግዛዩ የብዘ ነነ ሰብ ይጠመቆዌ የዮኸንስ ተኻኖም። የትኻኖ የይኹዳ ነነ ሰብ እንም፤ የሩሳሌም ከተማም፤ የርዳኖስ በር ዙርያ ያነበ ሰብ በነበ። 6. ኸኖም በጠረኸኖና በጌታ ይፍቴ ተራዘዘም በየርዳኖስ በር ዮኸንስ ያጠምቀኖ በነ።

7. የኼማኑት ሙሪ የረገሮ የፈረሳም የሰዱቃ ብዘ ሰብ ይጠመቆዌ ቸንበም። ቲቸኖ ዮኸንስ አሸኖም። ኸትም ዝክ በረኖም፤ « አኹ የቸረ ዴንጃ፤ የዝ አንቆ ቲቸን ተጌታ ማት ትሰኸዌ ሚን አደናኹም? 8. ኼታ ውረም በጠራኹ በወጣኹ የጌታ ወኼ ዘንጋ ቶቶም አተዞ። 9. በኸኖኹ ( አባንዳ አብርኻም ነረንደ፤ ንቅ

ሰብንደ) አትበሮ። እያ ችብርኹ ቃር ጌታ ተዝ እምር የአብርካም ዴንጃ ያሜዬ ይኸባል። 10. እኚ ጌንዘ በጨ መዬ ቸናም። ወኼ ወማ ኤያፌ ችጨ እንም ያርጨቲ። ብሳትም ይመዘኛሪቴ። 11. እያ ዮኻንስ በጠራኹ በጌታ ይፍቲ ብታወጠ ብኻ አጥምቅኹሽ። ትያ አንቆ ይቸንኹታ ጭን ነረ። የኹት ጫማታ ችጨሬ አንሰራን ይፈዜ ኹታው። ትያ ይርቅ ንቅ ደረግ ያንንኹታ ይቸንቲ። ኹትም በመንፈስ ቅዱስም ብሳትም ያጥምቅኹሽ። 12. ያዘንርጌ መንሸ በጀታው። አድመታ ያረፎስንቲ፤ ስኔመታ በሻት ይኸጠራንቲ። ጋባመታ ቤጠፋ አሳት ይመዘኛንቲ» ባረም።

የሱስ ተጠመቀም

13. ኻም ጋመ የሱስ በዮኻንስ ይጠመቁ ተገሊላ ገን ዮርዳኖስ በር ቸንም። 14. ዮኻንስ የየሱስ «እያ ሀኽ ችጠመቁ ያትሸሹ ባነ። አኸም ብያ ትጠመቁ ይዬ ትቸንቄ?» ባረም ይጠመቁ ይኸጠራን ባነ። 15. የሱስ ዠጥረም «እኚሽ ፍቅድኒ። ዝካ ወኼ ዘንጋ እንም ወቶት ነረብንደ» ባረንም። ዝም ቢውን ኻም ጋመ ዮኻንስ ፈቄደረም።

16. ዮኻንስ የየሱስ አጠመቁንም። የሱስ ተትጠመቀ አንቆ ኻመጋ ትኻ ወጣም። ሰሚ ተዘፈተም። የጌታ መንፈስ በኣየት መሰረም ወንደም በየሱስ ፎር ቲቸን ትየንም። 17. «እረመዳድን እርቸና ዝኸታው፤ በኹት ይኸሬ» ይብር ቃር ተጌቲ ተሰሚ ተሰማም።

መንሸ 4

የሱስ ፈተና ተቆጥረም

1. የሱስ በሼጣን ይትፈተሬ ኸብር ያሬ መንፈስ ቅዱስ ንሳሳንም። 2. ሀኽሚ የሱስ አርባ ከረ ዋናም ምሳረ ሸረት ቴበራ ዋረም አተረም። ተኸም አንቆ የሱስ ንደንም። 3. ሼጣን የየሱሌ ቸንም። «ውረም አኸ የጌታ እርቶ በኸርኸ ዝኸ እምር ሸረት ኸር ቡን» ባረንም። 4. የሱስ «ሰብ ጌታ ዝረሸም ባበ ቃር እንም ባንኸሬ እማት በሸረት ኤረብር ባርም ጣራም» ባረንም።

5. ተኸም አንቆ ሼጣን የየሱስ ጌታ የሚጠረን ወኼ ከተማ የሩሳሌም ወሰደንም። በኸሚ የኹትም በጌታ ክብር ሌት በዊተታ አቁመንም። 6. ዝክም ባረንም።

« ( ያኸ ይቅረባኪ  
 ጌታ መሌካታ ይዝዝንኸሽ።  
 እግርማኽ እምር ሌቅረፋኺ  
 በጀኹና ይትቀጥርኸሽ )

ባርም ጣራም። እጋ አኸ የጌታ እርቶ በኸርኸ ተዝ ወስጥንዩ ገጋኸ ደንግር» ባረንም። 7. የሱስም ዠጥረም የሼጣን «እኚም ( ጌታ እግዚራኸ እንፈተርኸን ) ባርም ጣራም» ባረንም።

8. ዠጥረም ሼጣን የየሱስ በርቅ ቁቶ ሰቄረንም። የዝ አለም መንግስት እንም ንቅነተኹናም አትየሸንም ታን 9. «አኸ የሱስ ብያ ይፍቲ ወጠቀኸም ብትሰግድኒ ዝኸ እንም ግዛት ያኸ አብኸሽ» ባረንም። 10. ኻም ጋመ የሱስ የሼጣን «ኸርኸ አኸ ሼጣን። ( የእግዚራኸ የጌታ እማት የኹት ስግድ ) ባርም ጣራም» ባረንም።

11. ተኸንቆ ሼጣን የየሱስ ቸንም ወረም። ተኸም መሌካ የየሱስ ይቆጥረዊ ባነ።



የሱስ ሚናታ በገሊላ ገነ ቀነሰም

12. የሱስ የዮካንስ የጠወጨ ኸማ ሰማም ። ቢሰማ ተይኹዳ ገነ ተረሳም ገሊላ ገነ ወረም ። 13. የሱስ ይፍቴ የረገረወ ናዝሬት ከተማ ቸም ። የዛቢሎን የንፍታሌም ገነ ወረም ። ወረም በባር መሬ ሕፍርናኸም ቢውሪ ከተማ ቸንም ችናም ። 14-16. የዝ ይፍቴ በነቢ ኢሳያስ የቶደ ቃር ነረ ፤

« በገሊላ ገነ የገጋኹ አረማዊ ፡

በር በነወ ወኸት

ተዮርዳኖስ እኻ በረን ፤

በዛቢሎንም በንፍታሌ አፈር

ያነኹ ኸልቅ እንም ስሞ ።

በጠነማ የቸናኹ ኸልቅ

ንቅ ጨት አሸኹም ።

በሞት ገንም በሞት ጥራር

የቸናኹ ሰብ

ጨት ወጣንኹም »

የዋሪ ይኸሬ ዝኻ እንም ኸረም ።

17. የሱስም ተኸ ግዝዩ ቀነሰም « ጌታ ቸንም ይረግስወ ግዝዩ ሰናም ። በጠራኹ በጌታ ይፍቴ አውጦ» በረም አዶት ቀነሰም ።

አሳ ያወጦ ሰብ የሱስ ጠናኖም

18. የሱስ ተገሊላ ባር መሬ ቲያር ኄት ጎፔቸ አሸኖም ። ኸኖም ጴጥሮስ ይውሪ ስሞን ጎፔመታ አንድርያስ ባነ። ሚናኹና ተባር አሳ አውጦት ባነ ። ኸኖም አሳ በባር ደን ያወጦ፤ የኼት ቤት ይመስር ወጥመደኹና ቲያቸክሮ የሱስ አሸም ። 19. ኹትም

« ኔኹም ተኸተሮን ። አሳ ተባር ደን ታውጦት ይርቅ ሰብ ተባጠረኹና ታወጦ፤ አሚኹሸ » በረኖም ። 20. ኸም ጋመ ኸኖ አሳ ያወጦ፤ ወጥመደኹና ቃሰቦም ተኸተረዊም ። 21. ኦኳም የሱስ አዳኸሬ ወረም ። ቲያር እንጎድ ኄት ጎፔቸ ነከባኖም ። ኸኖም የዘብደምስ ኦርቸ ያቆብ ጎፔመታ ዮካንስ ታባኹና ተዘብደምስ ጋመ የሱስ አሸኖም ። ኸኖም በባር ጆር ቢያሮ፤ መርከብ ደን ችኖም ወጥመደኹና ይሸክቶ ባነ ። ኹትም « ኔኹ ተኸተሮን » በረኖም ። 22. ኸኖም ኸም ጋመ የባር መርከባኹናም አባመኹና ታቦም የየሱስ ተኸተረዊም ።

የሱስ የብዙ ሰብ አኻሸረም

23. የሱስ በጠሎት ቤት ቲያትመር ፣ የኸልቅ የጌታ መንግስት ወኸ ወሬ ቲያድ ፣ በሰብም ታነቦ ባሸም ቆምናት እንም ቲያተርፍ በገሊላ ገነ እንም ይገር ባነ ። 24. የሱስ ሽመታ በሶርያ ገነ ባነ። በገሊላ በሰማርያ በይኹዳ እንም ተኸረም ። ተብዘ ኤነት ባሸም ተጠበጦም ይጨነቆ ሰብ እንም ፣ ጡናት ያነ። ሲጣር የጠበጠኖ ፣ የዙር ባሸ ያነ። ምስየኹና ያሸተረኖም እንም የኹትኸ አኸነቦኖም ። የሱስ ተባሸኹና አተነፈኖም ። 25. ተገሊላ ገነ ፣ ተአስር ከተማ ፣ ተየሩሳሌም ፣ ተይኹዳ ገነ ፣ ተዮርዳኖስ ባር በረን ያነ። ብዙ ሰብ የየሱስ ተኸተረዊም ።

መንሸ 5

የሱስ ቁቶ ወጣም አደም

1. የሱስ ብዙ ሰብ ቲያኸትረዊ አሸም ቁቶ ወጣም ። ወጣም በቸና መደር ተጣሪየታ የኹትኸ ተቆነቦም ።

2. የሱስ ቃረታ ከፈተም አትመረኖም ። ዝክም ባረኖም ፤ 3. « እያ አምበቃኹ ባረኖም የጌታ ደረግ ይሰጠኝኖ የሳኖ ፤ ጌታ ይረግስ በክኖቱ ። 4. ያዝኖኸኖ የሳኖ ፤ ጌታ ያትማጥኖሽ ። 5. የፈነኸኸኖ የሳኖ ፤ በዝ አፈር ያነ እንም ጌታ ያብኖሽ ። 6. የጌታ ይታዘዘዌ ይትሚኖኸኖ የሳኖ ፤ ተመኛተኹና ይንኸበሽ ። 7. አትማጠጠም አፍ ይብሮኸኖ የሳኖ ፤ ጌታ ያትማጥም አፍ ይበኖሽ ። 8. ኸነኹና ንጡኸ የኸረ የሳኖ ፤ ጌታ ይዘዊሽ ። 9. ሻካችኸኖ የሳኖ ፤ የጌታ ሰብ ይወርዮሽ ። 10. የጌታ የታዘዘዌ መከራ ይትቆጥሮኸኖ የሳኖ ፤ ጌታ ይረግስ በክኖቱ ። 11. ብያ የኮነ ቲቁርጭኩ ቲያሳጅኩ ሙጥጥ ቃር እንም ፈጠሮም ቲዩዶብኩ አኹ የሳርኹ ። 12. ዋጋኹ በጌታ ይፍቱ ንቃር የኸሬ የሳርኹም ተብራነቆ ። ታኹ ይፍቱ የረገሮ የጌታ ቃር ዩዶ ነቢ ዝክም መከራ ተቆጥሮም » ባረኖ ።

አኹ የዝ አለም ሰብ አሶም ጨትንኹ

13. የሱስ ባረኖ ፤ « የዝ አለም ሰብ አሶ አኹትንኹ ። አሶ ጭን ይፍቱ ትምናታ ዘበከረ በንቃር ይታምሽ ። ተዝ አንቆ ባንታመ ያትም ቃር ኤያኸር ። ወረጅ አወጨም በሰብ እግር ይረቀጫል ።

14. የዝ አለም ሰብ ጨት አኹትንኹ ። በቁቶ ፎር የቾና ከተማ ኤትሼም ኸማ ጨታኹ የኸክም ይትሼሚ ኤኸብል ። 15. ከራዝ አተኮሽም በስቀር ይሰቀራ ባንኸሬ ወሸር ደጅጌም ታነ ኤያወሬ ። ኹትም በቤት ያነ ሰብ እንም ይትየን ። 16. የኸክም ሰብ ወኼ ሚናኹ አሰም ታነ የጆሬ አባኹ የጌታ ያኸብዶዌ ያኹ ጨት በሰብ ይፍቱ የተየ » ባረኖ ።

የጌታ ቅጫ ትምርት

17. የሱስ ባረኖ ፤ « እያ የሙሴ ቅጫም የነቢ ትምርት እሸርኖዌ የኮነኹ ኤምሰርኹ ። ቅጫ እንም ቾትኹም እጀጥሬ ኮነኹም ባንኸሬ እሸሬ አንኸረ ። 18. የውረመና እብርኹ አፈር ተሰሜ ቲያልፍ ዳር ቅጫ እንም ቾችም ቲጀጾሪ ዳር ተዝ ተቅጫ እማተታ ኤዳሺ ። 19. ኹታ ሚኒም ሰብ ተዝ እንም ተጌታ ትዛዝ እርስዮኹታ ዳር ቢሸር ዌም ቢች ፤ የሰብ እክም ቢያትመር ፤ ኹት በጌታ መንግስት ትንም እርስዮ ይውራ ። ቅጫ እንም ይቾትወም ያትመር ዌም ዩዶ ሚኒም ሰብ ቢኸር ኹት በጌታ መንግስት ንቅ ይውራ ። 20. እያ አድኹ የጌታ በታዘዘት ተዝ ተቅጫ ባሪቅም ተፈሪሳ ሰብ ባትፈዘ የጌታ መንግስት ስርም አትገባ » ባረኖ ።

የሱስ አትማቶ ባረኖ አደም

21. « ይፍቱ ከረ ( ሰብ አትቅጥር ፤ የቀጠረምኹታ ፍርድ ይትፈንድወ ) የዋሪ ኸማ ሰማኹም ። 22. እያ ጭን እብርኹ በጎጭያታ ይማች እንም ፍርድ ይትፈንድወ ። ጎጭመታ ኸንኤባር ባረኖ የቀነመን እንም ከፍተነ ፍርድ ይትፈንድወ ። ጎጭመታ ጋዋ ባረኖ የሰተበኹታ እንም ያዛብ አሳት ፍርድ ይትፈንድወ ።

23. እኳ አኸ የጌታ በኸም ሚኒም ቃር ቲቤ ትታትቆንብ በጎጭያኸ ያነብኸ መራክስ ቀለብ ቢብርኸ ። 24. የጌታ ቲቤ ያኮነኸንኹታ አውራንም የጎጭያኸ ወር ። ብደርም ተጎጭያኸ ተሳከት ። ተኸ አንቆ ተዘገርም ያኮነኸን ቃር የጌታ አትቀንብ ።

25. ተባላጋራኸ እማቴ ኤማ ትታር አፍጥርም ቤማም ተሳከት። በንተሻከትኸ ባላጋራኸ የዳነ ዳነም የፎሊስ ያቆጥርኸ። እኸም ወኸኔ አገዬም ይቋሽከ።  
 26. ውረም ጽብርኸ አት ሚንገህ ቴተርፍ ከሳኸ ካስኸም ትትጀጥር ዳር ተዛ ቶኸኔ ስርም አትወጣ » በረም።

አትባልጎ

27. የሱስ ገክ በረም፤ « ድረ የምስም የምሽት አትባልጎ የዋሪ ኸማ ሰማኹም። 28. እያ ጭን ጽብርኹ ይሸቴንዩ አሸም የትሚነና በኸረ ኸጋመዎ ኸት በኸነታ ተምሽትኸታ ባለገም። 29. ከነ ኤናኸ ባጠር ቢያቸትኸታ ታኸ አጣም ቃሽ። መራ ምስያኸ ባዛብ እሳት ተቃሶት ይርቅ ተገጋኸ አተታ ታንጠም ቢቄ ይፈዝ። 30. ከነ ጽጁኸ ባጠር ቢያቸትኸታ ጽርጥም አጣም ቃሽ። መራ ምስያኸ ባዛብ እሳት ተቃሶት ይርቅ ተምስያኸ አተታ ቢቄ ይፈዝ » በረም።

ምስ ተምሽት አኹ አትጎፈር

31. የሱስ ገክ በረም፤ « የዝኸ ይፍቴ (ምሽተታ ይገፍሬ የሽ ሰብ እንም የገፈረወ የጥፈት ወረቀት ያብና ) ቢሪም ባነ። 32. እያ ጭን ጽብርኹ ሚኒም ሰብ ምሽተታ ትንገድ ምስ ታትባልግ ኤግፍር። ታትባልግ ቢገፍና የኸት እክም አባለገናም። የገፎርያም ምሽት ያገገ እንም ባለገም » በረም።

የሱስ ተዩ እንተነኸ በረም

33. « የሰማኹም ኸማ የድረ ሰብ የዋርዮ ቃር ነረ። ( የፍጥር ተዩ እንተነኸ፤ የተነኸወ ዘንጋ በጌታ ይፍቴ አትቀንብ ) የዋሪ ኸማ ሰማኹም። 34. እያ ጭን

ጽብርኹ ስርም ተዩ እንተነኸ። በሰሜም እንተነኸ፤ ጌታ ነገሰም የቸናወው። 35. ባረርም እንተነኸ፤ ጌታ ጽግረታ ያቄመወው። በየሩሳሌም እንተነኸ፤ የርቅ ንጉስ የጌታ ከተማው። 36. በገጋኸ ጉነር እንተነኸ፤ እማት የጉነር ድገር ነጩ ዌም ጥቀር ታሜዬ ኤኸንኸ። 37. ቃራኸ ይኸር በኸረ የኸር፣ኤኸር በኸረ ኤኸር በር። ተዝ ውጤ ይውሪ ዌም ይተሪኸታ መጥጡ » በረም።

መጥጥ ቲቸትብኸ ሰብ እንትራከስኸ

38. የሱስ ገክ በረም፤ « ድረ ( ኤን ያፈንወ ኤን አፎርጨ፤ ስን የሰጥረ ስን ሰውሪ ) የዋሪ ኸማ ሰማኹም። 39. እያ ጭን ጽብርኹ መጥጥ ቲቸትብኸ ሰብ እንትራከስኸ። ከነ ወኸታኸ የተፋናኸ በኸረ ዘጥርም ጉራ ወኸታኸ አውን። 40. በነብኸም ቃር ከሰና ከሴ በረም ሸሚዛኸ ይመርጥኸኸታ ነጠላኸም የሰድ። 41. ሚኒም ሰብ አት ኸዳድ ኤማ የግርድ ቢወስድኸ ኼት ኸዳድ ኤማ ተኸትም ጋመወ ወር። 42. የጨቄሰናኸም አውን። ታኸም አጅግ ይሽ ቢረብር አጅግ አውን » በረም።

የሱስ ጠላታኸ ንመድ በረም

43. « ድረ ( አበጐዳኸ ንመድ ጠላታኸ ጥራ ) የዋሪ ኸማ ሰማኹም። 44-45. እያ ጭን ጽብርኹ፤ በሰሜ ያነ አባኹ ዴንጎ ትኸዩዌ ጠላታኹ ንመዶ። ቲያሳዶኩም የጌታ ጠቀሶኖ። ጌታ ዮኼም የመጥጥ ሰብ ቅጥዩ ጨት ይብ። ባጠር የቸተም ያንቸተ እማቴ ዝራብ ያዘርብ። 46. እማት ይረምዶኩኸኖ በረመድኹ በጌቴ ምር ዋጋ ነረናኸ? ቀረጥ ይቀርጦ ሰብ ገክሽ ይረምዶ። 47. እማት የደቦዋኹ ሳምኹም በትቆጥርኹ

ምር ብርጫ ቃር ችትኹም ? ጌታ ኤጁሮ አረማዊ ሰብ ጻር የደቡኩና ሰዋም ይትቆጥሮ። 48. ጸጋ አኹ የሰሜ አባኹ ጌታ ገታ ቅጥዩ የኸረ ኸማ አኹም ቅጥ ባሮም ንባሮ » ባረም።

መንሸ 6  
ወኼነታኹ ሰብ ያኸንኹዌ ኤኸር

1. የሱስ ባረም፤ « ተጤፖ ያኹ ወኼነት ሰብ ያኸንኹ ኸማ አንኸረ። እክሽ በኸረ በሰሜ አባኹ በጌቱ ዋጋ ኤነናኹ። »

2. አታት ኸጣ በሰብ ይፍቱ ንቅ ይኸሮዌ ይሰባ ሰብ ነረቦ። አታት በጠሎት ቤትም በጀጭረ ቲያሮ ቤማ ይባ ሰብ ነረቦ። አኸ ያጌነን ትቲብ የኸኖ ኸማ ጸኸረ ስመኒ አትባር። ውረም ጸብርኸ ኸኖ መራ ዋጋኹና በዝሜ ተቆጥሮም። 3-4. አኸ ጭን ትቲብ ሺምም አብ። ከነ ጸጃኸ ይቸትን ጉራ ጸጃኸ ኤኸር። ሺመም ያኸ አባኸ ጌታ ይዝራጋም በመራ ጸጀታ ይካሰኸሸ » ባረም።

የጎታንዳ ጠሎት

5. የሱስ ባረም፤ « ጠሎት ትታመሮ ኸጣ ሰብ ኸማ አትኸሮ። ኸኖ ሰብ ያኸሮዌ በጠሎት ቤትም በረጥት ቁዋም ጠሎት ያመሮዌ ይሸኖ። የውረመና ጸብርኹ ኸኖ መራ ዋጋኹና በዝሜ ተቆጥሮም። 6. አኸ ጭን ጠሎት ትታሚ ኸራር ግባ ወዝገብ ጸጭም በሸመቶር ያነ አባኸ የጌታ ጠሎት አሚ። ሺመም ያኸኸ አባኸ ጌታ በመራ ጸጀታ ይካሰኸሸ። »

7-8. አረማዊ ሰብ ብዙ ቃር በዘንጎተኹና ጠሎተኹና ይሰመኖ ቃር ይመስኖ። አኹ ጭን የጌታ ትትጨቀሶ ጭቋሸኹ ተኸን የኸር። ኸኖም ዝም ጠሎተኹና ያገርፎ ሰብ አትምሰሮ። አኹ ታትጨቀሰዊ ይፍቱ አባኹ ጌታ ያትኸሸኹ ቃር ይኸር። 9. አኹሽ የጌታ ዝካ ጠቀሶ፤

በሰሜ ትረብር አባንዳ ጌታ  
ኸማኸ ንቅ የኸር።

10. ኔኸም ተረገስ።  
ትዛዛኸ በሰሜ ይቀራ ኸማ  
ዝክም ባፈር የኸር።

11. የኳ ሸረተንዳ አኸ ናመንደ።

12. ይናም ሱሺ የዋሮንደ አፍ ባንም።  
አኸም ይና ሱሺ የዋኔ አፍ በርንደ።

13. ተመጥጥ አትርፍንደ ባንኸሬ  
በፈተና አታግባንደ።  
መንግስትም ደረግ ያኸው።  
ክብርም ምስጋና የዘላለም አሚን።

14. የሰብ ባጠረኹና አፍ ብትብሮ የሰሜ አባኹ ያኹም አፍ ይበርኹሽ። 15. የሰብ ጭን ባጠረኹና አፍ ባትብሮ አባኹ ጌታ ባጠራኹ አፍ ኤብርኹ » ባረም።

ውረም የኸረ ጦም የሱስ አትመረም

16. የሱስ ባረም፤ « ጦም ትትጠሞ ያታት ኸጣ ሰብ ኸማ አትሸተሮ። ኸኖም ይጠሞ ኸማ የሰብ ያትኸሮዌ ይፍተኹና ያጠፎ። የውረመና ጸብርኹ ኸኖ መራ ዋጋኹና በዝሜ ተቆጥሮም። 17-18. አኸ ጭን ጦም ትትጠም በሸመቶር ያነ አባኸ ጌታ የኸንኸ የኸንኸ ባንኸሬ ሰብ ያኸንኸ ጠመነ ምጭትኸ አትጣ። »

ጉነራኸ ተቀባ። ይፍታኸ ታጠብ። በሽመቶር ያኻ ጌታ በመራ ጸጅታ ይክስኸሽ » ባረም።

ዋጋኸ በሰሜ በጌቱ አራ

19. ኹትም ባረም፤ « ዋጋኸ ንቅስ ይወራኔ በሽ ይብሬ ኔባም ኸነም ይወስድብኼ የዝ አፈር ዱንያ አትሰስብ። 20. የካ ሚሬ ንቅስ ቤወራን በሽ ቤብር ኔዘም ኸነም ቤወስድብኸ መደር በሰሜ ዱንያ ሰስብ። 21. ዱንያኸ ባነወ መደር ኸናኸ በኸሚ ይኸርሸ » ባረም።

የምስዩ ነራዝ ኤት

22. የሱስ ባረም፤ « የምስዩ ነራዝ ኤት። ኸኸ ኤናኸ አፍያ ቢኸር ምስያኸ እንም ስንክር ይውን። 23. ኤናኸ ቢያቀኸ ጭን ምስያኸ እንም ጠነማ ይኸር። ጸጋ ስንክር ይውን ምስያኸ ጠነማ በኸረ ጠነማኹታ ይርቅ እርሚማ ጠነማ ይኸርብኸ » ባረም።

የጌታም የዋጋ እማቱ ወትገሳ ኤኸንኸ

24. ኹትም ባረም፤ « የኼት ጎታ ወትገሳ ይኸብላ ሚኒም ሰብ ኤት። ያተታ ይረምድ ያተታ ይጠራ። ዌም ያተቱ ይጠጋ ያተታ ይቀርጥ። አኹም ዋጋ ትረኸባዌ ባኹም የዋጋ አትም የጌታ እማቱ ወትገሳ ኤኸንኸ » ባረም።

የጌታ እገዢም የሱብ ወጠነቅ

25. የሱስ ባረም፤ « የዝ እንም እያ ጸብርኹ (ምር ጸብራቱ ምር ጸሰጭቱ) ዌም (ምር ጸትኸተርቱ) ቤትኹ አትጠነቆ። ጌታ ነብስም ምስዩ አበናኹም።

ዝኸ እንም በበናኹ ተዝ ያርስ ሸረት ተኹጅር መምር ኤይብኹ? 26. የሰሜ አፎ ጸዘበ። ኤዘር፣ ኤፈጠ፣ በሻትም ኤያወር። ቢኸርም የሰሜ አባኹ ጌታ ያበራፍ። አኹኸ ተዝ አፎ አትርቆዌ? 27. ታኹ ተጨነቀም ተቀመታ አት ኸነ ይደብሬ ይኸብላ ሚኑ? 28. የኹጅርኸ የምር ትጨነቆ? የጀፎረ ማማ መምር ይረሞ ኸማ አትያርም ጸዘበ። ኤቆጠ ኤሰር። 29. ቢኸርም ያኹ ጸብርኹ ንጉስ ሰለሞንም በርቅነተታ እንም ተዝ ማማ ያተታ ኸማ አንሳረ፤ ይኸር ቃር አንትኸተረ። 30. በጀፎረ ያነ ሰር ጸኳ ነማም ነገ ይጠርቅ ብሳት ይረድድ። ጌታ የጀፎረ ሰር ዝካ ይኸር ቃር ያኹድን። ጸጋ አኹ በጌታ ተመመርት ቅመናኹም ባንኸሬ ጌታ ያኹ ተዝ ማማ ይርቅ ኤያኸድርኹዌ? 31. ኼታ (ምር ንበራነቱ ምር ንሰጭነቱ) ዌም (ምር ንትኸተነቱ) ቤትኹ አትጠነቆ። 32. ዝኸ እንም አረማዊ ሰብ በርቅ ተመኛት ይሰቦ። አኹ ዝኸ እንም ያትኸኸኹ ኸማ የፎሬ አባኹ ጌታ ይኸር። 33. አኹ ብደሮም የጌታ መንግስት ሳቦ። የኹትም ታዘዘ። ዝኸ እንም ይትደበንኹሽ። 34. የዝ እንም በረገ ቃር እንጨነቅኹ። የረገኹታ ነገም ይኸጭሽ። ጸኳ ቢቶንብኹ ቃር አትባቅሮም ቍሞ ባንኸሬ በረገ ቃር አትጠነቆ » ባረም።

መንሽ 7

በሰብ ወፍርድ

1. የሱስ ባረም፤ « አትፍርዶ እንትፈንደብኹ።
2. ብትፈርዶጭ ፍርድ ይፈርጅብኩቴ። ብትሰፍሮጭ ቍና ይሰፈርብኩቴ።

3. በጎጭያኸ ኤን ያነ ቅንቅት የምር ታኸ ? በጎጎኸ ኤን ያነኸ ግንድ የምር አታኸ ? 4. ባኸ በጎጎኸ ኤን ግንድ ነረ ። ኸኸ ግንድ ታነ የጎጭያኸ (ቴናኸ ቅንቅት አወጣንኬ ጸጊ በሬ) መምር ትውን ? 5. አኸ ኸጣ ብደርም በጎጎኸ ያነ ዩናኸ ግንድ አጣ ። ተካንቅ በጎጭያኸ ኤን ያነ ቅንቅት ታወጤ በጨር ይተየኸሸ ።

6. የሚጠሬ ወኼ ዘንጋ የግየ አታዐዮ ። ተዘቤተቦ ያኹ እነከሶኩ ። ኑንድ ግብራኹ በዋጋ መዬ አትቃሶ ። በግረኸና ኤንቅጠዊ » ባረም ።

ጠቀሶ ላቦ ወዝገብም ድርጎ

7. የሱስ ባረም ፤ « ጠቀሶ ያውኩሽ ፤ ላቦ ትንኸቦሽ ፤ ወዝገብም ድርጎ ይክፈትንኩሽ ። 8. የጨቁሰን እንም ይትቅጥር ። የሸም ይረኸብ ። ወዝገብም የደነገ ይክፈትን ። 9. ታኹ አት ሰብ ጸርቸታ ዳፒ ቢጨቀሱን እምር ይውን ሚኑ ? 10. በሰር ቢጨቀሱኸኸ ኸረ ታውንሸዌ ? 11. አኹ ቡሹ ሰብንኹ ፤ ቡሹ በኸርኹሜ የደንታኹ ወኼ ዘንጋ አቦት ትኸሮ ። ጸጋ በሰሜ ያነ አባኹ የጨቁሰን መምር ይርቅ ወኼ ዘንጋ ኤደውን ?

12. ሰብ (ይያ ዝካ ያሚኒ) ትብሮ እንም አኹ የኸክም የኸኖም አምሮኖ ። የሙሴ ቅጫም የነቢ ትምርት ወበር ዝኸታው » ባረም ።

ጠብብ ተበትት ወፈንቻ

13. የሱስ ባረም ፤ « በጠብብ ወፈንቻ ግቦ ። የሞቴ ይወስድ ወፈንቻ በትቱ ኤማመታ ዝርጓው ። በበትት ኤማ ያሮም ብዘሮ ። 14. ጸያም ይረኸውቴ መደር ይወስድ ወፈንቻታ ጠብቡ ኤማመታ ስሰው ። ይረኸውንም ቀሪ ሰቡ » ባረም ።

ኸጨ በቡስረታ ይኸሪ

15. ኸትም ባረም ፤ « የጌታ ሰብ መሰሮም ፈጠሮም ቴያትመሮ ሰብ ተጤፖ ። የጤ ጎማድ ተኸተሮም ይቸኖ ። ኸኖም ጤ ይረሶ ቀወረሮ ። 16. አኹ በሚናኸና ትካሮዮሽ ። ተጎርዘማ እምቡኸና ትምቡረቴረ ሸብራ ኤረቅማ ። 17. የኸክም ወኼ ኸጨ ወኼ ቡስር ያፌ ። መጥጥ ኸጨ መጥጥ ቡስር ያፌ ። 18. ወኼ ኸጨ መጥጥ ቡስር መጥጥ ኸጨ ወኼ ቡስር ኤያፌ ። 19. ወኼ ቡስር ኤያፌ ኸጨ እንም ያርጨ ። አንጭም ብላት ይኹሬ ። 20. ፈጠሮም ያትመሮ ሰብ የኸክም በቡስረኸና ወበር በሚናኸና ትካሮዮሽ » ባረም ።

የሱስ « እያ ስርም አንኸርኹ » ይብርቴ

21. የሱስ ባረም ፤ « በሰሜ ያነ አባና ፍቃድ ያሚኸታ የጌታ መንግስቴ ይገቡቴ ባንኸሬ እክም ጎታኖ ጎታኖ ይብሬ እንም የጌታ መንግስቴ ኤገባ ። 22. በኸ ከረ ብዘኸኖ (ጎታንዶ በኸማኸ ብዘ ቃር አትመነም አድነም ። በኸማኸ ሲጣር አወጣነም ። በኸማኸ ብዘ ወግ ቃር ችትነም) ይብሮንቴ ። 23. ኸኸ ከረ (እያ ስርም አንኸርኹ ። አኹ በጠረተነ ትያ ጸሰኹ) ቤትኸ አድቦቴ » ባረም ።

የኼት ቤት እርሽ

24. የሱስ ባረም ፤ « ዝም ቃረና የሰማ ፤ ሰማም የታዘዘ እንም ቤተታ ብምር ጾር ያረሸ ቤጥ ሰብ ይመስር ። 25. ዝራብ በዛ ቤት ወንደም ። የደገም አካ ወረወም ። ንፋስ ቸንም ገፏንም ። ቢገፏንም ብምር ጾር ያረሰውዬ አምቡጠቀ ። 26. ዝም ቃረና

ሰማም ኤታዘዝ ሰብ እንም ቤተታ በባረ ዌም በሻዋ ልር ያረሽ ጋዋ ሰብ ይመስር። 27. በዝ ቤት ዝራብ ወንደም። የደገም እኻ ወረወም። ንፋስም ቸንም የዛ ቤት ገፏንም፤ቢገፏን ወጠቀም። ውጣቆመታ ያትሸንፍ። ባን» ባረም።

የሱስ አጩገም ዝረሸም

28. የሱስ ዝኻ ባረም ቲጀፕር ሰብ እንም በቃረታ ወግ ኸረባም። 29. ኹት የኸኖ ቆጫ ባረቅ ኸማ ቲኸር ባጌታ ደረግ ኸረም አጩገም አትመረኖም።

መንሸ 8

የሱስ የቃላ ባሽ ያነወ ምስ አተነፈም

1. የሱስ አትመረም ቲጀፕር ተቈቶ ወንደም። ቲወርድ ብዘ ሰብ ተኸተረዌም። 2. አት የቃላ ባሽ ያነወ ምስ ቸንም ቢፍተቲ ወጠቀም። « ጎታኖ በሸኸ ታተርፌዬ ይኸንኸ » ባረም ጨቁሰንም። 3. የሱስ እጀታ አቸንም መሸሸንም ታነ « እያ ይኸሬ፤ አኸም ትረፍ » ባረንም። ኹትም ኸመጋ ተባሸታ ተነፈም። 4. የሱስ « እያ ያተነፍከ ኸማ የሚኒም ሰብ እኖድኸ። ቢኸርም ወርም ምስያኸ የቆስ አተኸን። ትረሬታኸ የሰብ ምስክር ይኸሬም ሙሴ ያዘዘ ኸትም የጌታ አትቀንብ » ባረንም።

የመቶ አለቃ የቤት እርቾ ተባሸታ ተነፈም

5. የሱስ ቅፍርናኸም ከተማ ገፓም። በገፔ መቶ አለቃ የኹትኪ ተቆነበም። 6. መቶ አለቃም « ጎታኖ የቤት እርቾና ሽባ ኸረም ንቃር ተጨነቀም በቤት

ተገተረም » ባረም ያተርፎኔ ጨቁሰንም። 7. የሱስም « እያ ተንትኹ አትርፎንሸ » ባረንም። 8. መቶ አለቃ ዠፕረም « ጎታኖ በቤተና ወፈንቻ ትገቤ አንሰናኹ ቃርንኹ። ቢኸርም እማት ትረፍ ቡን፤ የቤት እርቾና ተባሸታ ይትረፍሽ። 9. እያም ትያ በጆር ባነቦኸኖ እታዘዝ ሰብንኹ። ትያም በስዋ ያነቦ ወታደር ነረቦ። አተታ ወር በባኹን ያር። አተታ ኔኸ በባኹን ይቸን። የአሸክረና ዛታ አሚ በባኹን ያሚ » ባረንም። 10. የሱስ ዝኻ ሰማም ታነ ወግ ቢኸርወ ተኹት የቸነቦ ሰብ ዝካ ባረኖም፤ « የውረመና እብርኹ በእስሬል ገን ቢኸር ዝካ በጌታ አመረም የቈመ ሰብ አነከብኹ። 11. እያ እብርኹ ብዘኹና ተረን ተተት ይቸኖቲ፤ ተአብርኻም ተይላቅ ተያቆብ ጋመ በጌታ መንግስት የሸረት ይቸኖቲ። 12. የጌታ መንግስት ንገባነቲ ተባሮ ተእስሬል ሰብ ብዘመኹና ጭን በውጤ በጠነማ ይቋሸዮቲ። በኸሜ ብኸም ስን አትፈጠት ይኸርቲ » ባረም። 13. ዠፕረም የሱስ የመቶ አለቃኹታ « ወር፣ ያመርኸ ኸማ የኸንኸ » ባረንም። የቤት እርቾታ ኸመጋ ተነፈም።

የሱስ ብዘ ሰብ አፍያ አመነም

14. የሱስ የጴጥሮስ ቤት ገፓም። በገፔ የጴጥሮስ አማት ምስየኸታ መሸረችም በትገተረቼ አሸናም። 15. ቸንም እጀኸታ መሸሸናም። ቢመሸሸና ትመሸር የረፕረ ገፈረናም። አፍያ ኸረችም። ተረሳችም የኹት አዋዘረቸንም።

16-17. አፈር ገፓት ቲኸር በሲጣር የትጠበቦ ብዘ ሰብ የየሱሴ አቸነቦም። በነቢ. ኢሳያስ የቶደም ኸማ « ኹት ቅጭነረንዳ ተቆፕረም፤ ባሸንዳም ጮረም »

የዋሪ ይኸሬ የሲጣር በቃረታ አወጣም ። የቅመኖ አንም አፍያ አመነም ።

የየሱስ ተመመርም ወትኸተር

18. የሱስ ብዙ ሰብ በትኸተረውዬ አሸም ። ቢያኸየ የተማሪየታ የባር ኸውኸት ይትኸኖዌ አዘዘኖም ። 19. አት የሙሴ ቅጫ ባሪቅ ቸንም « አስተማሪዬ አኸ ታርወ መደር እንም ኸትኸተርኸቲ » ቧረንም ። 20. የሱስም « የቀወረ ጎጆ ነረኖ፤ የሰሜ አራም ቤት ነረኖ ። እያ የሱስ ኸርች ጭን ገገና ኸጠቀርወ ዌም አፌወ መደር ኤኔ » ቧረንም ። 21. ተተማሪየታ አተታ « ጎታኖ አባና ቲሞት ኸቀብሬ ንብደርም ንወር ፍቅድኒ » ቧረንም ። 22. የሱስም « አኸ ይያ ተኸተሬ፤ የመቶኸኖ የመተየኸኖና ይቀብሮዌ ታቦዮ » ቧረንም ።

የሱስ በባር ፎር እምሎርቢት አቁመም

23. የሱስ በባር ፎር ቢያር መርከብ ቲገባ ተማሪየታ ተኸተረዊም ገፍም ። 24. በባር ፎር ቲያሮ ኸመጋ እምሎርቢት በባር ፎር ተረሳም ። የባር መርከብ ቲያትፏፏን ዳር የባር እኻ እቅረቀረም ። የሱስ ጭን ንዩም ባነ ። 25. ተማሪየታ ተቸነቦም ታነ « ጎታንዶ አነቅነም፤ አትርፍንዶ » ባሮም በሬተታ ነሰዊም ። 26. ኸትም « አኸ በጌታ ተመመሮት የቅመኖኸ ሰብ፤ ትሰርፎ የንቃሩ? » ባረኖም ። ተኸንቅ ተረሳም ። ንፋስ ተባር አጥሬቀረም ሞስ በሮ ባረም ። ንፋስም ባር አቸም ገብ ባሮም ። 27. ሰብኸኖ « ዝኸ ምር ኤነት ሰቡ? ንፋስ ተባር ይታዘዘን » ቲብሮ ወጉ ባሮም ።

የሱስ ሲጣር የጠበጠኖ ሰብ አወጣሮም

28. የሱስ ተባር ኸውኸት ጋዳሬን ገን ቸንም ። በቸነ ግዝዩ በሲጣር የትጠበጠ ኼት ሰብ ተመጣጣ ግፍ ወጦም ተራከበዊም ። ኸኖም የሰብ ይደርጎ ሱኪ ሰብ ባነቦ ። በኸኖ የቸነ ሰብ ኤማ ያሬ በከረም ባነ ። 29. ሲጣርኸኖም የየሱስ « አኸ የጌታ ኸርች ቢና ምር ትኸ? ግዝዩንዳ ቲሰራ ታጨንቅንዴ ዝኸ ቸነኸምዌ? » ቲብሮ አኸኖም ።

30. ተኸኖ በኸች አሳማ ይውርዮ ብዙ ዋጋ ተደመዶም ሰር ይበሮ ባነ ። 31. ሲጣርም « ታወጣንዶ በኸረ በኸ በትደመዶ ዋጋ በኸኖ ንገባኔ ግፍርንዶ » ባሮም ጨቁሰዊም ። 32. የሱስም « ወሮ » ባረኖም ። ሲጣርኸኖም ተዛ ሰብ ወጦም ወሮም፤ በዋጋ ገፍም ። ዛ የትደመዶ ዋጋ እንም ተሰቸ ተረሶም የባር መሬ ኖጦም ። ኖጦም በባር ደን ገፍም መቶም ።

33. ዜማንቸም ሰከቦም ። ከተማ ወሮም፤ ሲጣር ጠበጠኖም የረገሮ ሰብም ቃር የዝም ዘንጋ እንም አዶም ። 34. ቢዩዶዮ የከተማ ሰብ እንም ተየሱስ ይትራከበዌ ወጦም ። ወጦም ባሰበዊ ጋመ ተገነኸኖና ይፈካሮዌ የየሱስ ጨቁሰዊም ።

መንሸ 9  
ኸባ ምስ ተነፈም

1. የሱስ በባር ፎር ቢያር መርከብ ገፍም ተባር ተኸኖም ። የገገታ ከተማ ቸንም ። 2. አት በሳንሳ ፎር የትገተረ ኸባ ምስ ጮሮም የኸትኼ አቸነቦም ። የዝም ምስ የሱስ ያተርፏን ኸማ የጮሮ ሰብ እንመኸኖና



ይትመመሮ ባን። የሱስ የኸነኹና ቃር አሸም ታነ የሸባኹታ «እርቾ በርታ ባጠራኸ ተፋቀንኸም» ባረንም። 3. ተቅጫ ባሪቅ አታተኹና በኸነኹና «ዝሸታ በጌታ ይትቃነም» ባሮም። 4. የሱስ የኸነኹና ቃር ካረም ዝካ ባረም፤ «የምር በኸነኹ መተጥጥ ታስቦ? 5. ባጠራኸ ተፋቀንኸም ተበሮት ዌም ተሳም ወር ተበሮት ኤተኹና ይረዝ? 6. ቢኸርም የሰብ እርቾ ባጠር ይፈቁ ባፈር ደረግ ያነን ኸማ ካሮ» ባረም። ኸመጋ የሸባ ምስ «ተሳ፤ ሳንሳኸ ጠውርም ቤታኸ ወር» ባረንም። 7. ዛ ምስ ተረሳም ቤተታ ወረም። 8. ሰብም አሰባም ታነ ወጉ ባሮም። ዝካ ደረግ የሰብ ያበ ጌታ አኸበደም።

የሱስ የማትዮስ ተኸተሪ ባረንም

9. የሱስ ተኸ ቲያር ቀረጥ ቢቁርጭጭ መደር አት ምስ በቾኔ አሸም። ኹትም ማትዮስ ይውሪ ባን። የኹትም «ተኸተሪ» ባረንም። ማትዮስም ተረሳም ተኸተረንም።

10. የሱስ በማትዮስ ቤት እድያ ቲበራ ብዙ ቀረጥ ይቀርጠም የሙሴ ቅጫ ኤቅረቦ ሰብ የኹትኸ ቸነቦም። ተየሱስም ተተማሪየታ ጋመዕ ይበሮዌ ቾኖም። 11. የፈሪሳ ሰብ አሰባም ታነ የተማሪየታ «አስተማሪየኹ ቀረጥ ቲቀርጠ ሰብም የሙሴ ቅጫ ቲቅረቦ ተባጠረተነ ሰብ እማቴ የምር ይበራ?» ባሮዮም። 12. የሱስ ሰማም ታነ «ባሸነ ባንኸሬ ፊነተነ አኪም ኤያትዘኸኖ። 13. ቢኸርም አኹ ወሮም (ይያ የጌታ ቲቦን ኸትም ቴኸር ያጉነን አትማጠጥኹም ብቲቦ ይርቅ እረምድ) የዋረን ምር የኸረ ኸማ በስሮ። እያም የቸነኹ

ባጠረተነ ባጠረኹና ያወጠዌዉ ባንኸሬ መጠነም ይብሮኸኖ እጠሬ አንኸረ» ባረኖም።

የሱስ የጦም ቃር ተሳሪም

14. በኸ ግዝዩ የዮኻንስ ተማሪ የየሱሴ ተቅነቦም ታነ «ይኖም የፈሪሳ ሰብ ብዙ ጋመዕ ንጠምነ። ያኸኸ ተማሪ ኤጠሞ የንቃሩ?» ባረዋም። 15. የሱስ ዝካ ባረኖም፤ «ምኸረነ ተኸኖ ታነ መኤ መምር ያዝኖ? ኤያዝኖ። ምኸረነ ተኸኖ ይፍቴ ይወስጅጌ ወክት ይቸንቴ። ኸጋመዕ ይጠሞሽ።

16. በገነዘ ኹጅር ራር ይቅመጥጥ ገደር ጣፈት ይጠፍ ኤነ። ገደር ጣፈት በጣፎጌ ጭን የጉርዝ ኹጅር ይርቅ ይትረትን። ኹጅርኹታ ቲጫጨ ገደር ጣፈተታ ይጠብብ። በኸ የቸነ የኹጅርኹታ ጉድድ ቲፍቴ ይርቅ ይቤትት።

17. በገነዘ የጠጅ መጣ ገደር የዌን ጠጅም ይኸራ ኤነ። በኸነጌ ጭን መጣኹታ ጠምቧ ባረም ይትረትን። ጠጅም ይትኸ። መጣምኹታ ይትብላሽ። የኸ እንም የገደር ዌን ጠጅ ገደር መጣ ያትሸኸን። ኹቸም ይትቅራብ» ባረም።

የጠሎት ቤት መሪ ገረድም የየሱስ የኹጅርታ ኸራ የረገደች ምኸት

18. ዝም ቲብሮኖ አት የይኹዳ ጠሎት ቤት መሪ የየሱሴ ቸነም ሰጎደረም። «ጎታኖ ገረደና እኼ መጣትም። ቢኸርም አኸ ኔኸም እጃኸ አራብ። ኸትም እያም ትኸርም ትተሳሽ» ባረም። 19. የሱስ ተረሳም ተተማሪየታ ጋመዕ ተኸተረንም።

20. አትም ታስረኼት ዘበር ቀነሰም ደም ይወርድና ምሽት ባነች። ኸትም ተየሱስ አንቆ ተቆነበችም የኸጅረታ ኸራ ነገደችም። 21. በኸንመኸታ « እማት የኸታ ኸጅር በረገድኸ ጸትረፍሽ » ትብር ባነ። 22. የሱስ ተኸባጥረም አሸናም ታነ « ጸተመቶ እንጠነቀናኸ። እያ አተርፍኸ ኸማ ያመርኸኔ ተነፍኸም » ባረናም። ኸትም ኸመጋ ተነፈችም።

23. የሱስ ገረደታ የመጣቸው የጠሎት ቤት መሪ ቤት ገገም። መሪ ተያሪ ተዘኸሩ አሸም ታነ 24. « እንዴ ጸሰኩ ተክፈፈቶ። ዝኸ ገረድ ንየችም ባንኸራ አመጣች » ባረናም። ቢብኖ ኸኖም ንቃር ዳቆቹም። 25. ሰብ ውጤ ባወጨዮ አንቆ የሱስ ገረድ ያነቸው ቤት ገገም። ጸጅኸታ ጠበጠናም። ቢጠብጥና ተረሳችም። 26. የዝመታ ወሬ በኸ ገነ እንም ተሰማም።

ኼት ፎርጥ የሱስ ክፈተኖም

27. የሱስ ተኸ መደር ተረሳም ተያር ኼት ፎርጥ ሰብ ተኸተረዋም። « የዳዊት ጸርቾ ኸዳሽ ማርንደ » ባረናም አኸኖም ጨቁሰዋም። 28. ኸትም ቤት በገገ አንቆ ፎርጥኸኖ የኸትኼ ተቆነበም። የሱስም « ኤናኩ ጸከፍቴ ይኸኒ ኸማ ታምሮዌ? » ባረናም። « አክ ጎታንደ » ባረዋም። 29. በኸ ግዝዩ « ጸጊ ያመርኩን ኸማ የኸር » ባረም ኤነኸና መሻሸኖም። 30. ኤንመኸና ተክፈቶም። የሱስም « ሟኒም ሰብ እንካረ ተጤጎ » ባረም አቴገም አዘዘኖም። 31. ኸኖ ጭን ወጦም በኸ ገነ እንም ኸት የቾተሮ ቃር አደም።

ዲዳ ምስ ዝረሸም

32. ሰብ ተኸ ቲወጦ ሲጣር የጠወጠን አት ዲዳ ምስ የየሱሴ አቸነበም። 33. የሱስ ሲጣር ታወጣረ አንቆ ዲዳ ምስ ዝረሸም። ሰብኸኖ « ዝካ ቃር በእስሬል ገነ ስርም እናሰዊ » ቲብሮ ወግ ኸረቦም። 34. የረሪሳ ሰብ ጭን « በሲጣር አለቃ ሲጣር ያወጣ » ባረናም አሸሱኹም።

የሱስ የሰብ አትማጠጠኖም

35. የሱስ በጠሎት ቤት ቲያትመር የጌታ መንግስት ወኼ ወሬ ቲዩድ። በሰብ ያነ ባሸም ቆምናት እንም ቲያተርፍ በከተማም በቀያ እንም ይገር ባነ። 36. የሱስ ዜማንቸ ኤነኖ ጤ ይመሰሮ ብዘ ሰብ አሸም። ኸኖም ተጨነቆም በቃሶዮዌ ቢያኹ አትማጠጠኖም። 37. ኸም ግዝዩ የተማሪየታ « ጐር ንቃሩ፤ ሚነነ ጭን ቀሪ ቃሎ። 38. ኼታ የጐር ጎታ ሚነነ ደገረም ይረኼ ጠቀሰዊ » ባረናም።

መንሸ 10

የሱስ አስረኼት ተማሪየታ ናኸኖም

1. የሱስ አስረኼት ተማሪየታ የኸትኼ ጠናኖም። ጠናኖም ታነ ሲጣር ያወጠዌ ተባሸም ተቆምናት እንም ያተርፎዌ ደረግ አበም ናኸኖም።
2. የራኸኖ ናኸቶረነ ሽም ዝመ። ፤ ትንም ይፍቴ የኸረ ጴጥሮስ የዋሪ ስሞን ጐጭያታ እንድርያስ የዘብዴዎስ ጸርት ያቆብ ጐጭያታ ዮኸንስ

3. ፊሊጶስ  
 በርተሎሞዮስ  
 ቶማስ  
 ቀረጥ ይቀርጥ ማትዮስ  
 የእልፍዮስ ሸርች ያቆብ  
 ታድዮስ  
 4. ጃደነ ስሞን  
 አትም የየሱስ አወጣም ያቆጥረ የአስቆሮቱ ይኹዳ

ኸኖትሮ።

5. ዝክ አስረኼተኹና የሱስ ናኸኖም። ቲረኸኖም ዝክም ባረም አዘዘኖም፤ « በአረማዊ ሰብ ገነ ኤማ አትወሮ። የሰማርያ ሰብ ከተማ አትግቦ። 6. ይርቅ ጤ ኸማ የቀነቦ የእስሬል ሰቤ ወሮ። 7. ወሮም ታነ ( ጌታ ቸነም ይረግስወ ግዝየ ሰናም ) በሮም አዶ። 8. ባሸነ አትርፎ፤ የመቶ ንሶ፤ የቃላ ባሸነ አትርፎ፤ ሲጣር አውጦ። ዋጋ ኤባር ተቆጥሮኹም፤ ዋጋ ኤባር አቦ። 9. ወርቅ ዌም ብር ዌም ፍራንክ ቢኸር በሸላኹ አትጥብጦ። 10. ቀረጢት ዌም ኼት ሸሚዝ ዌም ትርፍ ጫማ ዌም እንጣር አንጠበጥኹ። ሜነነ ጭን የቾተወ አዊ።

11. ብትገቡ፤ በሚኒም ከተማ ዌም ቀያ የጌታ ሰብ ሚን የኸረ ኸማ በጨር መርምሮ። ተክ ትትወጦ ዳር በኸሜ ቶሮ። 12. ሌትም ትትገቡ ወጌምት አቦ። 13. የገፓኹ፤ ሌት ወጌምት ይዊ ሌት በኸረ አዛንጎዮ፤ ወጌምነታኹ የስራኖ። ወጌምት ኤዊ ሌት በኸረ ጭን ወጌምነታኹ የትዘገንኹ። 14. ቲትቆጥሮኹኸኖ ቃራኹ ቲሰሞኩኸኖ እንም ተክኖ ሌት ዌም ተክኖ ከተማ ውጦ። ትትወጦ የግራኹ ጐት ጠጥቦም ውጦ። 15.

ውረም ሸብርኹ በጌታ ፍርድ ከረ ተሰዶም ተጎሞራ ሰብ ቅጣት የኸ ከተማ ሰብ ቅጣት ይብስ » ባረኖም።

የሱስ አት ከረ ያሳጅጅኩቴ ባረም

16. የሱስ ዠጥረም የተማሪየታ « እያ ያኹ የጤ ኸማ በቀወረ ግብት ሸረክኹቴ። ሸጋ አኹ ችረ ኸማ ሌጥ። ቡንየት ኸማ ጎራ ኸሮ። 17. ቢኸርም ተጤፖ፤ የፍርድ ዳኔ አወጦም ያቆጥሮኩቴ፤ በጠሎት ሌት አቁሞም ይገርፎኩቴ። ተክኖ ተጤፖ። 18. የኸኖም የአረማዊ ሰብ ምስክር ይኸሬ ብያ የቸነ የዳኔም የርጉሴ ያትቆንውኩቴ። 19. ወሰዶም ቲያቆጥሮኩ በኸ ግዝየ ትዝረከዊ እንም ያውኩሸ። መምር ዌም ምር ንዝረኸነቴ ሌትኹ አትጠነቆ። 20. ባኹ ይዝረኸ ያባኹ የጌታ መንፈሱ ባንኸሬ ትዝረከ አኹ አንኸርኹ።

21. ጐፔ የጐፔያታ፤ አብ የርቸታ የሞት አወጣም ያቆጥርቴ። ዴንጎም በጨነቦቶ ባባኹና ባዶተኹና ይትረሶፖም ያትቆጥሮኩቴ። 22. ብያ የቸነ ሰብ እንም ኤረምዶኩ ይጠሮኩቴ። የቀጥወ ዳር ፈነኸም የቄመ ኹት ይተርፍቴ። 23. ባት ከተማ መከራ ቢያቸኖብኩ እንጐድ ከተማ ፍክ። የውረመና ሸብርኹ እያ የሰብ ሸርች ትንቸን ዳር የእስሬል ከተማ እንም ዌትኹ አትሰረዊ።

24. ተማሪ ታስተማሪየታ፤ አሸክር ተጎታታ ኤርቅ። 25. ተማሪ ያስተማሪየታ ኸማ አሸክርም የጎታታ ኸማ ወኸረታ ይወጣረ። ያበቃጥ እያ ዳር ( ሼጣንንኸ፤ የሲጣር አለቃንኸ ) በሮም ይቀርሞን። ያበሩሰና ያኹ መምር ይርቅ ቃር ኤቀርሞኩ » ባረኖም።

የሚን ንስረፍን

26. « እያ ጸብርኹ፣ ኼታ አትስረፎ። የፊዊ ቴከራዊ የጄማ ቴኸሪ ይቁ ቃር ኤን። 27. በምሳሪ በጠነማ አድኹኹታ በዋና በጨፎት አዶ። በመቄ የሰማኹዊ በገት አዶ። 28. ዝኸ ምስዩ ይቀጥሮ ነብስ ጭን ቅጥሮት ኤኸሎኸኖ አትስረፎ። ይርቅ ነብስም ምስዩ በዛብ አሳት ያጠፌ ይኸሎል የኹት ስረፎ። 29. ኼት አፊ በሚንዞ ይትሰረቦ አንኸረዌ? ታባኹ ተጌታ ፍቃድ ኤባር ተኸኖ አተኹና ዳር ባፈር ኤወጥቆ። 30. ያኹ የጉንሬኹ ድገር ዳር እንም ሚዘሪም። 31. ኼታ አንሰነፍኹ። ተብዘ አፊ አኹ ትርቆ » ባረኖም።

የክርስቶስ ቃር በሰብ ይፍቱ አዶ

32. የሱስም « የኸ እንም በሰብ ይፍቱ ይያ ዩድኒ እንም እያም በሰሜ ባነ በባና በጌታ ይፍቱ አድረቴ። 33. በሰብ ይፍቱ ይኸዴ እንም እያም በሰሜ ባነ በባና በጌታ ይፍቱ ጽኸሎዳንቴ » ባረኖም።

ጨይው ባንኸሬ ኸናት አቸኔ አንኸረ

34. የሱስ ባረኖ፤ « ባፈር ፎር ኸናት አቸኔ እያ የቸነኹ ኤምሰርኹ። ጨይው ባንኸሬ ኸናት አቸኔ አንቸነኹ። 35. ጸርቸ ታባታ፣ ገረድ ታዶተኸታ፣ መራት ታማተኸታ ጸቤትሬ አያ ቸነኹም። 36. የሰብ ጠላተታ አበሩሰታ ይኸሮኸ።

37. ትያ አበንጠም አባታ ዌም አዶተታ ይርቅ ይረምድኹታ ይያ ይኸሬ ኤኸሎል። ትያም ይርቅ ጸርቸታ ዌም ገረድታ ይረምድኹታ ይያ ይኸሬ ኤኸሎል። 38. ይያ ቴብር ይትሰቀርወ ጸጨ ጨረም ታንቅኔ ኤትኸተሬኹታ ይያ ይኸሬ ኤኸሎል። 39. ነብሰታ

የገገታ የጠቀረ ያቋን። ነብሰታ ይያ ቴብር ያቕጥረኹታ ይረኸውን » ባረኖም።

የጌታ ባዘራ ይትቆጥር ዋጋታ ኤበኸር

40. የሱስ ባረኖ፤ « አኹ የትቆጥረ እያ ይትቆጥር። እያም ይትቆጥርኹታ የራኼ አባና የጌታ ይትቆጥር። 41. ( ዝኸ የጌታ ናኹቸረንው ) ባረኖም የጌታ ናኹቸረን ይትቆጥርኹታ የጌታ ናኹቸረን ኸማ ዋጋ ይትቆጥርቴ። ( ዝኸ ሰብ የጌታ ይታዘዝ ) ባረኖም የጌታ ሰብ ይትቆጥርኹታ የጌታ ሰብ ኸማ ዋጋ ይትቆጥርቴ። 42. የውረመና ጸብርኹ ሚኒም ሰብ ተዛኹና ትርስዩኸኖ ያተታ ተማሪየና የኸሬ ዚዛ እኻ ያሰጨ ዋጋታ ኤበኹን » ባረኖም።

መንሸ 11

ያጠምቅ ዮኸንስ ናኹቸረን

1. የሱስ አስረኼት ተማሪየታ አዘዘም ጀጥረም። ተኸንቆ በገሊላ ገነ በብዘ ቀያ ያትመሬም ዩዴም ተኸ ወረም።

2-3. ዮኸንስ ቦኸኔ ታነ የየሱስ ክርስቶስ ሚና ሰማም። ቢሰማ ተማሪየታ የየሱሴ ናኸኖም። ኸኖም « ትቸንቴ የዋሪ ክርስቶስ አኸትንኸ ዌኸ እንጉድ ሰብ ንቀየን? » ባሮም ተሳረዌም። 4. ኹትም ዝክም ባረኖም፤ « ወሮም ያኸኹም የሰማኹዊ የዮኸንስ አዶዊ። 5. ፎርጥ ያዘ፣ ጅረ ተኸሮም፣ የቃላ ባሽ የጠበጠኖ ይተርፎ፣ ጠንቋራ ይሰሞ፣ የመቶም ይትረሰ፣ የዜጋም የጌታ አትርፎት ወኼ ወሬ ዩጅዮ። 6. ብያ ኤጥራጠርም ኤወጥቅ የሳን » ባረኖም።

7. ናህቶረነም ቲያሮ የሱስ የዮካንስ ቃር የሰብ አዶት ቀነሰም። ዝክም ባረኖም፤ «ምር ታዞዌ ኸብር ወርኹም? ንፋስ ያቀረቀን ሸም በቆዉዌ? 8. ዌሽ ምር ታዞዌ ወርኹም? ስሰ ኸታር የትኸተረ ምስ ታዞዌ ወርኹምዌ? ስሰ ኸታር የትኸተረኽኖ በርጉስ ቤት ባንኸሬ በኸብር ኤረብሮ። 9. ዌሽ ምር ታዞዌ ወርኹም? ነቢ ታዞዌ ወርኹምዌ? አክ ነቢዉ ሽብርኹ፤ ኸትም ተነቢ ይርቅ። 10. ዝኸ

( ኤማኽ ቢፍታኼ ይሸክት ናህቶረነና ታኽ ይፍቲ ሸረኽቲ )

ቢርም የጣፊነ ዝኹ። 11. የውረመና ሽብርኹ ምሽት ተጨነቶን ሰብ እንም ቲያጠምቅ የካንስ ይርቅ ምስ አንትረሳ። በጌታ መንግስት ጭን ትንም ያርስኹታ የዮካንስ ይርቀን። 12. ቲያጠምቅ የካንስ ዘበር ቀነሰም ሸኳ ዳር የጌታ መንግስት ይገፈ። ኸኖም ገጋም ይማንኸዌ ይትጋሮ። 13. የነቢ መጣፍም የሙሴ ቅጫ እንም የካንስ ቲቶን ዳር ወግ አዶም። 14. ትትቅጥረውዬ በሸኹሽ ይቶንቲ የዋሪ ኤልያስ ዝኸ የካንሱ። 15. ይሰማ እንዝር ያነን የሰማ።

16. ቢኸርም የዝኸ ዘበር ሰብ ተንቃር ናትዋራኖ? በጉባያ ይሾኖ ዴንጃ ይመስሮ። ኸኖም አበጉዳኹና ይጠሮም 17. ( ቱንቲና ነፋኒንኩም አንትፈቆርኹ፤ የብኸ ቃር አጣኒንኩም አምበኸኹ ) ይብሮዮ። 18. የካንስ ቲበራ ቲሰጭ ቶነም። ኸኖም ( ጋኔን ነሮ ) ባረዊም። 19. እያ የሰብ ሸርቾ ትምበራ ትንሰጭ ቶነኹም። ኸኖም ( ጎረራም የጠጅ ስኹረነ፤ የቀረጥየም የባጠረተነ አበጉዳ ) ይብሮን። ቢኸርም የጌታ ኸሪነት ውረም የኸረ ኸማ በሚናታ ይትየ » ባረም።

አፍ ይውርዮዌ አንሳቦ ከተማ ግርደኹና

20. በኸ ግዝዩ የሱስ ብዙ ወግ ቃር የቾተቦ ከተማ ባነቦ። ኸኖም ተቾተዊ ባጠር አንትዠፕሮዌ የሱስ አጥራቀረኖም። 21. ዝክም ባረኖም፤ « ግርዳኽ ኮራዚን ከተማ፤ ግርዳኽ ቤተሳይዳ ከተማ። ባኹ የትቾተ የጌታ ወግ ሚና ድረ በጠሮስም በሲዶና ከተማ አንትቾተ። ተትቾተ በኸ ከተማ ይረብሮ ሰብ ይፍትሚ ተባጠረኹና ይትዘገሮ ባነ። ጨርቅ ተኸዴተቦ አመድ ተቆበተቦ አፍ ይውርዮዌ ይትቀነቦ ባነ። 22. ቢኸርም እያ ሽብርኹ በፍርድ ከረ ተጠሮስ ተሲዶና ከተማ ፍርድ ባኹ ይባስሸ። 23. አኸ ቅፍርናኸም ከተማ ትንም በፎር የምር ከፍ ከፍ ትብር? ቅመጨኸም ትንም በስጥ ወስጥንዩ ትዌቲ። ባኸኼ የትቾተ የጌታ ወግ ሚና በሰዶም ከተማ አንትቾተ። የትቾተ ተኸረ ዝኸ ከተማ ሸኳ ዳር ይምበር ባነ። 24. ቢኸርም እያ ሽብርኹ በፍርድ ከረ ታኸ ይርቅ የሰዶም ከተማ ፍርድ ይረስሸ » ባረም።

ይዬ ኔኹም አፎሮ

25. በኸ ግዝዩ የሱስ ዠፕረም ዝክ ባረኖም፤ « የሰሚም ያፈር ጌታ አባኖ፤ ዝኸ እንም ውቀት ያነኖም የትማሮምኸኖ ሼምኸቦም ታነ ያንትማሮኸኖ ያትየሸኸኖዌ ሸኩር የስራኸ። 26. አክ አባኖ ፍቃዳኸ ቢፍታኼ ዝክ ኸረም። 27. አባና ጌታ እንም ቃር አቤም። አባና ባንኸሬ እያ ሸርቾታ ይኸሬ ኤነ። እያም ባንኸሬ አባና ይኸር ኤነ። እያም በፍቃደና አትኸንኹታ ታባና ተጌታ ይትኸኸር።

28. አኹ የቆጥኹ ሰብ የጮርኹዊ የራዘናኹ እንም ይዩ ኔኹ፤ እያም አትፈኹሽ። 29. ቀምበረና በጅራኹ ጠውሮ፣ትያም ተማሮ። እያ ሚራ በኸንመና ጎራንኹ፤ የረብሳኹም ጅያት ትንኸቦሽ። 30. ቀምበረና ተራዜቡ ጠውረናም ኤረዝ » ባረናም።

መንሸ 12

የየሱስ ተማሪ በይኹዳ ሰንበት ከረ እሴት ሚጠሰም በኖም

1. ኸጋመ የሱስ በይኹዳ ሰንበት ከረ ተዝነ ግብት ወረም። ቲያር ተማሪየታ ቢገድኖ እሴት ሚጠሰም ብሮት ቀንሶም። 2. ኸኖም ሚጠሰም ቲብሮ የፈሪሳ ሰብ አሰባም ታነ የየሱስ «እኸ ተማሪያኸ በሰንበተንዳ ከረ ኤቾቺ ቃር ይቾቶ፤ እሴት ሚጠሰም ይበሮ» ባረዊም። 3. ኸት ጭን ዝከ ባረናም፤ «ዳዊትም ተኹት ጋመ የረፕሮ ሰብ በጋደኖዌ ዳዊት የቾተ ቃር በመጣፍ አናረቡብኹዌ? 4. ዳዊት የጌታ ክብር ቤት ገጋም። ገጋም ታነ የጌታ የሚጠሪ ዳፒ ኹትም የኹትም ሰብ በነዊም። የበነዊም ዳፒ ቆስ ባንኸሬ እንጉድ ሰብ ይበሬ አናዊ ባነ። 5. ቆስም በጌታ ክብር ቤት በሰንበት ከረ ሚና ያመነውዬ በጢር ቤኸርቦዌ በሙሴ ቆጫ አናረቡብኹዌ? 6. ቢኸርም እብርኹ ተጌታ ክብር ቤት ይርቅኹታ በዝ ታኹ ነረ። 7. (እያ እሸን አትማጥጠቱ ባንኸሬ የዋጋ ኸትም አንኸረ) የዋረን ምር የኸረ ኸማ ተኸርኹ በጢር ኤነቦኸኖ ባጢረተነ ባታመሮዮ። 8. እያ የሱስ እርቾ የሰንበት ጎታንኹ » ባረናም።

እጅታ የቀረፈረወ ምስ

9. የሱስ ተኸ ቲያር ጠሎት ቤተኹና ገጋም። 10. በኸም እጅታ የቀረፈረወ አት ምስ ባነ። የየሱስ ይኸሰሰውዬ ቲብሮ «በሰንበት ከረ ባሸነ አትርፎት በሙሴ ቆጫ ተፈቀደምዌ?» ባሮም ተሳረዊም። 11. ኸት ጭን «ታኹ አት ጤ ያነን በሰንበት ከረ በጉጀ ቢዌ ሹብተ ኤያወጣ ሰብ ሟኑ? 12. እጋ ሰብ የጤ ምራኸር ቃር ይርቀኝ። የኸ እንም በሰንበት ወኼ ዘንጋ ቶቶት ተፈቀደም » ባረናም። 13. ተኸንቆ የምስኹታ «እኛኸ ዝራጋ » ቧረንም። ዝራኳንም፤ ያት እጅታ ኸማ ወኼ ኸረም። 14. የፈሪሳ ሰብ ጭን ወጠም መምር አሚተቦ የየሱስ ይቀጥረውዬ አትባቶዬም።

ጌታ የሸጉትን እርቾ

15. የሱስ ይቀጥረውዬ የሳባዊ ኸማ ኸረም። ቢኸር የኸኖ በኸም ቸኖም እንጉዲ ወረም። ቲያር ብዘ ሰብም ተኸተረዊም። በኸሚ ባሸነ እንም ተባሸኹና አተነፈኖም። 16. የተነፎኸኖ ቤዩዶጅ አትጨጥም አዘዘኖም። 17. ዝም ጌታ የባረ ቃር ነቢ ኢሳያስ አደም ባነ፤  
 18. « የሸጥትኹን እርቾና፤ እረመድን፤ ነብሰና የትብራነቀውኹታ መንፈሰና በኹት አወራቲ። ፍርደና ይንም ሰብ ዮድሸ።  
 19. ኤትክራከር ኤያኸራ ቃርመታ በጀጅረ ይሰሟን ኤነ።  
 20. ፍርድ የበከሮ ቲፈርድሮ ዳር የቀጫዌጨ ሸምበዌ ኤሰውን፤

ውተያ ቲረድድ ቡቅደፍ ቢብር

ኤያጠፏን ።

21. ሰብ እንም ተስፋ-ኸና

በኸት ያውሮሽ »

የዋረን ኸረም ።

የሱስም ሼጣን

22. ተዝም አንቀ ሲጣር የጠወጠን ፎርጥ ዲዳ ምስ የየሱሴ አቸነዊም ። ፎርጥም ዲዳ ምስ ያኽሜ ይዝረኸሜ አተነፎንም ። 23. ሰብ እንም ወግ ኸረቦም ታነ « አነኸ፣ ዝኸ የሱስ ተዳዊት ዘር ይቸንቴ የዋሪ ኸት ይኸርሸዌ? » ባሮም ። 24. የፈሪሳ ሰብ ሰሞም ታነ « ዝኸ በሲጣር አለቃ በቤልዜቡል ባንኸሬ ሲጣር ኤያወጣ » ባሮም ።

25. የሱስ ጭን ያሳበኸና ቃር ኸረም ታነ ዝከ ባረኖም ፤ « ኸትም ተኸትም ተራከሰም ይትቤተር መንግስት እንም ኸትም ተኸትም ያርቅ ። ኸትም ተኸትም ተራከሰም ይትቤተር ከተማ ዌም አበናስ ኤቄም ። 26. ሲጣር የሲጣር ያወጣ በኸረ ኸትም ተኸትም ተራከሰም ተቤተረም ወበሩ ። ጁጋ ሼጣን መንግስተታ መምር ይቀሩምሽ? 27. እያ በሲጣር አለቃ በቤልዜቡል ሲጣር አወጣ በኸረ ዴንጃኸኸ በሚን ደረግ ያወጠ? የዝ እንም ኸኖም ባኹ ይፈርዱብኩቴ ። 28. እያ ጭን በጌታ መንፈስ ሲጣር አወጣ ኸማ በኸርኹ፣ ኼታ ጌታ ይረግስወ ግዝዩ ያኹዌ ቸንም ሰናም ።

29. ዌሽ ሰብ በተረም ጠናማኸታ ቴያጉድን የጠናማ ቤት ገገም ንብረተታ ይዘርፌ መምር ይኸብል? ታጐደን አንቀ ይዘርፎኔ ይኸብል ።

30. ትያ ጋመዎ አንኸረኸታ ይትራከሴ ። ትያም ጋመዎ ኤደም ድኸታ ይብራጭ ። 31. የኸ እንም ጁብርኹ ሰብ ይቾትን ባጠርም ይዝረኸን ስዴበ እንም አፍ ይውራ ። በመንፈስ ቅዱስ የስዴበ ቃር የዝረኸ ኸት አፍ ኤውራ ። 32. ብያ በሰብ ጁርች መጥጥ የዝረኸ ሰብ እንም አፍ ይውራ ። በመንፈስ ቅዱስ መጥጥ የዝረኸ ጁኳም በኸረ የዘላለም አፍ ኤውራ » ባረም ።

ጁሬ ተቡስር

33. የሱስ ባረም ፤ « ጁሬ በፎንን ቡስረታ ይኸራ ። ጁሬም ቡስረታ ወኼው በሮ ዌም ኼችም መጥጡ በሮ ። 34. አኹ የችረ ዴንጃ፣ መጥጥ በኸርኹሚ መምር ወኼ ቃር ዘንጎት ይኸንኹ? በኸን ሚናም የተነፈኸታ አነመት ይዝረኸን ። 35. ወኼ ሰብ በኼ ኸነታ ወኼ ዘንጋ አትያንም ያቸን ። መጥጥ ሰብ በመጥጥ ኸነታ መጥጥ ዘንጋ አትያንም ያቸን ። 36. እያ ጁብርኹ ሰብ ቢዝረከዊ ቤያኸር ዘንጋ እንም በፍርድ ከረ መልስ ይባጭቴ ። 37. በቃራኸ የቸን ይፈርድንኪሽ ፤ ተቃራኽ የቸን ይፈርድብኪሽ » ባረም ።

ኤያምር ሰብ መርኸት ይሽ

38. በኸም የቕጫ ባሪቅም የፈሪሳ ሰብ አታተኸና ዝረከቦም ። « አስተማሪዮ አኸ ትብር ቃር ናምኔኬ ወግ የኸረ መርኸት አተኸንደ » ባሮም ። 39. የሱስም ዠጥረም ዝከ ባረኖም ፤ « የዝ ዘበር መጥጥ ሰብ በጌታ ኤታመር የኸሬ መርኸት ያገፍ ይሽ ። ተነቢ ዮናስ መርኸት እንጐድ መርኸት ኤይዊ ። 40. ዮናስ በርቅ አሳ ደን ሶስት ከረ ዋናም ምሳረ ቾናም ። የኸክም እያ የሰብ ጁርች ባፈር ደን ሶስት ከረ ዋናም ምሳረ ጁቾናቴ ።

41. በፍርድ ክረ የነነዌ ከተማ ሰብ ተዝ ዘበር ሰብ ጋመዕ ይትረሱም ዘኸኖ ይፈርዶፖቴ። ዮናስም የጌታ ቃር የነነዌ ሰብ ቢዩድኖ በጠረኸኖና አወጠም። እኚ ተዮናስ ይርቅኸታ በዝ ታኹ ነረ። 42. ጉራ ገነ ትገዛ የረገረኝ እቴት አዜብ በፍርድ ክረ ተዝ ዘበር ሰብ ጋመዕ ተረሳችም ትፈርድወቴ። ኸትም ሰለሞን ይዝረኸን ወግ ትሰሜ ተረቋ ታፈር ዳር ቸነትም። ቢኸርም ተሰለሞን ይርቅኸታ በዝ ታኹ ነረ » ባረኖም።

ሲጣር «የጣኸው ቤት አገባቴ» ባረም

43. የሱስ የባረ ኸማ «ሲጣር ተሰብ በጣ ጋመዕ ያፌወ መደር ይሸ። ቲሸ እኻ ቴነወ መደር ያር፤ ያፌወ መደር ይሸኸር። 44. በኸ ግዝዩ ሲጣርም (የጣኸው ቤት እትዠጥርቴ) ይብር። ቲቸን ቤትኸታ ግፊ ራኸረም ተመኸሸም ተጌጠም ይቀዮን። 45. ተኻንቅ ወረም ተኸት ይብሶ እንጉድ ሰባት ሲጣር ተኸት ጋመዕ ጠበጠም ይቸን። እንመኸኖ ገፖም በኸም ቤት ይረብሮ። የኸም የገፖው ምስ ቲፍቴ ይርቅ የኚታ ይብስወ። የዝም የመፍጥዋ ዘበር ሰብ የኸክም ይኸርወቴ » ባረም።

የየሱስ አዶትም ጉፔያታ ሟንሎተ ?

46. የሱስ የሰብኸኖ ቲዝረኸኖ የኸት አዶትም ጉፔቸታ ያዝራከውዬ በረጀ ቁምም ይቅረዘዊ በን። 47. አትመታ «አዶትማኸ ጉፔቻኸ ያዝራከኬ በረጀ ቁምም » ባረንም። 48. የሱስ ጭን ዮደን ምስ ዝክ ባረንም፤ «አዶተና ሟንያተ ? ጉፔቸኖኸ ሟንሎተ ? » ባረንም። 49. የሱስ እጅታ የተማሪየቲ ዝራከም ታነ «አዶትም ጉፔያና ዝምሎ » 50. በሰሜ ያነ ያባና

ፍቃድ ያሜ እንም ኸት ጉፔያና እተመናም አዶትመናው » ባረም።

መንሸ 13

ይዘራ ምስ ወማካ

1. በኸም ክረ የሱስ ተቤት ውጤ ወጣም። ወጣም በባር መሬ ችናም። 2. ብዘ ሰብ ተደመዶም የኸትኬ ቸነባም። ቢቸኖ የሱስ ዘባር ፎር በረገረ መርከብ ገፖም ችናም። የቸን ኸልቅ በባር መሬ ቁመም በን። 3. የሱስ በማካ ብዘ ቃር አደኖም።

ዝካ ባረኖም፤ «ቸዋች ዘር ይዘራ ወጣም። 4. ኸት ቲዘራ አታት ዘር ቤማ መሬ ወጠቀም። ዮጠቀ ዘር አፎ ቸነባም ነቀመዊም። 5. አታት ዘር ብዘ አፈር ቤነወ በጣጤ ወጠቀም። ደነታ እምር የኸራ ኸመጋ ይረሜ ገደደም። 6. ቢኸርም ጩት ቢወጣ ሸተረም፤ እስር ኤነኔ ጠነቀም። 7. አታት ዘር በሶኸ ግብት ወጠቀም ነማም። ሶኸም ወጣም አነቁንም። 8. አታት ዘር ቦኬ ዮስር አፈር ወጠቀም ነማም። ቢረማ አተታ በቅር መርት አዘም፤ አተታ ስርሳ አትመታ ሳሳ መርት አበም። 9. ይሰማ እንዝር ያነን የሰማ » ባረም።

ወማካኸኖ ምር ዩዶ ?

10. ተማሪየታ የየሱሴ ተቅነባም ታነ «የዝ ሰብ በማካ ቱድኖ የንቃሩ ? » ባረዊም። 11. ኸትም ዠጥረም ዝካ ባረኖም፤ «ጌታ መምር ይትረገስ ኸማ ሰብ አምቤሰረ፤ አኹ ትቤስርዌ አውኩም። የኸኖ ጭን አናውዮ። 12. ያነን ይደገፀለ። የኸትም ድበያ ቃር ይረውን። ቤነን ጭን ኸም ያነን ዳር ይወስጅጌ። 13.



እጋ ቲያዘም ኤቤስሮ፤ ቲሰሞም ኤያትያኖ፤ ኸኖም ኤያጫምቶ የኸሬ እያ በማካ አድኖ ።

14—15. ( ሰሞትሽ ትስሞሽ አትቤስሮ፤

እዘትም ትዘሽ አትቤትሮ ።

ዝኸ ሰብ ቤያዘዌ ኤነኹና ፈጠሞም ፤

ቤሰሞዌ እንዝረኹና ጠበጠም ፤

ቤያጫምቶዌ ኸነኹና ፈቀረም ።

በኸ የቸነ ኸኖ ተባጠረኹና እንትዠጥሮ፤

እያም አናተነፍኸኖ )

በረም ጌታ የኢሳያስ ዮደን በኸኖ ቸንቦም ። 16. አኹ ጭን ኤናኹ ያዘ እንዝረኹ ይሰሞ የኸሬ የሳርኹ ።

17. የውረመና እርብኹ ብዙ ነቢም ብዙ የጌታ ሰብ አኹ ታዘዌኹታ ያዘዌ ቢዬሎም አናሰቦ ። ትሰመዌኹታ ይሰሞዌ ቢዬሎም አንሰሞ » በረም ።

ይዘራ ምስ የማካታ መልስ

18. የሱስ ዝካ በረም፤ « እጋ አኹ ይዘራ ምስ ወማካ ሰሞ ። 19. የጌታ መንግስት ቃር ሰማም ኤቤስሮ እንም ቤማ መጠሪ የዘኔ ዘር ይመስር ። ኹት የጌታ ቃር ይሰማ ። የሰሚን ቃር ሼጣን ቸንም ተኸነታ ነጠቀም ይወስድወ ። 20. አትም በጣጤ የዘኔ ዘር ይመስር ሰብ ነረ ። ኹትም የጌታ ቃር ይሰማ ። ተሰማም ኸማ ሳረንም ይትቆጥር ። 21. ቢኸርም የግዝየታ ይትቆጥር በንኸሬ እስር ኤነን ። የኸክም በጌታ ቃር የቸነ አት ችግር ዌም ወትሰደድ ቲቸን ኸመጋ ተክታተፈም ይወጥቅ ። 22. አትም በሶኸ ግብት የዘኔ ሶኸ ያርቀኝ ። የኸክም አታት ሰብ የጌታ ቃር ይሰማ ። ቢሰማም የዝ አለም አሳብ ይመጥትየዋጋ ንማጅነት በኸነታ ይገባ ። ገጋም የሰሚን ያርቀኝ ። በኸ የቸነ በኸኖ ያነ የጌታ ቃር

መርት ኤረውን ። 23. በኹ አፈር የዘኔ ዘር ብዙ መርት ያወርድ ። የኸክም የጌታ ቃር ይሰማ ሰማም የቤሰረ ብዙ መርት ይረውን ። አተታ በቅር አተታ ስርሳ አትመታ ሳሳ መርት ነረን » በረም ።

የቅንጨ ወማካ

24. የሱስ እንጉድ ወማካ አቸነሮም ። ዝካ በረኖም፤ « የጌታ መንግስት ዝካ ይመስር ። አት ምስ በዋተታ ወኹ ዘር ዘናም ። 25. አት ከረ ምሳረ እንም ሰብ ንዩም ። ጠላተታ ቸንም በዛኸ በዘኔ ዝነ ሮር ቅንጨ ዘናወም ወረም ። 26. ስኔም ነማም መርት አወንደም ። ቢያዠር ቅንጨ ተቅራቀረወም አሰዌም ። 27. ቸዋቸታ የጎታኹኔ ቲቸኖ ዋተታ አሰበዌም ። የጎታኹኔ ወሮም ( ጎታንዶ በዝ ዋት ወኹ ዘር አንዘኔ ባነዌ ? ቅንጨኸ ቴቴ ቸንም ገጋወም ? ) በረዌም ። 28. ኹትም ( ጠላት ዝኸ እንም ችተም ) በረኖም ። ቸዋቸመታ ( እጋ ይና ዌትነ ቅንጨታ ንረቅምኔዬ ትሸዌ ? ) በረዌም ። 29. ኹት ጭን ( ቤ ቅንጨ ትትረቅሞ ዝነመታ ተኸም ይትረጭ የኸሬ ኤኸር ። 30. ታበዌ፤ ጎር ቲቸን ዳር እማቴ የርሞ ። በጎር ግዝየ ዝነ ያርጠ ሰብ አድኖሽ ። « ቅንጨታ ብደሮም እርጠዌ ። ብሳት ይመጥኸሪ ኸማ አታት እጅታ እግደዌ ። ስኔመታ በሻተና አግበዌ » እበኖሽ ) በረም » ቲብር የሱስ አደም ።

የዘሮ ቅንቅ ወማካ

31—32. የሱስ እንጉድ ወማካ አቸነም ። ዝካ በረኖም፤ « አት ምስ የዘሮ ቅንቅ ወሰደም በጎነታ ዘናም ። ኹትም ቲዘሬ ተዘር እንም ያርስ ። ቲረማ ጭን በጎነ ተቀጮሪ እንም ኹት ይርቅ ። የሰሚ አራ ቸንቦም

በቴቦታ ቤተኾና ያረሰጌ አኸር ሸጫ ይኸር። የኸክም ጌታ የመንግስተታ ቃር በሰብ ግብት ተቻት ዝክሙ» ባረም።

የእርሾ ወማካ

33. የሱስ ዠፕረም እንጉድ ወማካ አቸነም። ዝካ ባረኖም፤ «ምሽት በኮ ትታቡካ እርሾ ታቸን። አቸነችም በሶስት ቀና ዱቄት እርሾ ትቅራቅርወ። ዱቄት እንም ተቡካ ዳር እርሾኹታ ያበኳን። ዝም የጌታ መንግስት ቃር የሰብ ተዩጂ ዝክም ይመስር» ባረም።

የሱስ በማካ ዝረሸም

34. የሱስ የሰብ ዝኸ እንም በማካ ዝረሸም። 35. ድረ በነቢ ቶደም፤

« በማካ አጅና ሸከፍት።

አራር ተትፈጠረ ቁነሽም

የትሼመ ዘንጋ ሸዝረሸ። »

የዋሪ ይኸሬ ወማካ ኤባር አንዝረሸኖ።

የቅንጨ ወማካ ምር ወበሩ ?

36. ኸም ጋመ የሱስ ሰብ አስራፕተም ቤት ገፕም። ተማሪየታ የኹትኼ ተቆነቦም። « በዋት የዘኔ ቅንጨ ወማካ ምር ወበሩ ? አድንደ » ባረዊም።

37. ኹትም ዠፕረም ዝካ ባረኖም፤ « ወኼ ዘር የዘና ሟኑ በዋሪ እያ የሰብ ሸርቸንኹ። 38. የዘነጌ ዋት ዝኸ አፈሩ። ወኼ ዘር የዋሪ የጌታ መንግስት ዴንጎሮ። ቅንጨ የዋሪ የሼጣን ዴንጎሮ። 39. ቅንጨ የዘና ጣላት ወበር ሼጣኑ። ጐር የዋሪ የቅያማ ከሮ። ይፈጠም

መሌከሮ። 40. ሸጋ ቅንጨ ነቀመም ብሳት ይመሸሪ። በቅያማ ከረ የኸክም ይኸር። 41. እያ የሰብ ሸርቸ መሌከና ሸረኸ። ብያ በግዛተና እንቀርሬት የኸሮ በጠርም የቻቶ እንም ይረቅሞሩ። 42. ብሳት ምጃቻ ደን ይቃሶሩ። በኸሜ ብኸም ይበኹ። ስነኹና ያትፈጠ። 43. በኸ ከረ የጌታ ሰብ በባኹና መንግስት ጨት ኸማ ይትረቡ። ይሰማ እንዝር ያነን የሰማ » ባረም።

የጠቁሪ የዋጋ መዝገብ ወማካ

44. የሱስ ባረም፤ « እት ሰብ የጠቁሪ የዋጋ መዝገብ በዋት ደን ነከበም በኸም ሸመምም። ኹትም የረከቤ ንቃር ሳረንም። የዋጋ መዝገብ ኸነም ያጠጤ ሸም። ቲሽ ወረም ያነን ዱንያ እንም አስየም። አስየም ታነ ኸኸ መዝገብኹታ የጠቁርጌ ዋት ስየም። የኸክም የጌታ መንግስት በዋት ደን የጠቁሪ የዋጋ መዝገብ ይመስር » ባረም።

የኑንድ ጌጥ ወማካ

45—46. ሸኳም የሱስ ባረም፤ « እት ቁጠነ ሳውም ኤረኸዊ ኑንድ ጌጥ ይስዬ ይሸ ባነ። ኹትም ዋጋታ ኑንድ የኸረ አት ጌጥ ነከበም። በረከባ አንቅ ይስየኔ ሸም። ቲሽ ወረም ያነን እንም አስየም። ዝኸ ኑንድ ጌጥ ስየም። የኸክም የጌታ መንግስት ዝኸ ይሼ ኑንድ ጌጥ ይመስር » ባረም።

አሳ ይጠፎጌ ወጥመድ ወማካ

47. « ሸኳም የጌታ መንግስት በባር ደን ብዘ ኤነት አሳ ይሸቤ የኸኔ ወጥመድ ይመስር። በጥመድኹታ

ደን እንም ኤነት አሳ ገፍም ። 48. ገፍም በሚኖ ጋመው ተባር መሬ ላይም አወጣም ። አሳ ያወጣ ሰብ ችኖም ። ችኖም ወኼ ይወሬ አሳ ቤተሮዮም በግብረኹና ቀጥ አመነም ። መጥጥዮ ኤትበኖ አሳ አወጣም ቃሰቦዮም ። 49. የቅያማ ከረ ዝክም ይኸርቴ ። መሌካ ተንተቦ በጠረተነ ተጌታ ሰብ ይቤትሮዮቴ ። 50. ብሳት ምጃቻ ይቃሰዮቴ ። በኸሜ ብኸም ስን አትፈጠት ይኸርቴ » ባረኖም ።

ጉርዝ ተገደር መዝገብ

51. የሱስ « ዝኸ እንም ቤሰርኹምዌ ? » ባረኖም ። ኸኖም « አክ » ባረኖም ። 52. ኸትም « ጸጋ የመሴ ቅጫ ካረም የጌታ መንግስት ቃር የትማረ እንም ሚን ይመስር ? ተግብረታ ጉርዝ ተገደር ያወጣ የቤት አበቃጥ ይመስር » ባረኖም ።

የሱስ በናዝሬት ተቀንጠም

53. የሱስ ዝኸ እንም ወማካ አደም ቲጀፕር ተረሳም ወረም ። 54. የትራቀው ከተማ ቸንም ። ቸንም ወግ ቲኸርቦ ዳር በጠሎት ቤት ያትመኖ ባነ ። ኸኖም ዝካ ባሮም ፤ « ዝኸ ካሪነት ዝኸ የቸተን ወግ ቴቴ ነከበም ? 55. ዝኸ ያናጠ ጸርቶ አንኸረዌ ? አዶተታ ማርያም ይውርያ አንኸረዌ ? ጉፔኸታ ያቆብ ዮሳ ስሞንም ይኹዳ አንኸረዌ ? 56. ጸተመታኸ እንም ቢና ያነማ አንኸረማዌ ? ጸጋ ዝኸ እንም ቴቴ ነከበም ? » ባሮም 57. ቀንጠዊም ። የሱስ ጭን በረኖም ፤ « ነቢ ብንጉዴ ያኸውጂ ፤ በገገታ ገን በገግመታ አበሩስ ጭን ኤያኸውጂ » ባረኖም ። 58. የኸትም አናመረዌ ። በኸ የቸን በኸሜ ብዘ ወግ ቃር አንቸተ ።

መንሸ 14

ያጠምቅ ዮኸንስ መምር መተም

1. በኸ ግዝዩ ኼሮድስ ገሊላ ገን ይገዛ ባነ ። ዮኸንስ በመተ አንቅ ኼሮድስ የየሱስ ወሬ ሰማም ። 2. ቢሰማ የቤት ዴንጋታ « ዝኸ ያጠምቅ ዮኸንሱ ። ኸት ተሞት ተረሳም ። በኸ የቸን ወግ ቃር ይቸተወ ደረግ በኸት ነረ » ባረኖም ።

3-4. ዮኸንስም የመተ ዝካ ባነ ። ዝም ኼሮድስ ይውራ ምስ የጉፔያታ የፊሊጶስ ምሽት አገፓም ባነ ። ኸትም ኼሮድያዳ ይውርያ ባነ ። ዮኸንስ የኼሮድስ « ዝኸ የጉፔያኸ ምሽት አኸ አግቦት አነገረብኸ » ይውን ባነ ። ዝኸ የባሬ በኸት የቸን ኼሮድስ የዮኸንስ አጨወጠንም ። በኸኔ አትየጉደንም ። 5. የኸትም በኸኔ ታነ ያትቅጥርኔ ሸም ። ቲሸም የገን ሰብ ሰነፈኖም ። ኸኖ « ዮኸንስ ነቢዩ » ይብረዌ ባነ ።

6. ቢኸርም አት ከረ ኼሮድስ የትጨነወ ከረ ያከውራ ባነ ። የምሸተታ የኼሮድያዳ ገረድ በሰብ ዘግብተኹና ገፓችም ተፈቅረችም ። ኼሮድስም በኸት ፍቅር ንቃር ሳረንም ። 7. በኸ የቸን ገረድኸታ የጨዌሰቸን ቃር እንም ይብኔ ተነራም ። 8. ኸትም አዶተኸታ የመኸረቸናም ኸማ « ያጠምቅ ዮኸንስ ጉነር በሴራ ኸራም ዝኼ ናመኒ » ቢረቸንም ። 9. ኼሮድስም አዘንም ። ቢኸርም የተነወ ቃር የኸሬ አትም ተኸት የረገሮ ሰብ ሰሞም የኸሬ የሞረቸን ይውዬ አዘዘም ። 10. ናኸም በኸኔ ታነ የዮኸንስ አንገተታ አትየንጠንም ። 11. ጉነርመታ በሴራ አቸነበም የገረድኸታ አቦያም ። ኸትም ያዶተኸቴ ወሰዶቸንም ።

12. የዮኸንስ ተማሪ ቸንቦም ኄሳ ወሰዶም ቀጥረዋል። የየሱሴ ቸንቦም ዮኸንስ የመጣው ከማ አደዋል። 13. ሹትም በሰማ ግዝዩ በባር ቢያር መርከብ ገፍቶ ተሻናገረ። ይማተታ ሰብ ኤነው መደር ወረም።

የሱስ ያምስት ሹትም ሰብ አበናም

ተከተማ ብዙ ሰብ የየሱስ ወሮት ሰሞም በግረሹና ተኸተረዋል ወሮም። 14. ተባር መርከብ ቲወጣ ብዙ ሰብ አሸናፊም ታነ አትማጠጠኖም። በሸነኸኖ አተነፈረም።

15. ቲመሽ ተማሪየታ የሹትኬ ተቀነቦም ታነ « መደረታ ዜት ኤነው ከብሩ፤ ግዝዩ መታ መሸም። ቀያ ወሮም ሸረተሹና ይስረባዌ ዝኸ ሰብ አስራጥተኖ » በረዋል። 16. የሱስም « አኹ ይበሮ ቃር አቦዮ በንከሬ ወሮት ኤያትሸሸኖ » በረዋል። 17. ተማሪመታ « አምስት ሱጥር ዳፒ ኄት አሳ በንከሬ እንጉድ ቃር በዝ ኤነንደ » በረዋል። 18. የሱስም « ኸም አምስት ሱጥር ዳፒም ኄት አሳ ይያኬ ናሞዮ » በረዋል። 19. የሱስም ሰር ባኖ መደር ይቸኖዌ አዘዘም። አምስት ሱጥር ዳፒም ኄት አሳ ነሳም ሰሜንዩ አሸም የጌታ ሽኩር በረም። ዳፒም ፍረነመም የተማሪየታ አበም። ተማሪየታም የሱስ ሻዶም። 20. እንም በኖም ጠፎቦም። የተነፈረም የፍረነማኤ አስረኄት ሳጠራ መራ ነሶም። 21. አሸታም ዴንታ ኤባር የዘኖ አምስት ሹትም ገምያ ይኸሮ በነ።

የሱስ በባር ፎር በግረታ ወረም

22. ኸመጋ የሱስ ሰብ ቲያስራጥት የተማሪመታ በባር መርከብ ገፍቶ በተረዋል ይትሻኖዌ አዘዘኖም። 23. የሱስም ያሮዌ ታስራጥተኖ አንቆ ጠሎት ያሚዬ ቁቶ ወጣም። በመሸም ግዝዩ ይማተታ በኸም በነ። 24. ኸጋመ የባር መርከብሹታ ዘባር ግብት በነ። ንፋስ ይፍት ይፍት ይረፍስ በነ። ሹትም ብንጦርቢት ይክረትት በነ።

25. በምሳሪ ጨቀረረ የሱስ በባር ፎር በግረታ የኸኖኬ ቸንቦም። 26. ተማሪመታ በባር ፎር በግረታ ቲያር ቢያዘዌ « ዝሸታ አዝሬሉ » ባሮም አረደኖም በጥንቅት አትኸኖም። 27. ኸመጋ የሱስ ዝረሸኖም፤ « እንጠነቀናኹ፤ እያትንኹ » ባረኖም። 28. ጴጥሮስ « ጎታኖ አኸ በኸርኸ እያም በግረኖ በባር ፎር ያኬ እቸኔ እዝዜ » ባረንም። 29. ሹትም « ኔኸ » ባረንም። ጴጥሮስም ተባር መርከብ ወጣም የየሱሴ ይሰሬ በባር ፎር በግረታ ወረም። 30. ቢኸርም ንፋስ ቢገፏን ሰነፈም። ባርም ይወጥኔ ቢቀርስ « ጎታኖ አትርፌ » ባረም ኮ ባረም። 31. ኸመጋ የሱስ እጅታ ዝራካም ጠወጠንም። « አኸ ብያ ተመመሮት የቆመናኸ የምር ተጥራጠርኸም ? » ባረንም። 32. በባር መርከብ በነገግ ግዝዩ ንፋስም ቁመም። 33. በባር መርከብ የረጥሮ ሰብ « ውረም የጌታ ጆርችንኸ » ባሮም የየሱስ ሰነድንም።

የሱስ በጌንሴሬጥ ገነ ባሸነ አተነፈረም

34. ኸኖም ተባር ተሻኖም ጌንሴሬጥ ገነ ቸንቦም። 35. የኸ መደር ሰብም የየሱስ ኸረዋል። በኸ ገነ ዙርያ ያነቦ እንም ናኸም። በሸነም እንም የሹትኬ አቸነቦም።

36. ከኖም አማት የክፍረታ ዊት ይረግዶዌ ይጨቀሳዊ ባነ። የረገደዊ እንም ተባሸኹና ተነፎም።

መንሸ 15

ያባንዳ ቅሪት

1. በክ ግዝዩ የሙሴ ቅጫ ባሪቅም የፈሪሳ ሰብ ተየሩሳሌም ተረሰም የየሱሴ ቸንባም። የኹትም ተሳረዊም፤ 2. «ተማሪያኸ ያባንዳ ቅሪት የምር ይጠሶ? ሸረት ተብሮ ጸጅኹና ኤታጠቦ» ባረዊም። 3. ኹትም ዝካ ባረኖም፤ «አኹክ ያባኹ ቅሪት ባኹም ታነ የምር የጌታ ትዛዝ ትጠሶ? 4. ጌታ (አብ ታዶታኸ አክብድ) ባረም። አትም (ባባታ ዌም ባዶተታ ሙጥጥ ይዝረኸ ሰብ አቸም የሙት) ባረም። 5. አኹ ዌን ዝካ ትብሮ፤ አት ሰብ (አባኖ አዶተኖ ያኹ አቦት የረገረቢ እንም የጌታ አብኹንም) ቢብር 6. ኹት ያብ ታዶተታ ኤያኸብድ ከማ ታትመረዊ። ጸጋ የቀሪሩኹ ትትብሮ የጌታ ቃር ኸርኹዊም። 7-9. አኹ ከጣ ኢሳያስ ቅጥዩ የጌታ ቃር ዝረሸም።

( ዝክ ሰብ ባሪታ ያኸብዴ፤  
ኸነታ ዌን ትያ ንቃር ጸረቋጤ።  
ተጌታ ቅጫ ሟሬ  
የሰብ ቅሪት ያትመሮ የኸሬ  
ይያ ባፍጥር ይሰግዶኒ )

ቲብር ውረም ቃር ዝረሸም ጣፈም » ባረኖም።

የሰብ ያትላክራን ምቃሩ ?

10. የሱስ ሰብ የኹትኪ ጠናም ታነ «ስሞ በስሮ» ባረኖም። 11. «የሰብ ያትላክራን ታንቃ ይዌኹታ

አንኸረ። ታራ ይወጣኹታ ዌን የሰብ ያትላክራን ዛታው » ባረኖም።

12. በክ ግዝዩ ተማሪየታ ተቆንባም ታነ «የፈሪሳ ሰብ ዝክ ቃር ሰሞም ታነ አንሳረኖ ከማ ኸርኸምዌ?» ባረዊም። 13. ኹትም ዠጥረም «የሰሜ አባና አንቀጥሪን ጸጨ እንም ይረቀራሪቴ። 14. ታቦዮ፤ ፎርጥ ይሸቦ ፎርጥሮ። ፎርጥ የፎርጥ ቢሸውን ኹትም ባጎጀ ይወጥቆ » ባረም።

15. ጴጥሮስም ዠጥረም «የሰብ ያትላክራን የባኸ ወማካታ አድንደ » ባረንም። 16. የሱስም ዝካ ባረም፤ «አኹም ጸኳ ዳር በስሮት ቆመኖኹምዌ? 17. ታንቃ ይዌኹታ እንም በደን ውየም ተምስዩ አወጨም ይቋሺ ከማ አታዞዌ? 18. ታራ ይወጣኹታ ዌን ተኸን ይወጣ። የሰብም ያትላክራን ኹታው። 19. ተኸን ሙጥጥ አሳብ፤ ሰብ ቅጥሮት፤ ትሽታ ባልጎት፤ ስርቆት፤ ቤነ ቃር መስክሮት፤ መዳት ይወጣ። 20. የሰብ ያትላክራን ዛታው ባንኸሬ ባናጠዊ ጸጅ ብሮት የሰብ ኤያትላክራን » ባረኖም።

የኮናን ገነ ምሽት በየሱስ ተመመረቸም

21. የሱስም ተዛኪ ተረሳም በጠሮስም በሲዶና ከተማ ዙርያ ወረም። 22. በክሚ አት የኮናን ገነ ምሽት ተቀርቤ ጠጣችም። ኸትም «ኻታኖ የዳዊት ጸርች ማሬ፤ ገረደና ሲጣር ጠባጠም አጨነቀናም » ባረችም ዘግ ዘግ ባረችም ጨዌሰቸንም። 23. ኹት ዌን አት መልስ አናባና።

ተማሪየታ የኹትኪ ተቆንባም ታነ «ዝክ ትጨቀሰኸ ምሽት ታንቆንዴ ታኸሬ፤ አስራጥትና »

ባርም ጨቂሰዊም ። 24. ኸትም ዠፕፕረም « ተአስሬል ቤት የቀነበ ጣዬ ባንኸሬ እንጉዲ አናኹን » ባረም ። 25. ምሽትም ኸታ ተቀነበችም ታነ « ጎታኖ ንዴ » ባረችም ሰጉደቸረም ። 26. ኸትም ዠፕፕረም « የዴንጃ ሸረት የግዩ ቃሶት ኤያትዠሽ » ባረናም ። 27. ኸትም « ውረሙ ጎታኖ ። ቢኸርም ግዩ ዳር በጎታኹና ቤት ቲወሬ ዮጠቀ ንቃቀሚቶ ይበሮ » ባረቸንም ። 28. ኸጋሙ የሱስ « ምሽቶ አኸ ንቃር ተመመርኸንም ። የሸኸ ቃር የኸንኸ » ባረናም ። ገረድኸታም ኸመጋ ተነፈችም ።

የሱስ ብዙ ሰብ ተባሸኹና አተነፈም

29. የሱስ ተኸ ወጣም ገሊላ ባር መጫ ቸንም ቁቶ ወጣም በዛኼ ቸናም ። 30. ብዙ ሰብ ጅረ፣ ፎርጥ፣ ዲዳ፣ እንዳርር፣ እንጉድም ብዙ ባሸነ የኹትኬ አቸንበም ። በየሱስ በግረታ መጫ አወኖም ። ኸትም ተባሸኹና አተነፈናም ። 31. የተነፎም ዲዳ ቲዝረኮ፣ ፎርጥ ቲያዞ፣ እንዳርር ጸጅ ጸግረኹና ዝራኮም፣ ጅረም ቲያሮ፣ ሰብኸኖ አሰቦም ታነ ወግ ኸረቦም ። የአስሬል አግዘር አኸበደዊም ።

የሱስ አርበት ኹም ሰብ አባናም

32. የሱስ ተማሪዮታ የኹትኬ ጠናም ታነ « ዝኸ ሰብ ትያ ጋሙ ጸኳ ዳር ሶስት ከረ ዋሮም ። ይበሮ ቃር ኤነኖ የኸሬ አትማጥኖ ። ቤማ ቤሸትሮዌ ጌመኹና አስራፕትኖዌ አንሸ » ባረም ። 33. ተማሪመታ « የዝኸ እንም ሰብ ይወጣሮ ዛኸር ሸረት በዝኸ ኸብር ቴቴ ንረኸብነቱ ? » ባረዊም ። 34. የሱስም « ምራኸር ዳፒ ነረናኹ ? » ባረናም ። ኸናም « ሰባት ቡጥር ዳፒም

ቀሪቃር እርስዩ አሳ ነረንደ » ባረዊም ። 35. ሰብም ባፈር ይቸኖዌ አዘዘም ። 36. ሰባት ቡጥር ዳፒም አሳም ጠበጠም ታነ የጌታ ሽኩር ባረም ፍረነመም ፣ የተማሪዮታ አበኖም ። ተማሪመታ የሰብ አባዮም ። 37. እንም ባኖም ጠጅቦም ። የተነፈ የፍረነማ ሰባት ቀርጫት መሓ ዳፒ ነሶም ። 38. የበኖም እኸታም ዴንጃ ኤባር አርበት ኹም ገምያ ባነበ ።

39. የሱስ የሰብ ታስራፕተ አንቀ በባር ፎር ቢያር መርከብ ገፓም መጌዶል ይውሪ መደር ቸንም ።

መንሸ 16

የሱስ መርኸት ያትየኼ ተሳሪም

1. የፈሪሳም የሰዱቃ ሰብ የየሱሴ ተቀነበም ። ይፈትረውዬ ቲሰቦ « አኸ ትብር ቃር ናምኔኬ ወግ የኸረ መርኸት ተሰሚ አተኸንደ » ባረዊም ። 2. ኸትም ዝከ ባረናም ፤ « ቲመሽ ሰሚ ብሻ ኸረም ( ድዩ ብና ይኸርቱ ) ትብሮ ። 3. ቀረረም ሰሚ ብሻ ዳበራ ኸረም ( ጸኳ ይዘርብቱ ) ትብሮ ። የሰሚ መርከታ ቤትሮት ትኸሮ ። የዘበርኸ መርኸት ቤትሮት መምር ኤኸንኹ ? 4. በጌታ ኤታመር የዝ ዘበር መጥጥ ሰብ መርኸት ያዜ ይሸ ። ተነበ ተዮናስ መርኸት ኤባር እንጉድ መርኸት ኤይዊ » ባረም ። ኸትም ቸናም ወረም ።

የፈሪሳም የሰዱቃ ሰብ እርሾ

5. ተማሪመታ ኸወኸት በትኻኖዌ ሸረት ወጥብጥ ተረሳኖም ባነ ። 6. የሱስም « ተፈሪሳም ተሰዱቃ ሰብ እርሾ ሰክቶም ተጤፖ » ባረናም ። 7. ኸናም « ሸረት አንጠበጥኔው » ባሮም ኸናም ተኸኖም ተጮዶም ።

8. የሱስም ካረም ዝካ ባረኖም፤ «አኹ በጌታ ተመመሮት የቆመናኹ ሰብ፤ አኹም ታኹም ሸረት አንጠበጥኹዌ የምር ትዝረኮ? 9. ገና አትቤስሮዌ? አምስት ኹም ሰብ አምስት ጦጥር ዳፓ በኖም ታነ ምራኽር ሳጠራ የረሳኹ ኸማ ኤትዘገድኹዌ? 10. ዌሽ አርበት ኹም ሰብ ሰባት ጦጥር ዳፓ በኖም ታነ ምራኽር ቀርጫት የረሳኹ ኸማ ኤትዘገድኹ? 11. ተፈሪሳም ተሰዱቃ ሰብ እርሾ ተጤፖ ባኩም ባንኸሬ የሸረት ቃር አንዝረዥኩ ኸማ የምር እትቤስሮ?» ባረኖም። 12. ኸኖም ፈሪሳም ሰዱቃ ሰብ ቴዩዶ ቃር ይጨፍፖዌ ባንኸሬ ትንጀራ እርሾ ይጨፍፖዌ አምባረኖ ኸማ ኸጋመ።

ጴጥሮስ የየሱስ ምስክር አደረም

13. የሱስ ፊሊጶስ ዌሳርያ ከተማ ይትቅራነቤ ቴሰራ የተማሪየታ «ሰብ እያ የሰብ ጸርቶ ሟኑ ይብሮን?» ባረም ተሳረኖም። 14. ኸኖም «አታተታ ያጠምቅ የካንስንኸ፣ እንግደኹና ነቢ ኤልያስንኸ፣ እንግደኹና ኤርምያስ ዌም ነቢ ተኸሮ ሰብ አተታንኸ ይብሮ» ባረዋም። 15. ኹትም «አኹክ እያ ሟኑ ትብሮን?» ባረኖም። 16. ስሞን ጴጥሮስም ዠፕረም «ትቶንቴ የዋሪ ክርስቶስ አኸትንኸ፣ ጽያም የኸረ የጌታ ጸርቶንኸ» ባረንም። 17. የሱስ ዠፕረም ዝካ ባረንም፤ «የዮና ጸርቶ ስሞን በሰሜ ያነ አባና ባንኸሬ ሟኒም ሰብ ዝኸታ ያኸ አኖደናኸ። ጸጋ አኸ የሳርኸ። 18. እያም ጸብርኸ አኸ ጴጥሮስ ባርስም። ባዝ እምር ፎር በተስኻና አረሸቴ። ዝም በተስኻን በሞት ወፈንቻ ዳር ይቆምቴ ባንኸሬ ኤወጥቅ። 19. የሰሜ መንግስት ይከፈችጌ ቍልፍ ኤብኸቴ። ባፈር ያገድኹን እንም

በሰሜ ይታገድ። ባፈርም የፈታኹን እንም በሰሜ ይትፈታ» ባረንም። 20. ኸጋመ ኹት ክርስቶስ የኸረ ኸማ የሟኒም ሰብ ቤዩዶዌ የተማሪየታ አዘዘኖም።

የሱስ ይሞትም ይትረሳ ኸማ  
በተረም አደም

21. ተኸ ከረ ቀነሰም የሱስ የተማሪየታ አጨገም አደኖም። «የሩሳሌም ከተማ አርቴ። በገን ባሪቅ በቆስ አለቃም በቆጫ ባሪቅ ብዘ መከራ ጸትቅፕርቴ። ይቁጥንቴ፣ በሰስት ከረና ተሞት ጸትረሳቴ» ባረም ዩድኖ ባነ። 22. ጴጥሮስም የየሱስ ይማተታ መቄ አወጣም ታነ «ኤኸርብኸ ጎታኖ። ዝካ ቃር ስርም ኤስራብኸ» ባረም አጥራቅሮት ቀነሰም። 23. ኹት ዌን ተኸባፕረም ታነ የጴጥሮስ «ጸሰኸኒ አኸ ሼጣን። የሰብ ቃር ባንኸሬ የጌታ ቃር አታስብ የኸሬ ቁፋ ኸርኸቢም» ባረንም።

24. በኸ ግዝየ የሱስ የተማሪየታ ዝካ ባረኖም። «እያ ይትኸተሬዬ ይሸ እንም የገታ የኸዳይትሰቀርወ ጸጫ የጠውርም ይያ የትኸተሬ። 25. ነብሰታ ይቅዬ ይሸ እንም ያቋን። ይያ ቴብር ዌን ነብሰታ ያቅፕረ እንም ይረኸውን። 26. ሰብ ባፈር ያነ ዱንያ እንም ቢያተርፍ ነብሰታ ቢቄ ምር ያማአረሸ? ዌሽ ሰብ የረብሰታ ዋጋ ምር ይከሌ ይኸብ? 27. እያ የሰብ ጸርቶ ተመሌካና ጋመ። በባና ክብር ጸቶንቴ። ኸኸ ከረ ይንመታ የሚናታ ኸማ ኤውንቴ። 28. የውረመና ጸብርኹ እያ የሰብ ጸርቶ ንጉስ ኸርኹም ጸቶንቴ። ወተነና ቴያዘ ዳር ባዝ ተቄሞ ሰብ አታት ኤሞቶ ሰብ ነረቦ» ባረም።

መንሸ 17

የሱስ ክብረታ አትዮሽም

1. የሱስ ተስድስት ክረ አንቅ ጴጥሮስም ኄት ጉፔቸ ያቆብም ዮኸንስ ጠበጠም ይማተኹና ከፍተነ ቁቶ አወጣኖም ። 2. ኹትም ቢፍትመኹኔ መርከታ ሽጋከረም ። ይፍተታ ጨት ኸማ ጥርጥር ባረም ። ኹጅርመታ ጠናቃ ኸማ ነጩ ኸረም ትየም ። 3. በኸም ታነ ሙሴም ኤልያስ ተኹት ጋመጦ ቲጮዶ ትራቦዮም ። 4. ጴጥሮስ የየሱስ « ጎታኖ ይና በዝ የኸኔ ወኹጫ ። በሸኸ በዝ ሶስት ዳስ ናርሸ ፤ አት ያኸ አት የሙሴ አት የኤልያስ ይኸርሸ » ባረንም ። 5. ኹትም ዝረሸም ቴጀፕር ጓድ ዳበራ ቸንም አኸተረኖም ። « በኹት ይኸሬ ሸረመድን ሸርቸና ዝኸታው ። የኹትም ስመዊ » ይብር ቃር ተዳበራኹታ ደን ተሰማም ። 6. ተማሪመታ ሰሞም ታነ ንቃር ሰነሮም ። ቢፍተኹና ወጠቆም ። 7. የሱስም ቸንም መሸሸኖም ። « ተሶ እንሰነፍኹ » ባረኖም ። 8. ተጎሸሮም ቢያዞ የሱስ ባንኸሬ አትም ሰብ አናሰቦ ።

9. ተቁቶኹታ ቲወርዶ የሱስ « እያ የሰብ ሸርቸ ተሞት ትንትረሳ ዳር ያሸኹዊ ቃር የሟኒም ሰብ እኖድኹ » ባረም አዘዘኖም ። 10. ተማሪየታ የየሱስ « ሸጋ የቅጫ ባሪቅ ነቢ ኤልያስ ብዴተ ወተን ነሮ የምር ይብሮ ? » ባሮም ተሰረዊም ። 11. የሱስም ዠፕረም « ነቢ ኤልያስማ ብዴተ ይቸንቴ ። እንም ቃር ሸከተም ቀሃፕ ቀሃፕ ያሟቴ ። 12. ቢኸርም ሸብርኹ ኤልያስ የዝ ይፍቴ ቸንም ። በቸኔ ኹት ቴኸረዊም አንኻረዊ የኸሬ የሳቦ ቃር አመነባጤም ። የኸክም እያ የሰብ ሸርቸ በኸኖ ሸጅ መከራ ወትቀፕር ነረቢ » ባረኖም ። 13. በኸ ግዝዩ ተማሪየታ የኤልያስ ቃር ቢሰሞ ያጠምቅ ዮኸንስ ቃር ዮደኖ ኸማ ለሰሮም ።

የሱስ ሲጣር የጠወጠን ሸርቸ አተነፈም

14. ኸኖም ሰብ ያነቦጤ መደር ቸንባም ሰኖም ። አት ምስ የየሱሴ ተቆነባም በፕርበተታ ወካም ። 15. « ጎታኖ ሸርቸና ማኒ ። የዙር ባሸ ቴትረሳወ ሙጥጥ ኸማ ያጨንቀህን ። ብዘ ጋመጦ ብሳትም ብኻ ይወጥቅ ። 16. የተማሪያኹም አቸንኹንም ፤ ያተርፈውዬ ቆመኖም » ባረንም ። 17. የሱስም ዠፕረም « አታምሮ ጠማማ የዝ ዘበር ሰቦ ታኹ ጋመጦ መቸ ዳር ሸረብርቴ ? መቸ ዳርኸ ሸፍረኸንኹሸ ? ሸርቸኹታ ዝኹ ይዬ ናመዊ » ባረኖም ። 18. የሱስም የሲጣርኹታ ቢያጥራቀህን ተዛኸ ሸርቸ ወጣም ። ኹትም ኸመጋ ተነፈም ።

19. ተኸ አንቅ ተማሪየታ ይማተኹና የየሱሴ ተቆነባም ። « ይና ሲጣርኹታ ናወጣኔዬ ያንኸረንዶ የንቃሩ ? » ባረዊም ። 20. የሱስም « አናመርኹ የኸሬጫ ። የውረመና ሸብርኹ የዘሮ ቅንቅ ያኸር ቃር ብታምሮ ዝኸ ቁቶ ( ተሳም ኸኹ ወር ) ብትብረዊ ይወር ባነ ። ይቆምኹም ቃር ኤነ ። 21. [ ዝካ ቃር ጭን በጠሎትም በጦም ባንኸሬ ኤወጣ ] » ባረኖም ።

የሱስ መጠም ይትረሳ ኸማ ዠፕረም አደም

22. ተማሪየታ በገሊላ ገነ እማቴ በትደመዶዌ የሱስ ዝካ ባረኖም ፤ « እያ የሰብ ሸርቸ በሰብ ሸጅ አወጨም ያቆጥንቴ ። 23. ይቁጥንቴ ፤ በመጠኹ በሶስት ክረና ሸትረሳቴ » ባረኖም ። ኸኖም ንቃር አመጠጠኖም ።

የጌታ ክብር ሌት ጃብር መምር ይኩሸ ?

24. የሱስ ተተማሪየታ ቅፍርናኸም ከተማ ቸንም ። በቸኔ የጌታ ክብር ሌት ጃብር ይትቆፕሮ ሰብ የጴጥሮሴ



ተቅነበም ታነ « አስተማሪያኹ የጌታ ክብር ሴት ሻብር ኤክስዌ? » ባረዊም ። 25. « ይክስ » ባረም ።

ኹትም ሴት ቢገባ የሱስ በተረም ታነ « ስሞን ምር ይመስርኸ? የገን ንጉስ ሻብርም ቀረጥ ተሟን ይትቆጥሮ? ተገንኹና ሰብ ይትቆጥሮ ዌሽ ተባዘራ? » ባረንም ። 26. ጴጥሮስም « ተባዘራ ይትቆጥሮ » ባረንም ። ቢውን ግዝዩ የሱስ « ጸጋ የገን ሰብ ኤክስ ። 27. ቢኸርም ዝኸ ሰብ አናትራክስኔዮ ። አኸ ወርም በባር ወጥመዳኸ ዝራጋም አሳ አውጣ ። በተረም ዮጣ አሳ ጥብጥ ። አንቃታ ትትከፎትን የሻብር ፍራንክ ትረኸብቴ ። ዛኸ ፍራንክ ውስድም ይያም ያኸም ሟር ክስኖ » ባረንም ።

መንሸ 18

ትንም ንቅ ሟኑ?

1. ኸም ጋመፍ ተማሪየታ የየሱሴ ተቅነበም ። « በጌታ መንግስቴ ትንም ይርቅ ሟኑ? » ባረዊም ።
2. ያት ትከ ጠናንም ታነ በግብተኹና አቄመንም ።
3. ዝክም ባረም ፤ « የውረመና ጸብርኹ ንቅነታኹ ቴትኹ የትከም ኸማ ባንኸርኹ የጌታ መንግስቴ ስርም አትገቡ ።
4. ኼታ የዝ ትከ ኸማ ገገታ ዝቅ ያመነ እንም በጌታ መንግስት ትንም ይርቅ ኹታው ።
5. የዝካ አት ትከ ዳር በኸመና ይትቆጥር እንም እያ ተቆጥራም » ባረኖም ።

የባጢር ፈተና

6. የሱስ ባረም ፤ « አት ሰብ ብያ ታመሮ ትርስዮኸኖ ያተታ ዳር ቁፋ ኤኸርወ ። ቁፋ ኸረም ባጢር ያትቸት

ሰብ ኹት ይረዝ ይምር ወፍጨ ባንገተታ ጸግጅቶ በባር ቁጥራ ቢዌ ይፎዘዝን ባነ ። 7. በሰብ ቁፋ ያቸን የኸሬ የዝ አለም ሰብ ግርደታ ። ቁፋ ቴቸን ኤቸን ። ቢኸርም ቁፋ የኸረ የዝ ሰብ ግርደታ ።

8. ጸጃኸ ዌም ጸግራኸ ባጢር ቢያቸትኸታ ተገጋኸ ጸርጥም ቋሸን ። ኼት ጸጅ ዌም ኼት ጸግር ንቤተናኸ በዘላለም እሳት ቢቋሸከታ ይርቅ እንዳርር ኪትኸ ጸያም ኸርኸም በጌታ መንግስት የገጋኸ ይፈዝኸ ። 9. ኤናኸ ባጢር ቢያቸትኸታ አጣም ተገጋኸ ቋሸን ። ኼት ኤን ንቤተናኸ በአዛብ እሳት ቢቋሸከታ ይርቅ አት ኤን ንቤተናኸ ጸያም ኸርኸም በጌታ መንግስት የገጋኸ ይፈዝኸ » ባረም ።

የቀነ ጤ ወማካ

10. የሱስ ባረም ፤ « ተዛኹና ትርስዮኸኖ አተታ ባትቀርጦዌ ተጤጋ ። የውረመና ጸብርኹ የኸኖ ይቅረቦ መሌካኹና በሰሜ እንም ጋመፍ የሰሜ አባና ይፍት ያዞ ። 11. [ እያ የሰብ ጸርቸ የቀነ ሸኹም አተርፌ ትነኹም ። ]

12. ምር ይመስርኹ? ያት ሰብ በቅር ጤ ይረውን ። ተኸኖም አተታ ቢቄ ኸጠራም ዠጠኸኖ በቁቶ ራር ቸም የቀነ አት ጤ ኤሸዌ? 13. ቢረኸውን ውረም ጸብርኹ ታንቀነቦ ተኸጠራ ዠጠኸኖ በዝኸ አት ጤ ኹት ይርቅ ይሸን ። 14. የኸክም ተዝኸ ትርስዮኸኖ አተታ ይቁዬ በሰሜ ያነ አባኹ ፍቃደታ አንኸረ » ባረም ።

ይገፋ ገጐፔ

15. የሱስ ባረም ፤ « ገጐፔኸ ቢገፋኸ አኸም ተኹት ይማታኹ ቶሮም ጥፋተታ አድን ። ቢሰማኸ

ጎጆያኸ ሸከትኸም አቸነኸንም ወበሩ። 16. ቤሰማኸ ጭን ዘንጋ እንም በኼት ዌም በሶስት ምስክር ያጨጉ። አት ዌም ኼት ምስክር ጥብጥም፤ ወርም ዘንጋኸ ደገር። 17. የኸኖም ቤሰማኖ የበተስኸን አድ። ኧኳም የበተስኸን ቤታዘዝ ኸት ታረጦኔ ተቀረጥዮ ድውን» ባረም።

አግዶትም ፍቶት

18. የሱስ ባረም፤ «የውረመና ኧብርኸ ባፈር ያገድኸዊ ቃር እንም በሰሜ ያጎጂ ይኸር። ባፈርም የፈታኸዊ ቃር አንም በሰሜ የፈቼ ይኸር።

19. ኧኳም ኧብርኸ በዝ አፈር ታኸ ኼታኸ በሚኒም ቃር ብትስማሞ ትጨቀሰዊኸታ በሰሜ ያነ አባና ያሚንኸሸ። 20. ኼት ዌም ሶስት ሰብ በሸመና ቢትደመዶጌ መደር በኸ በግብተኸና እያ ነርኸ» ባረም።

አፍ ኤብር አፍ ኤውሪ ሰብ ወማክ

21. በኸ ግዝዩ ጴጥሮስ የየሱሴ ተቆነበም «ጎታኖ ጎጆያና ምራኽር ጋመ። ቢገፌ አፍ ንወን? ሰባት ጋመ። አፍ ንወንዌ?» ባረንም። 22. የሱስም ዝክ ባረንም፤ «ሰባ ግዝዩ ሰባት ጋመ አፍ በዳን ባንኸሬ አማት ሰባት ግዝዩ እምብርኸ።

23. ኧጋ የጌታ መንግስት ምር ይመስር? በቸዋቸታ ያነን ከስ ያትሸሴ ይሸ ንጉስ ይመስር። 24. ኸትም አትሸሶት ቀነሰም። አልፍ ብር ከስ ያኖ አት ምስ የርጉሴ አቸነበዊም። 25. ይከስ ቃር ቲብኸር ኸትም ምሽተታ ዴንጋመታ ያነን እንም አሰዩቶ ከሰታ ይኸሸዩ

ንጉስኸታ አዘዘም። 26. ኸጋመ። ቸዋችኸታ ቸነም ቢፍተቴ ወጠቀም። (ጎታኖ ኧክሴ፤ ደገትኸ ኧክስኸሸ) ባረንም። 27. የኸ የቤት ቸዋች ጎታታ አትማጠጠም ገፈረንም። ከስመታ ቸረም።

28. ቢኸርም ዛኸ ቸዋች ተኸ ቤት ቲወጣ ታት ቤሻታ ተራከበም። ኸትም በዝ ቤሻታ በቅር ብር ከስ ባረን። ያጋታ የኸት (ከሰና ከሴ) ባረም አነቀም ጠወጠንም። 29. ቢያርቀን ቤሻታ ቸዋች በግረቴ ወጠቀም ታነ (ኧክሴ፤ ከሰኸ ደገትኸ ኧክስኸሸ) ባረም ጨቄሰንም። 30. ኸትም ቤ ባረንም። ከሰታ ቲኸስን ዳር ወሰደም በኸኔ አትየጎደንም።

31. ቤሻታ የኸሮ ቸዋች ኸት የቸተን ዘንጋ አሰቦም ታነ ንቃር አመጠጠኖም። የጎታኸኔ ቸነቦም ዝኸ ዘንጋ እንም አደዊም። 32. ተኸንቆ ዛኸ ያትሸስ ቸዋች ጎታታ ጠናንም። (አኸ መጥጥ ቸዋች። አኸ የጨቄስኪዬ ኸኸ እንም ከስ ቸንክም። 33. እያ የማርከ ኸማ የቤሻኸ የኸ ቸዋች አኸኸ የምር አማርኸን?) ባረንም። 34. ጎታታ ማቸም ታነ ከሰታ እንም ቲከስ ዳር አትየገደም አጨነቄንም። 35. ታኸ ያታተታ የጎጆያታ ተኸነታ አፍ ባንባረን የኸክም የሰሜ አባና ጌታ ያትጨንቀንቴ ባንኸሬ አፍ ኤውን» ባረም።

መንሸ 19

የሱስ ምሽታኸ አትግፍር ባረም

1. የሱስ ዝኸ ዝረሸም ቲጀገር ተገሊላ ተረሳም ይኸዳ ገነ የርዳኖስ በር ኸወኸት ቸነም። 2. ብዘ ሰብ ተኸተረዊም። በኸም ባሸነ እንም አተነፈም።

3. የፈሪሳ ሰብ ይፈትረውዬ የሹትኼ ተቅንቦም ። « ሰብ በኸረ ቃር እንም ምሽተታ ይገፍሬ አዊምዌ? » ባሮም ተሰረዊም ። 4. ሹት ሠጥረም ሠካ ባረም ፤ « ጌታ በተረም ምስ ተምሽት አመነም ፈጠረም ። 5. ሹትም የባረ ኸማ ( በኸ የቶነ ሰብ አባመታ አዶትመታ ይትቴ ። ተምሽተታ ጋመ አት ይኸርቴ። ኼችም አት ገግ ይኸርቴ ) ይብር ቃር አናረብብኹዌ? 6. እጋ እማት ገግሮ ባንኸሬ ተዝ አንቆ ኼት አንኸሮ ። ጌታ አት ያመነን ሰብ ኤዌትን » ባረኖም ።

7. የፈሪሳም ሰብ « እጋ ሙሴ ምሽት ቲጅቶ ዋፈት ኤብቶ ይገጅርዬ የንቃር አዘዘም? » ባረዊም ። 8. ሹትም « ሙሴስ በኸናኹ ቱነት ምሽታኹ ትገፍሮዌ ፈቀደንኹም ። ይፍትሜ ጌታ ሠካ አኒፕ ። 9. እያ ዌን እብርኹ ኸት ትንጉድ ምስ ታትባልግ ምሽተታ ገፈረም እንጉደኸታ ያገባ እንም ባለገም » ባረኖም ።

10. ተማሪመታ « ምስ ተምሽት ኤትጋፈሮ በኸረ አናግቦት ይፈዝ » ባረዊም ። 11. የሱስ ዌን « ዝኸ አናግቦት ይፈዝ የባኹዊ ዘንጋ ተጌቴ የትቆጥረኹታ ባንኸሬ ይንመታ አንኸረ ። 12. ባዶት ደን ውጨባ ኸሮም የትጨነቦ ነረቦ ። ሰብም የሰለበኖ ውጨባ ነረቦ ። አትም የጌታ መንግስት ቴብሮ አናገፖ ሰብ ነረቦ ። ቴያገባ ይረብሬ ይኹለ የትቀጮን » ባረኖም ።

የሱስ የቅስር ዴንጋ ዳረኖም

13. በኸ ግዛዩ የቅስር ዴንጋ እጅታ አየተቦ ጠሎት ያሜሮዌ የየሱሴ አቶነቦም ። የየሱስ ተማሪ ዌን ዴንጋኹና ያቶነቦ ሰብ « አናቶነኹ » ባሮም አጥራቀሮም ። 14. ቢኸርም የሱስ « ቅስር ዴንጋ

ይያኼ የተኖ አትኸሮዮ ። ጌታ ይትረገስወ የዝ ዴንጋ ኸማ በኸረ ሰብ » ባረም ። 15. ሹትም እጅታ አወናቦም ታነ ዳረኖም ተኸ ወረም ።

ደንገነ አንዛት ምስ

16. አት ምስ የየሱሴ ተቅንቦም « አስተማሪዮ የዘላለም እያም ኸርኹም እረብሬ ምር ወኼ ዘንጋ ንቶት? » ባረም ተሰረንም ። 17. ሹትም « የምር ዮኼ ዘንጋ ቃር ትትሰሬ? ወኼ የኸረ እማቱ ። እያም ኸርኸም ትረብሬ በሸኸ ዌን የጌታ ትዛዝ ቀየ » ባረንም ። 18. ምስምሹታ « ኤት ትዛዝ? » ባረም ተሰረንም ። ቢትሰን የሱስም « አትቅጥር፤ አትባልግ፤ አትስርቅ፤ ቤነ ቃር አቶድ፤ 19. አብ ታዶታኸ አኸብድ፤ ሰብ የገጋኸ ኸማ ንመድ » ባረንም ። 20. ኸኸ አንዛት ምስ « ዛኹናኸ እንም ቅየኹም ። እንጉድኸ ምር ይቀብርቢ? » ባረንም ። 21. የሱስም « የጌታ ፍቃድ በመራ ትቅዬ በሸኸ ወርም ያነናኸ እንም አሰየም የዜጋ አብ ። ብቴብ ዋጋኸ በጌቴ ይምበርኸሸ ። ኔኸም ይያ ተኸተሬ » ባረንም ። 22. አንዛት ምስም ንቅ ንብረት ቧነን ። ዝኸ ቢሰማ አመጠጠንም ባዘን ወረም ።

23. የሱስም የተማሪየታ « ውረም እብርኹ ደንገነ የጌታ መንግስቴ ይገቤ ንቃር ያጀጉን ። 24. ሠጥርኹም እብርኹ ደንገነ የጌታ መንግስቴ ይገቤ ይኹለ ተበሮት ይርቅ ጋሜራ በመርፍ ጉድድ ይገባ ወበር ይፈዝ » ባረም ። 25. ተማሪመታ ቢሰሞ ንቃር ወግ ኸረባም ፤ « እጋ ሚን ይተርፌ ይኹለ? » ባረዊም ። 26. የሱስም የክኖዌንዶ አሸም ታነ « ዝኸ በሰብ ወኸት ኤኸር ቃሩ ። በጌቴ ዌን እንም ቃር ይኸር » ባረኖም ።

27. በክም ግዝዩ ጴጥሮስ ዠጥረም « ይናም እንም ቃር ቶነም ያኸ ተኸተኔከም ። ጸጋ ምር ንረኸብኔ ይኸርሸ ? » ቧረንም ። 28. የሱስም ዝካ ባረኖም ፤ « የውረመና ጸብርኹ እንም ቃር ገደር ቢኸርወ ቢቸን ዘበር እያ የሰብ ጸርቸ በክብር ቸሮት ጸቸናቴ ። በክ ግዝዩ የትኸተርኹን አበረኼታኹ በበረኼት ቸሮት ተቸኖቴ ። በበረኼት በእስሬል ጥብ ትፈርዶቴ ። 29. ይያ ባረም ቤተታ ዌም ጐፔያታ ዌም ጸተመታ ዌም አባታ ዌም አዶተታ ዌም ዴንጃታ ዌም አፈረታ ቸም የትኸተሬ እንም የኻ ሟሬ በበቅር ጸጅ ይትቆጥር ። አትም የዘላለም ጸያም ኸረም ይረብርቴ ። 30. ቢኸርም ይፍቴ የረጥሮ ብዘኹና ያንቄ ይኸሮቴ ፤ ያንቄ የረጥሮ ብዘኹና ይፍቴ ይኸሮቴ » ባረኖም ።

መንሸ 20

የዌን ቸጊ የቀጥረ ቸዋቸ ወማካ

1. የሱስ ባረም ፤ « የጌታ መንግስት ምር ይመስር ? የዌን ቸጊ የቀጥረ የቤት አበቃጥ ይመስር ። ኹትም ቸዋቸ ቴሽ ቅረረ ወጣም ። 2. ይቸቶም ሰብ የዋናኹና ባት ብር ተስማሞም ፤ የዌን ቸጊ የቀጥሮጦ ጎነ ያሮዌ አዘዘኖም ።

3. ዝም አበቃጥ ሶስት ሳት ቴኸር ወጣም ሜና ኤነኖ እንጐድ ሰብ በጀራረ በቁሞዌ አሸኖም ። 4. የኸኖም ( አኹ የዌን ጎነኔ ወሮ ። የቸትኹጦ አብኹሽ ) ባረኖም ። 5. ኸኖም ወሮም ።

አትም በግብት ዋናም በዝኸር የኸክም አመነም ። 6. በስራት ሳት ቢወጣ እንጐድም ሜና ኤነኖ ሰብ

በቁሞዌ ነከበኖም ። ( አኹ ሜና በክርኹምዌ ? የድየ ዋና ሜና ኤባር በዝ የንቃር ትቁሞ ? ) ባረኖም ። 7. ( ይና ሜና ይብንደ በከነም ታነው ) ባረዊም ። ኹትም ( አኹም የዌን ጎነኔ ወሮ ) ባረም ሜና አበኖም ።

8. ቴመኸ የዌን ጎነ የኹረን ያትቸትኖ ምስ አዘዘም ፤ ( ሜነነ ጥራኖም የቀጥወ ተቸነቦ ይፍትወረር ሰብ ዳር የቸቶጦ አብኖ ) ቧረንም ። 9. በስራተነ ሳት ሜና የቀነሶ ቸነቦም ። ያታተኹና አታት ብር ተቆጥሮም ። 10. ይፍትወረርኸኖ ቸነቦም ። ተገጋትኸኖ ይርቅ ይትቆጥር ቃር መስረኖም ባነ ። ኸኖም ያታተኹና አታት ብር ተቆጥሮም ። 11—12. በትቆጥሮም አንቅ ( ዝኸ የገጋትኸኖ እማት ሳት ቸቶም ። ይና የዋናንዳ ቅጥነም ተዊና ጨት ተቸትነ ቴና ጋመፀ መምር ቅጥየ ክስኸኖም ? ) ባሮም በበቃጥ ምስ እመጣጠቦም ። 13. ኹት ጭን ዠጥረም ተሜነነኸኖ ያተታ ዝካ ቧረንም ፤ ( ጐፔቸ አንፌጠጥከ ። ብማት ብር ትቸቴ አንትስማማኸ ባነዌ ? 14. ሟሬኸ ጥብጥም ወር ። እያ የዝ የገጋትኹታ ያኸም ኸማ ጸከብኔ ጸሸ ። 15. በዋጋና የሸኹ ቃር አሜዬ መብት ኤኔዌ ? ዌኸ ብያ ቦኼነተና ኤናኸ ምቀኖ ኸረም ? ) ቧረንም ። 16. የኸክም ያንቄኸኖ ይፍቴ ይፍቴኸኖ ያንቄ ይኸሮቴ » ባረም የሱስ አደኖም ።

የሱስ መጠም ይትረሳወ የሶስተነ አደም

17. የሱስ የሩሳሌም ከተማ ቴያር ቤማ አበረኼት ተማሪየታ ይማተኹና የኹትኼ አትቅነበኖም ። 18. « የሩሳሌም ከተማ ናነ ። እያ የሰብ ጸርቸ በቅስ አለቃም በመሴ ቅጫ በረቅ ጸጅ አወጨም ያቆጥንቴ ። ኸኖም የሞት ፍርድም ይፈርዶጥቴ ። 19. ያሸሶጥኔ ፤ ይገርርኔ ፤

ይለቅሮኔ በረማዊ ሰብ እጅ አወጦም ያቅጥሮንቱ ። በመጎተኙ በሰሰት ከረናም እትረሳቱ » በረናም ።

የያቆብም የዮካንስ አዶት  
የየሱስ ትትሰር ቃር ባነና

20. በክ ግዝየ የዘብዴዎስ ዴንኝ አዶት ተደንኝኝታ ጋመዎ ቸንቸም ። አት ዘንጋ ትትጨቀሱ የየሱሴ ተቅነበችም ሰጎደቸረም ። 21. ኹትም « ምር ትሸ ? » በረናም ። ክትም « ዝክ ኄት ዴንኝና በመንግስታክ አተታ በከናክ አተታ በጉራክ ይቸናዌ እዝዝ » ቧረቸንም ። 22. የሱስ ዠጥረም « አኹ ትጨቀሱም ቃር አትክሮ ። አኹ ያቆብም የዮካንስ እያ እሰጭን የመከራ ጥዋ ትሰጦዌ ይኸንኹቱዌ ? » በረናም ። ክኖም « ይኸርንደቱ » በረዊም ። 23. ኹትም « እያ እሰጭን ጥዋ ትሰጦቱ ። በከነ ተጉራ ወቶራ ጭን አባና ሸከተም ያወናረኹታው ባንኸሬ መደር ኤብ እያ አንኸርኹ » በረናም ።

24. አስርም ተማሪየታ ዝክ ሰሞም ታነ በኄት ጎጭቸ ማተቦጋም ። 25. የሱስ የኹትኪ ጠናኖም ታነ ዝክ በረናም ፤ « አረማዊ ሰብ አለቃኹና ይዝኖ ክማ ንቅ ንቅ ሰብ በጆረኹና ይትጨሮ ክማ ትክሮ ። 26. በኹሽ እክሽ ኤክር ። ቢክርም ተግብታኹ ንቅ ይኸሬ ይሸኹታ ያኹ ያገክር ። 27. ተግብታኹ ትንም ይፍቱ ይኸሬ ይሸኹታ ያኹ አሸክር የክር ። 28. የክክም እያ የሰብ እርች የሰብ አኻሸሬ ቸንኹም ባንኸሬ ይያ ያኻሸኔ አንቸንኹ ። አትም ንብሰና የብዘክኖ መትወጫ አመንኹም እሞቱ ቸንኹም » በረናም ።

የሱስ የኄት ፎርጥ ሰብ ኤን ከፈተም

29. ተኢያሪክ ከተማ ቲወጦ ብዘ ሰብ የየሱስ ተኸተረዊም ። 30. ኄት ፎርጥ ሰብ ቤማ መሪ ቸኖም ባነ ። የሱስ ተዝ ያር ክማ ሰሞም ። ክኖም « ጎታንዶ የዳዊት እርች ከዳሽ ማርንደ » በሮም አክኖም ። 31. የክኖም « ቍስ በሮ » በሮም ሰብ አጥራቀሮዮም ። ክኖ ጭን « ጎታንዶ የዳዊት እርች ከዳሽ ማርንደ » በሮም ይርቅ አትክኖም ። 32. የሱስ ቁመም ጠናኖም ። « ምር አሜንኹዌ ትሰሰ ? » በረናም ። 33. « ጎታንዶ ይና ንሽነ ኤንንዳ ይትከፈቱዉ » በረዊም ። 34. የሱስም አትማጠጠኖም ታነ ኤንኹና መኻሸኖም ። ክመጋ ኤንኹና ተከፈቶም አሰሰም ። የየሱስ ተኸተረዊም ።

መንሽ 21

የሱስ በርቅ ክብር የሩሳሌም ከተማ ገጋም

1. የሱስ ተተማሪየታ የሩሳሌም ከተማ ተቅራኝቦም ። ደብረዘይት ቁቶ ቤተፋጋ ቀያ ሰኖም ። ክጋመዎ የሱስ ተተማሪየታ ኄተኹና ናኸም ። 2. ዝክ በረናም ፤ « ክክ ይፍት ይፍት ያነ ቀያ ወሮ ። ቶርኹም ክማ ያጎጂ እማር ተደርማታ ጋመዎ ትረክቦቱ ። ፍቶም ናሞኒ ። 3. ሟኒም ሰብ አሸቃር ቢብርኹ ( የጎታ አትኸሸንም ) በሮ ። ክመጋ ኤብተ ያስራጥትኹሽ » በረናም ።  
4-5. « የየሩሳሌም ( ንጉሳክ ሜራ ክረም ብማር ደርማ ፎር ቶየተ ያኹ ይቸንቱ ) በረዊ »  
ቧርም በነቢ ዮጂ ይኸሬ የሱስ እማር ይረክሜ ናሞኒ በረም ።

6. ተማሪዎቻችን ወርም የሱስ ያዘዘኛም ኸማ ችፋም ። 7. እማር ተደርግመታ አቸኖንም ። ኸጅረኸና በኸኖ ጫሮም ። የሱስም ነሽመም ። 8. ተደመዶኸኖ ብዘ ሰብ የየሱስ ይትቅጥረውዬ ኸጅረኸና ቤማ ዝራኮም ። እንግዳኸና ተጨ አቴበታ አንጦም ቤማ ዝራኮም ባነ ። 9. ቲፍተቴም ያሮም ታንቅቴም ይትኸተረዊ ሰብ « ይርር የዳዊት ሸርች ቸንም ። በጌታ ሽም የቸነኸ የሳርኸ ። በሰሜ የጌታ ሽኩር የኸር » ቲብሮ ያትኻኖ ባነ ።

10. የሱስ የሩሳሌም ከተማ ቢገባ የከተማ ሰብ እንም « ዝኸ ሟኑ ? » ባሮም ተብራገንም ። 11. ኸም ሰብ « ዝኸ ተገሊላ ገነ ተናዝሬት ከተማ የቸነ ነቢ የሱሱ » ባሮም ።

የጌታ ክብር ቤት ሰክቶት

12. የሱስ የጌታ ክብር ቤት ገገም ። በኸም በደኔ ያስረበም ይስረቦ ሰብ እንም ገፋም አወጣኖም ። ፍራንክም ያሸክሮ ሰብ ጠረጴዛኸና ደፋኖም ። ሱንየት ያስሮ ሰብም ሎርጭማኸና አክበነረኖም ። 13. « ( ቤተና የጠሎት ቤት ይውራቴ ) ቧርም ጣፊም ባነ ። አኹ ጭን የኔባ ወረ አመነኹዊም » ባረኖም ።

14. በጌታ ክብር ቤት ፈርጥም ጅረ የኹትኼ ቸንበም ። ኹትም አተነፈኖም ። 15. ቢኸርም የቅስ አለቃም የቅጫ ባሪቅ የሱስ የቸተን ወግ አሰበም ። « ይርር የዳዊት ሸርች ቸንም » ባሮም ያኸሮ ዴንጎ በጌታ ክብር ቤት አሰበም ታነ ማተም ። 16. ኸኖም « ዝኸ ዴንጎ ይብሮ ቃር አትሰማዬ ? » ባሮም የየሱስ ተሳረዊም ። የሱስም « ሸሰማ !

( ትከም ጡ ይጠዎ ጨንቅራ የገጋኸ ምስጋና የዘንጎ ባኸም ) ይብር ቃር ስርም አናረብብኹዬ ? » ባረኖም ። 17. የኸኖም ቸኖም ተከተማ ተረሳም ቢታንያ ቀያ ወረም ፤ በዛኸ አተረም ።

አት የሸብራ ሸጨ ሰተዊም

18. የሱስ በቅረረ ተረሳም የሩሳሌም ከተማ ተዠጥረም ቲቸን ጓደንም ። 19. ቤማ ሙረ አት ሸብራ አሸም የኹትኼ ተቅነበም ። በኹትም ቅጠር ባንኸሬ አትም ቃር አነከበወ ። ቢበኸርወ « ተዝ እንቅ ሱስር ስርም ኤንኹብከ » ቢረንም ። ሸብራም ኹታ ኸመጋ ጠነቀም ። 20. ተማሪዎቻ ዝኸ አሰበም ታነ « ሸብራ ኹታ ኸመጋ መምር ጠነቀም ? » ባሮም ወግ ኸረበም ። 21. የሱስ ዠጥረም « የውረመና ሸብርኹ አኹ ታጥራጠሮን ብታምሮን አማት ዝኸ ሸብራ አጥርቆት ቴኸር ዝኸ ቈቶ ዳር ( ተረቀርም በባር ደን ተደንገር ) ባኹም ታዝዞዬ ይኸንኹ ። 22. አመርኹም በጠሎት የጨቄሰኹዊ እንም ትንኸበሽ » ባረኖም ።

የሱስ ያነን ደረግ ተሳሪም

23. የሱስ የጌታ ክብር ቤት ገገም ቲያትመር የቅስ አለቃም የገን ባሪቅ የኹትኼ ቸንበም ። « በምር ፍቃድም ደረግ ዝኸ ዘንጋ እንም ትቸት ? ዝኸኸ ደረግ ሟን አበናኸም ? » ባረዊም ። 24. የሱስም ዠጥረም « እያም አት ዘንጋ ሸትሰርኹቴ ። አኹም ኹት ብቱዶን እያም በምር ፍቃድም ደረግ ሸቸት ኸማ አድኹሽ ። 25. የሩኻንስ ጥምቀት ቴቴ ቸንም ? ያጠመቀ በጌታ ፍቃድ ባነ ዌሽ በሰብ ፍቃድ ባነ ? » ባረኖም ።

ክኖም ተክኖም ቲትጮዶ « በጌታ ፍቃድ በነ በባነ ( እጋ የምር አናመርኩዊ? ) ይብርንደቴ = 26. በሰብ ፍቃድ በነ በባነ ጭን እንመኹና የካንስ ነቢዉ ይብር የኸሬ የሰብም ንሰርፍነ » ተቤሮም = 27. የየሱስ ዠፕሮም « ይና አንክነ » በረዊም = ኹትም « እጋ በምር ፍቃድም ደረግ ዝክ ዘንጋ እንም እኛት ኸማ እያም አኑድኹ » በረዊም =

የኼት ዴንጎ ወማካ

28. የሱስም በረም ፤ « እኔ ምር ይመስርኩ ? አት ምስ ኼት ዴንጎ ዘነዊ = የርቅ እርቶቴ ወረም (እርቶኖ እኔ ወርም የዌን ጎነና ቶት) ቧረንም = 29. ቢውን ዛክ እርቶ (አናር) በረም = ያንቅ ጭን ቶዘከበም ይቶቴ ወረም = 30. አብኹታ ያት እርቶቴ ወረም ዝክም (ቶትኒ) ቧረንም = ቢውን (እጊ ጎታኖ እቶትሸ) ቧረንም = ቢብርም ጭን ይቶቴ አምበረ = 31. ተኼት ዴንጎ ያበታ ፍቃድ ያመነ ሟኑ ? » በረዊም = « ንቅ እርቶ » በረዊም = የሱስም ዝካ በረዊም ፤ « የውረመና እብርኩ የቀረጥየም ወቢት አሽታ የጌታ መንግስት ብዴተብኩ ይገቡቴ = 32. የካንስ ቶንም የጌታ ኤማ አትየሸናኹም ፤ አናመርኩዊ = የቀረጥየም ወቢት ጭን አመረዊም = አኹም ዝክታ አሸኹም በጢራኹ አወጣኹም ታምረውዬ አንቱዘከብኹ» በረዊም =

የዌን ጎነ ይቶቶዌ የስራውዮ ሰብ ወማካ

33. የሱስ « እንጉድ ወማካ ስሞ » በረዊም = « ዌን የቀፕረ አት የቤት አበቃጥ ባነ = ብምር ግምብ እጭር አጠረረም ፤ ይቡቅርጮሜ ጉጂ ኸነም ፤ የቀጮሪ

ዌን ቶነም ይቀረፔ ከፍተነ ግምብ ቤት አረሸም = ተኸም አንቅ የቸዋች አትኩራነንም እንጉድ ገነ ወረም =

34. ዌንም ያፌወ ግዝየ ሰናም = ቲሰራ ቡስረታ ይትቅፕሮዌ አሸክረታ የቸዋቹ ናኸም = 35. ቸዋችኸኖ የዛ አሸክርኸኖ ጠበጠም ያተታ ደነገዊም ፤ አተታ ቀጠረዊም ፤ አትመታ ብምር ወከዊም = 36. ዠፕረም ዛም አበቃጥ እንጉድ ቲፍቴ ይርቅ ብዘ አሸክር ናኸም = ቢረክ የክክም አመነቦዮም = 37. ያንቅ ጭን ( የርቶናሽ ይቀምጠነሽ ) በረም እርቶታ ናኹንም = 38. ቸዋችኸኖ ጭን እርቶኹታ ቢያዞ ክኖም ተክኖም ( ዋራሸታ ዝኸታው ፤ ኔኹ ንቅጥኔም ርስተታ ንንኸብነሽ ) ተቤሮም = 39. የኹትም ጠበጠም ተቀጮሪ ዌን ውጤ አወጠም ቀጠረዊም =

40. ኼታ ዌን የኹረን ጎታታ ቢቸን ከረ በዝክ ቸዋች ምር ያሟቡቴ ? » በረም የሱስ ተሳረዊም = 41. « ዝክ መጥጥ በጢረተነ አጨነቀም ይቀጥኖቴ = የቀጮሪ ዌን ቡስረታ በግዝየታ ይቦ ይንጉድ ቸዋች ይብኖቴ » በረዊም = 42-43. የሱስ ዝካ በረዊም ፤ « እያ እብርኩ የቀጮሪ ዌን ተዛ ቸዋች የሰጅፖም ኸማ የጌታ መንግስት ታኹ ይወስጅብኩቴ ፤ ቡስረታ ይቦም የጌታ ይታዘዘ ይንጉድ ሰብ ይውዮቴ =

( ግምብ ያረሶ ሰብ የቀንጠዊ እምር ኹት የግምብ ቤት ዋና ኸረም = ዝም ጌታ የቶተ ቃሩ = ትናኹኔም ዬንመንዳ ወግ ቃሩ )

ይብር ቃር ስርም በመጣፍ አናረዘብኩዌ ? 44. [ እጋ በዝ እምር ፎር ይወጥቅኹታ ይትቀጠቀጥ = እምርኹታ ጭን በፎረታ ይወጥቅወኹታ እንም ይፎጭን ] » በረዊም =

45. የቅስ አለቃም የፈሪሳ ሰብ ወግካታ ሰዎም ታነ የኸኖ ቃር የዝረዥ ኸማ ቤሰሮም ። 46. ይጠብጠውዬ ቲዬሎ ሰብኸኖ ኸት ነቢ የመሰረኖዌ የሰብ ስነሮዮም ።

መንሸ 22

ያዠመነ ድግስ ወግካ

1. የሱስ ዠፕረም በግካ ዝካ ባረም አደኖም ፤ 2. « የጌታ መንግስት የርቸታ አዠመነ የደገሰ ንጉስ ይመስር ። 3. የሚጠርዮምኸኖ ያዠመነ ይጠረዮዌ የቤት ዴንጃታ ናኸም ። ኸም ያዠመነ የጠነዮኸኖ ጭን ይገበዌ አንሳቦ ። 4. ንጉስኸታ ዠፕረም የኼተነ አንጉድ የቤት ዴንጃታ የሚጠርዮኸኖዌ ናኸም ። ( ድግስ ደገስኸም ውረናም የፈቀሮ ዋጋና አንጭዮም ። አንም ቃር ቍጥ ቍጥ ባረም ። ያዠመነ ኔኹ በሮ ) ባረም ናኸም ።

5. ኔኹ ቢውርዮም በጭ አመነበዊም ፤ አተታ የቹቻቲ አትመታ የቄጠቲ ወረም ። 6. የተነፎኸኖ የቤት ዴንጃኸኖ ጠበጠም አድራብሮም ቀጠሮዮም ። 7. ንጉስም ንቃር ግቸም ወታደረታ ናኸም ። ዘኸ የቀጠሮ ሰብ ያጋኸና ቀጠረኖም ። ከተማኸና ብሳት መሻረንም ።

8. በኸ ግዝዩ የቤት ዴንጃታ ( ያዠመነ ቃር ቍጥ ቍጥ አመነዊም ። ቢያመራም የሚጠርዮኸኖ ክብር አንሳረኖ ። 9. እጋ ዬማ መሪ ወሮ ። የረከብኹዮ ሰብ አንም ያዠመነ ጥሮዮ ) ባረኖም ። 10. ኸም የቤት ዴንጃ ዬማ መሪ ወሮም የረከበዊ መጥጥ ቶኼ ሰብ አንም ደመዶም ጠነዊም ። ያዠመነ ቤት ሰብ ሚናም ቸናም ።

11. ንጉስኸታ የቸና በዘራ ያዠመ ገጋም ። ቢያኸ ያዠመነ ኸቹር ያንትኸተረ አት ምስ ነከበም ። 12. የምስኸታ ( ምስ ያዠመነ ኸቹር ታትኸተር ዝኸ ቤት መምር ገጋኸም ? ) ባረንም ። ኸትም ይብር ቃር ቲብኸር ቍስ ባረም ። 13. በኸ ግዝዩ ንጉስኸታ የቤት ዴንጃታ ( የዝ ምስ እጅም እግረታ እግዶም ባረጀ በጠነማ አውጠዊ ። በኸሚ ብኸም ስንም አትፏጠት ይኸርወሽ ) ባረም ። 14. የጠነዮ ብዘሮ ፤ የሸጮችዮ ጭን ቀሪቃሎ » ባረም የሱስ አደም ።

የሱስ ግብር የሚን ይዊ ኸማ ተሳሪም

15. የፈሪሳ ሰብ ወሮም የየሱስ መምር አሚተቦ በዘንጋ ይጠብጠዊ ኸማ አትበቶም ። 16. ኸኖም ተማሪመኸና የኼርድስም አሻ ተኸሮ ሰብ ጋመሞ የየሱሴ ናኸዮም ። ኸኖም « አስተማሪዮ አኸ ውረም ቃር ትዝረዥ ኸማ የጌታ ኤማ በቅጥዩ ታትመር ኸማ ንኸነ ። ( ሰብ ምር ይብሬቲ ) አትብር ። የሰብ ይፍት እኸትኸ አታዳላ ። 17. እጋ ምር ይመስርኸ ? እንዴ አድንደ ። የርቅ የኸረ ንጉስ ቄሳር ግብር ከሶት በሙሴ ቅጫ ይትፈቀድ ዊሽ ኤትፈቀድ ? » በሮም ተሳረዊም ። 18. የሱስ ጦሼነተኸና ኸረም ታነ « አኹ ኸጣ ፣ በጮዳ ትጠልፎኔ የምር ኤላኹም ? 19. ትኸብረዊ ፍራንክ አተዞን » ባረኖም ። ኸኖም አት ቹንች አቸነበንም ። 20. ኸትም « በዝኸታ ፎር ያነ መርከታም ጥፈተታ የሚኑ ? » ባረኖም ። 21. « የቄሳሩ » ባረዊም ። ኸጋመሞ « እጋ የቄሳር የኸረ ቃር የቄሳር የጌታ የኸረ ቃር የጌታ አቦ » ባረኖም ። 22. ኸኖም ዝኸ ቢሰሞ ወግ ኸረበም ታበዊም ወሮም ።



የሱስ ሰብ መጠጥም ይትረጎሙ ተሳሪዎች

23. በክፍም ከረ የሰዱቃ ሰብ የየሱስ ይትሰረውዬ ቸኑንም ። ኸኖም የመጠጥ ኢትረጎ ይብሮ ሰብ ባነበ ።  
 24. « አስተማሪዬ ሙሴ የባረ አት ሰብ ትከ ቴጨን ቴሞት ጎጦፎያታ ምሽተታ ያግባም ዘር የትኳረ ባረም ።  
 25. ጳጳሩ በዝ ይረብሮ ሰባት ጎጦፎቹ ባነበ ። ይፍትወረርሱታ ምሽት አገጋም፤ ትከ ቴጨንም መጠጥም ። ዘር ኤነኔ ምሽተታ የጎጦፎያታ ቸረም ።  
 26. የክክም ኸተነም ሰስተነም ሰባተነ ጎጦፎቹ ዳር አገጋያም ።  
 27—28. እንመኹና አገጋያም ተመቶ እንቅ ምሽትክታ ያጋክታ መጠጥም ። ጳጳሩ የመቶ በትረሶ ከረ ዝክ ምሽት ተሰባተኹና የሚን ምሽት ትኸርቴ? » ባረዊም ።

29. የሱስ ዠፕረም ዝክ ባረኖም ፤ « መጣፍ ይብር ቃርም የጌታ ደረግ አትክሮ የኸሬ ሰተናኹም ። 30. የመቶ ቴትረሶ በሰሜ ያነበ የጌታ መሴካ ኸማ ይረብሮ ባንኸሬ ኤያገባም ኤያበዶ ። 31—32. ጳጳሩ የመጠ ይትረጎ፤ ጌታ (እያ የአብርካም እግዘር፣ የይሳቅ እግዘር፣ የያቆብም እግዘርንኹ) የባረናኹ ኸማ አኹ አናረብብኹዌ? ጌታ ጳያም የኸሮኸኖ እግዘሩ ባንኸሬ የመቶኸኖ አንኸረ » ባረኖም ። 33. ሰብም ዝክ ሰሞም ታነ በትምርተታ ወግ ኸረባም ።

ዋና ትዛዝ

34. የሰዱቃ ሰብ የሱስ ቍስ አቴፕኖም ። የፈሪሳ ሰብ ዝክ ቢሰሞ እማቴ ተደመዶም ። 35. ተኸኖም አት የሙሴ ቅጫ ባሪቅ ይጅትኔ ኤላም ። 36. ተዬላ « አስተማሪዬ ተቅጫ እንም ኤት ትዛዝ ይርቅ? » ባረም

ተሳረንም ። 37. የሱስም ዝክ ባረንም ፤ « ጌታ እግዘራኸ በመራ ኸናኸ በመራ ነብሳኸ በመራ አሳባኸ ንመድ ። 38. ትንም ይርቅ ይፍትወረር ትዛዝ ዝኸታው ። 39. የኸተነም ዝክ ይመስር ። ኸትም ሰብ እንም የገጋኸ ኸማ ንመድ ይብር ኸታው ። 40. የሙሴ ቅጫም የነቢ ትምርት እንም በዝ በኸት ትዛዝ ያርቅ » ባረንም ።

ክርስቶስ የሚን ጸርቹ

41. የፈሪሳ ሰብ እማቴ በትደመዶዌ የሱስ ተሳረኖም ።  
 42. « የክርስቶስ ቃር ምር ይመስርኹ? የሚን ጸርቹ? » ባረም ተሳረኖም ። ኸኖም « የዳዊት ጸርቹ » ባረዊም ።  
 43—44. የሱስም « ጸጋ ዳዊት በመንፈስ ቅዱስ ተመራም

( ጌታ የጎታና  
 « ጠላታኸ የግራኸ ቦስጥ  
 ትናሜንኸ ዳር  
 ብያ ዘከነና ቶራ » ባረንም )

ባረም ። እከ ቴብር መምር ጎታ ባረም ይጠራን? 45. ዳዊትኸ የክርስቶስ ጎታ ባረም በጠናን መምር እማት ጸርቹታ ይኸር? » ባረኖም ። 46. አት ቃር ዳር ይዠጽሌ የኸረረ አነፕረ ። ተኸ ከረ ቀነሰም ሚኒም ሰብ ይትሰኔ አንደጅረን ።

መንሸ 23

የሱስ በሙሴ ቅጫ ባሪቅም በፈሪሳ ሰብ ማቸባም

1. በኸ ግዝየ የሱስ የሰብም የተማሪየታ ዝክ ባረም ለደኖም ። 2. « የሙሴ ቅጫ ባሪቅም የፈሪሳ ሰብ በሙሴ መደር ቸኖም ይፈርዶ ። 3. ጸጋ ያዝዡ እንም

አምሮም ቀረቧ። ቢኸርም ቴዝረከቦም ኤቾተዊ የኸሬ የኸኖ ኸማ አቶቶ። 4. ይረዝ ያጨንቅ ጠውር ትበተቦም በሰብ አጋት ይጨሮ። ኸኖ ጭን ባቴበኹና ዳር ይረገደውዬ ኤሰቦ።

5. የሰብ ይትረቦዌ ሚናኹና እንም ያመሮ። የጌታ ቃር የጣፎጌ እርዘኹና ይዝራከዊ። የኹጅርመኹና ኹራ ያገርፈዊ። 6. በድግስ የክብር መደር፣ በጠሎት ቤትም የክብር ጦርጭማ ይኸኖ። 7. በአድባቤ ተረሸም ይትቆጮርዮዌ፣ የኸኖም (አስተማሪ አስተማሪ) ቧርም ይጠረዮዌ ይኸኖ።

8. አኹ ጭን አስተማሪ ቤቶ ኤጥረኩ። አስተማሪዎኹ እማቱ፣ ኹትም ክርስቶሱ። አኹ እንማኹ ጎጥንኹ። 9. በፈር ፎር ሚኒም ሰብ አባ ቤትኹ አትጥሮ። አባኹ እማቱ፣ ኹትም የሰሚኹታው። 10. አለቃ ቤቶ ኤጥረኩ። አለቃኹ እማቱ፣ ኹትም ክርስቶሱ። 11. ታኹ ንቅ የኸረ ሰብ ያኹ ያገክር። 12. ገገታ ንቅ ያሜ እንም ይትዋለድ። ገገታ ዝቅ ያሜ እንም ከፍ ይብር።

13. አኹ ኸጣ የቆጫ ባሪቅም የፈሪሳ ሰብ፣ የጌታ መንግስት ወፈንቻ በሰብ ይፍት ትዘጎ የኸሬ ግርዳኹ። አኹም አትገባ። ይገባምኸኖ ቤገባዌ ትኸሮዮ።

14. [አኹ ኸጣ የቆጫ ባሪቅም የፈሪሳ ሰብ፣ ወኼ ሰብ ትመስሮዌ ጠሎታኹ ትታገርፎ የቶየ እስታ ቤት ታትኻፍሮ የኸሬ ግርዳኹ። በኸ የቶነ የባሰ ፍርድ ትትቆጥሮቱ።]

15. አኹ ኸጣ የቆጫ ባሪቅም የፈሪሳ ሰብ፣ አት ሰብ የገጋኹ ቅሪነ ታጠብጦዌ በባር ፎርም በጠረቅ

አፈር ትገሮ። የኹትም ባኹ ኤማ ትወስደዊ። ታኹ ይርቅ ኹት ጋመ የባሰ ያዛብ እሳት ሰብ ታመረዊ የኸሬ ግርዳኹ።

16. (ሚኒም ሰብ በጌታ ክብር ቤት ይቴኹታ አትም ኤኖ) ትብሮ። (ሚኒም ሰብ በጌታ ክብር ቤት ወርቅ ይቴኹታ ጭን በተየታ ይጠበጥ) ትብሮ አኹ ፎርጥ ዳነ የኸርኹ ግርዳኹ። 17. አኹ ጠንቋራም ፎርጥ ሰብ ተጌታ ክብር ቤት ቶርቅ ኤተኹና ይርቆ። ወርቅኹታ ይርቅዌ? ዌኸ የወርቅ ይርቅ ክብር ይውን የጌታ ክብር ቤት ይርቅ? 18. ዠጥርኹም (ሚኒም ሰብ በጌታ ክብር ቤት በኸትም መደር ይቴኹታ አትም ኤኖ) ትብሮ። (ሚኒም ሰብ የጌታ ባዊ ኸትም ይቴኹታ ጭን በተየታ ይጠበጥ) ትብሮ። 19. አኹ ፎርጥ ሰብ ኤተኹና ይርቆ? የጌታ ያዊ ኸትም ይርቅ? ዌኸ ኸትም ይርቅ ክብር ይውን መደር ይርቅ? 20. እጋ በኸትም መደር ይቴኹታ በኸትምም ይቴ። 21. በጌታ ክብር ቤት ይቴኹታ በቤትም ቢረብር በጌታ ይቴ። 22. በሰሜም ይቴኹታ በጌታ ችሮት በኹትም ፎር በቾናኹታ ይቴ።

23. አኹ ኸጣ የቆጫ ባሪቅም የፈሪሳ ሰብ ትርስዩ ቅመም ታበሱድ ታበሸ ተሜንዩ ታስር አት የጌታ ጌባ። በቆጫ ያነ ዋና ዘንጋ ቅጥዩ ፍርድ ማሮትም ታመሮት ትተቦ የኸሬ ግርዳኹ። እንጎደታ ታትተቦ ዝኸታ አምሮት ባነብኹ። 24. አኹ ፎርጥ ዳነ፣ ብትሰጠዊኹታ እኹዩ ታወጠ፣ ጋሜራ ያኸርኹታ ትወጠ።

25. አኹ ኸጣ የቆጫ ባሪቅም የፈሪሳ ሰብ፣ የጥዋም የቢጥርማኹ ፎረታ ታጥቦ። በደነታ ስርቆትም ነግረግነት ሚናም የኸሬ ግርዳኹ። 26. አኹ ፎርጥ የፈሪሳ ሰብ፣

ጥዋም ቢጥር ፈረታ ወኼ ቃር ይኸሬ ብደርም ደነታ መጭን።

27. አኹ ኸጣ የቅጫ ባሪቅም የፈሪሳ ሰብ፣ በባረ የቀጮዮ መግማ በውጤ ሳርም ይትረቦ። በደኔ ጭን የመቶኸኖ አጥም መጥጥ እንም ሚናቦም። አኹ ዝኸ መግማ ትመስሮ የኸሬ ግርዳኹ። 28. የኸክም አኹ በውጤ የጌታ ሰብ ኸርኹም ትትረቦ። በኸኖኹ ጭን ኸጥነት ቡኼነት ሚናብኹም።

29. አኹ ኸጣ የቅጫ ባሪቅም የፈሪሳ ሰብ፣ የነቢኸኖ መግማ ትሸክቶ። የጌታ ሰብ መግማ ታጌጦ።

30. (ይና በባንዳ ዘበር አነጥነ። ተረጥነሽ ተኸኖ ጋመ በነቢኸኖ ደመነ ባንኸነ) ትብሮ የኸሬ ግርዳኹ። 31. እጋ አኹ የነቢኸኖ የቀጠሮኸኖ ዴንጃ የኸርኹ ኸማ በገግማኹ ትምሰክሮ። 32. አኹም አባኹ የቀነሰዊ ደጥሮ።

33. አኹ ቸረም የደረባ ዴንጃ፣ ታዛብ እሳት ፍርድ መምር ታመርጦቱ? 34. እጋ የጌታ ቃር ዩዶ ነቢ፣ የትግሮም፣ አስተማሪ ያኹዌ እረኸቱ። አኹም ናሰኹና ትሰቅሮዮቲም ትቀጥሮዮቲ። ተኸኖም ናሰኹና በጠሎት ቤታኹ ትገርፎዮቲ፤ ተከተማ አት ከተማ ታሳድዶዮቲ። 35. የጌታ ሰብ ደም እንም ባኹ ይሰራቱ። አባኹ የጌታ ሰብ የአቤል ቀጠረዊም። ኸትም ቢያመርጧ መደርም በጌታ ክብር ቤት ግብት የበራክያ እርቸ ዘካርያስ ቀጠረዊም። ተአቤል ቀነሰም ዘካርያስ ደም ዳር በፈር ፎር የትኹ ደም እንም ባኹ ይሰራብኹቲ። 36. የውረመና እብርኹ ዝኸ እንም በዝ ዘበር ሰብ ይሰራቲ» ባረም።

የሱስ የየሩሳሌም በሸም

37. የሱስ ቲብር « የሩሳሌም የሩሳሌም አኸ ነቢም ትቀጥር፤ ያኹ የራኸዮ ሰብ ብምር ትወጋ። ከታራ ጭዋጨጠታ በቋርሳታ ቦስጥ ባት ይደምድኖ ኸማ ያኸም ሰባኸ ባት እደምድኖዌ እያ ምራኸረጋ ሸኹም። አኹ የየሩሳሌም ሰብ ጭን አንሸኹ። 38. ተዝ አንቅ ጌታ ቤታኹ ኤቅዩ፤ የገፎሪ ይኸርቲ። 39. እያ እብርኹ ( በጌታ ሽም ይቸንኹታ የሳን ) ትትብሮ ዳር ተዝ አንቅ አታዞን » ባረም።

መንሸ 24

የሱስ የጌታ ክብር ቤት ይትባነር ኸማ ዘተረም አደም

1. የሱስ ተጌታ ክብር ቤት ወጣም ቲያር ተማሪመታ የጌታ ክብር ቤት እርሸታ ያትየሰውዬ ቸነቦም። 2. ኹት ጭን ዠጥረም « ዝኸ እንም ታዞዌ? እጋ የውረመና እብርኹ እምር ብምር ፎር ኤቸና፤ እንም ይትደስቲ » ባረኖም።

ያጨንቅ ይፍትወረር መጥ

3. የሱስ በደብረዘይት ቂቶ ችናም ባነ። በኸም ተማሪየታ ይማተኹና የኹትኹ ቸነቦም። « ዝኸ እንም መቸ ይኸርቲ? አድንደ። አኸ ትቸንወም የቅያማም ከረ ቲቸን መርኸተታ ምቃሩ? » ባረዊም።

4. የሱስ ዠጥረም ዝኸ ባረኖም፤ « ሚኒም ሰብ ቤያታልል ኹዌ ተጤፖ። 5. ብዘመኹና ( እያ ክርስቶስንኹ ) ቤተቦ በሸመና ይቸኖቲ። የብዘ ሰብም

ያታልሎት። 6. የአርብ ቃርም ያርብ ወሬ ትሰሞት።  
 ዝክ ይኸሬ ግርዱ። ሌጠርቅኹዌ ተጤፖ። ቢኸርም  
 ቀጥወታ ገናው። 7. ያት ገን ሰብ ባት ገን ሰብ መንግስት  
 በመንግስት ፎር ተረሳም ይትዋካቴ። ጋጀም ያፈር  
 አቀርቅሮት በብዙ መደር ይኸርቲ። 8. ዛኹና አንም  
 ያጨንቅ ይፍትወረር መጥሮ።

9. በክ ግዛዩ የመከራ አወጣም ያቅጥሮኩት፤  
 ይቀጥርኩት። ብያ ሽም የቸን ሰብ አንም ኤረምዶኩ  
 ይጠሮኩት። 10. በክ ግዛዩ ብዙመኹና እያ ያምሮንኸኖ  
 ይኸዶንቴ። ኸኖም ተኸኖ አወጣም የጠላት ያቅጥሮት።  
 ኸኖም ተኸኖ ይትራከሶት። 11. ብዙ አሰተን አሰተማሪ  
 ይትረሶት፤ የብዙመኹና ያሰቀዮት። 12. ተብዙ ባጢር  
 የቸን የብዙ ሰብ ንማጅነት ይዠኸት። 13. የቀጥወ ዳር  
 ፈነኸም የቁመ ኹት ይተርፍ። 14. የሰብ አንም  
 ምስክር ይኸሬ ዝክ የጌታ አትርፎት ወኹ ወሬ ባለም  
 አንም ይጂቴ። ተክ አንቅ ቅያማ ይቸንቴ » ባረም።

ዋና ጭንቅ

15. የሱስ ባረም፤ « ኹታ ነቢ ዳኔል የዋረን ቃር  
 ነረ። ኤኸር ያቅመጭ ዘንጋ በጌታ ክብር ሴት በሚጠሪ  
 መደር ቁመም ትታዞ (ታረብብም አኸ ዝኸታ በስር)  
 16. በክ ግዛዩ በይኹዳ ገን ያነቦ ቁቶ የጣም የስክ።  
 17. በሴት ፎር ያነኹታ በሴተታ ያነ ቃር ይወስደ  
 ኤግባ፣ግዛዩታ ኤደጥር። 18. በቼቻ ያነኹታ ኹጅረታ  
 ይረሴ ያንቅንዩ ኤትዘጥር። 19. በክ ከረ የኹት አርዋ  
 እኸታም ያጠፈት ግርደኸነማ። 20. ቢኸርም በኸኹ  
 በዘር ዌም በሰንበት ከረ ሴኸሬ የጌታ ጠቀሶ። 21.  
 በክ ግዛዩ ታላም ቲፍትወረር ቀንሰም እኹ ዳር  
 አንኳሪም ተኸም አንቅ ኤኸሪ ንቅ ጭንቅ ይኸርቲ።

22. በክ ግዛዩ ከረታ አጭር ታንኸረ ሚኒም ሰብ  
 ሴተርፍ። ቢኸርም ጌታ የሸጮችዮ ሰብ ቴብር ኸክ  
 ከረኸኖ ያትየጥፍቴ።

23. በክ ግዛዩ ሚኒም ሰብ (ክርስቶስ በዝ ነረ )  
 ዌም (በኹ ነረ) ቢብርኹ እናመርኹዌ። 24. አሰተን  
 ክርስቶስም አሰተን አሰተማሪ ይትረሶት። በኸረሮኸ ጌታ  
 የሸጥተኖኸኖም ቲያሰቀ ዳር ንቅ ንቅ መርኸትም ወግ  
 ያትየሶት። 25. እያም በተርኹም አደኩም።

26. ኹታ እያ (በኸብር ነረ) ቢብሮኩ አትጠ።  
 (በኸራፋ) ቢብሮኩ እናመርኹዮ። 27. ብራቅ ተረን  
 ወጣም ተት ዳር ይትየ ኸማ እያ የሰብ እርች የኸክም  
 እቸንቴ። 28. የመጣየ ባነወ መደር በዛኹ አመራ  
 ይትደመደ » ባረም።

የሱስ የሰብ እርች ይቸንቴ

29. የሱስ ባረም፤ « ተክ ከረ ጭንቅ አንቅ ኸመጋ  
 ጩት ጠነማ ይኸርቲ። ጠናቃም ኤያትየ። ኹኹብም  
 ተሰሜ ይወጥቆቴ። የሰሜ ንቅ ቃኸቃኸ ይብሮቴ።  
 30. በክ ግዛዩ ይያ የሰብ እርች መርኸት ተሰሜ  
 ይትየቴ። በክ ግዛዩ ባፈር ያነቦ አንም ዋይ ዋይ  
 ይብሮቴ። እያ የሰብ እርችም በርቅ ክብርም ደረግ  
 በሰሜ ዳበራ ትንቸን ሰብ ያዘንቴ። 31. መሌካኖም  
 ተርቅ ጥሩምባ ቃር ጋመ እረኸኖቴ። ታርበት ወኸት  
 ዌተቦ ተሰሜ ዳር ተዳረታ ታፈር ዙርያ ይያ  
 የሸጮችዮኸኖ ባት ይደምደዮቴ » ባረም።

ተሸብራ እጩ ይረክዊ ወማካ ምቃሩ ?

32. የሱስ ባረም፤ « ወማካመታ ተሸብራ እጩ  
 ተማሮ። አቴበታ አንጥቅ ቲያወጣም ቅጠረታም

ቲትዝራክ ትታዞ አባር የቸነ ኸማ ትቤስሮ። 33. የኸክም አኹም ዝኸ እንም ቲኸር ትታዞ እያ ጸቸንወ ወክት የሰና ኸማ፣ በረጅ የቁምኹ ኸማ በስሮ። 34. የውረመና ጸብርኹ ዝኸ እንም ቲኸር ዳር አታት የዝ ዘበር ሰብ ኤሞት። 35. አፈር ተሰሜ ያልፍቴ፤ እያ የባኹ ቃር ጭን ስርም ኤያልፍ» ባረም።

ሚኒም ሰብ ክርስቶስ ይቸንወ  
ከረመታ ወክትመታ ኤኸር

36. የሱስ ባረም፤ «ኸኸ ከረም ኸኸ ወክት እማት አብ ጌታ ባንኸሬ ይኸር ኤነ። የሰሜም መሌክ ኤኸሮ። እያም ጸርቸታ አንኸር። 37. በኖኸ ዘበር የኸረ ኸማ ይያ የሰብ ጸርቸ ተኖትም የኸክም ይኸርቴ። 38. በኸ ከረ ትኸ ጥፋት ይፍቴ ኖኸ በመርከብ ገፓም። ተገፓወ ከረ ዳር ሰብ ቲበሮ ቲሰጦ ቲያገጦ ቲያበዶ ባነ። 39. የጥፋት እኸ ቸንም እንመኹና ቲወስድኖ ዳር አምቤሰሮ ባነ። እያ የሰብ ጸርቸ ተኖተና የኸክም ይኸርቴ። 40. በኸ ግዝዩ ኼት ሰብ ዋት ቲቸቶ አተታ ይወስጂቲ አተታም ይቸቴ። 41. ኼት እሸታ ወፍጨ ቲፈጠማ አተኸታ ይወስጅያቲ አተኸታ ይችያቲ።

42. ጎታኹ ምር ከረ ይቸን ኸማ አትኸሮ። ጸጋ ተጤፖም ቀሮ። 43. ዝኸታ ኸሮ፤ የቤት አበቃጥ ኔባ በምሳረ በምር ግዝዩ ይቸን ኸማ ኤኸር። ተኸረ ይተሳም ይቁየን ባነ። ቤትመታ ኸነም ይገቤ ቤይውን። 44. ጸጋ አኹም ተጤፖም ቀሮ። እያ የሰብ ጸርቸ ባናሰብኹዊ ወክት ጸቸንቲ» ባረም።

ይትመመርብክ አሸክርንኸ ዌም ብስሜተነ ?

45. የሱስ ባረም፤ «ጸጋ የታመረ ኸን ያነን አሸክር ሚኒ ? ጎታታ ባበሩሰታ ሾመንም። አሸክርም የቤሻታ ሸረተኹና በግዝዩታ ይብኖዌ አቴጎንም። 46. ጎታታ በቸኔ ዝኸ ቲቸት ይረኸውን ኸኸ አሸክር የሳን። 47. የውረመና ጸብርኹ ጎታታ ባነን ቃር እንም ይሾመንቲ። 48. ዌም ኸኸ ቡሼ አሸክር ( ጎታና ቲቸን ዳር ያቴርቴ ) ባረም በኸነታ ያስብ። 49. የቤሻታ ይደርጌ ይትረሳ። ተሰከሮም ሰብ ይበራ ይሰጭ። 50. የዝ አሸክር ጎታታ ባንቀሩየን ከረ ባንኼረን ወክት ይቸንቲ። 51. ኼቲም ይሸጥንቲ። እድል ሚረታ ተኸጣ ሰብ ይሸድንቲ። በኸሜ ብኸም ስን አትፈጠት ይኸርቴ » ባረም።

መንሸ 25

ያስር ግሬድ ወማክ

1. የሱስ ዠፕረም ዝክ ባረም፤ « በኸ ግዝዩ የጌታ መንግስት ምር ይመስር ? መብራተኸነማ ጠበጠማም አዠመነ ይትቆፕረሜ ዮጠማ አስር ግሬድ ይመስር። 2. ተኸነማም አምስተኸነማ ዝጉግ አምስተኸነማ ጭጭ ባነማ። 3. ዝጉግኸነማ መብራተኸነማ ጠበጠማም፤ ጋዝ ጭን ተጨራ አንጠበጠማ። 4. ጭጭ ኸነማ ጭን መብራተኸነማም ባት ጸጅኸነማም ጋዝ ጠበጠማም ባነ። 5. አዠመነ ቢያቴሮ እንም ወሬት ወሬት ባረነማም ናበማም።

6. ግብት ምሳረ ቲኸር ( አዠመነ ይቸኖ፤ ውጠማም ተቀፕረማ ) ቧርም አኹኔም። 7. ኸመጋ ዝኸ ግሬድ እንም ተረሰማም መብራተኸነማ ሸከተማም

አተከሰማም። 8. ዛኸ ዝጉግኸነማ የጨጉማኸነማ ጋዝ ጨቄሰማየማም። (መብራተንዳ ይጠፋብንደቴ። ተኸ ጋዛኸማ ናመማንደ) ባረማየማም። 9. ዛኸ ጭጁኸነማ ዠጉገረማም (ዌም አቱ ይናም ያኸማ ይንመንዳ ኤወጣንደ። አኸማ ጋዝ ያስረጁ መደር ወረማ ያርዋኸማ ሰረማ) ባረማየማም። 10. ኸነማ ጋዝ ይስረሜ ቦረሜ ምኽረነ ታዠመነታ ቸነቦም። ተጨጉማም የቅራብማኸነማ ተምኸረነ ጋመዕ ያገገመነ ቤት ገገማም ወፈንቻ አጠዊም።

11. ተኸ አንቆም ዝጉግኸነማ ቸነማም። (ኻታንዶ ኻታንዶ ክፍትንደ) ባረማም። 12. ምኽረነኹታ የዝጉግ ግሬድ (የውረመና ኡብርኸማ እያ አንኸርኸማ) ባረነማም። 13. ዝክም እያ ኸቸንወ ከረመታ ግዛየመታ አኹ አትኸሮ። ኸጋ አኹም ተጤፖም ቀሮ» ባረኖም።

የሶስት ሰብ ዋጋ ወማክ

14. ኸኳም የሱስ ዠጉገረም «የጌታ መንግስት ዝክ ይመስር» ባረኖም። «ኹትም ዝክ ይኸርቴ። አት ምስ አት ገነ ያሬ ቴትረሳ የቤት ዴንጎታ ጠናም ዋጋታ ባኸኖ አወናም። 15. ያታተታ ያቅመታ አኸር አባኖም። ያተታ አምስት ኹም ብር ያትመታ ኼት ኹም ብር ያትመታ አት ኹም ብር አባኖም። እንጎድ ገነ ወረም። 16. አምስት ኹም ብር የትቆጥረኹታ ኸመጋ ወረም አቁጠወም። እንጎድ አምስት ኹም ብር አተነፈም። 17. የኸክም ኼት ኹም ብር የትቆጥረኹታ ኼት ኹም ብር አተነፈም። 18. አት ኹም ብር የትቆጥረኹታ ጭን ወረም ጎጀ ኸነም። ኻታታ ያወን ዋጋ ባዛ ጎጀ ደን ጠቁረንም።

19. ተብዘ ዘቦር አንቆ የዛ የቤት ዴንጎ ኻታኹና ዛንም። ያባኖ ዋጋ ተሳሰቦም። 20. አምስት ኹም ብር የትቆጥረኹታ የኻታቴ ተቆነቦም። (ኻታኖ አምስት ኹም ብር አብኼም ባነ። ዝኸ እንጎድ አምስት ኹም ብር አተነፍኸወም) ባረም የኻታታ አወንም። 21. ኻታታም (ወኼ ቃር አኸ ወኼ የታመርኸ የቤት ኸርትንኸ። ብርስየ ቃር ታመርኸም፤ ቡብዘ ቃር ኸሾምኸቴ። ኔኸ ይዩ ግባ የሳርንደ። እያም ባኔ ቃር ተሻድ) ባረንም።

22. ኼት ኹም ብር የትቆጥረኹታ ተቆነቦም፤ (ኻታኖ ኼት ኹም ብር አብኼም ባነ። ዝኸ ኼት ኹም ብር አተነፍኸወም) ባረም አወንም። 23. ኻታታም (ወኼ ቃር አኸ ወኼ የታመርኸ የቤት ኸርትንኸ። ብርስየ ቃር ታመርኸም፤ ቡብዘ ቃር ኸሾምኸቴ። ኔኸ ይዩ ግባ፤ የሳርንደ። እያም ባኔ ቃር ተሻድ) ባረንም።

24. አት ኹም ብር የትቆጥረኹታ ተቆነቦም፤ (ኻታኖ አኸ ባንዘናኸወ ትፏጭ፤ ባንቀጥርኸወ ትረቅር ቶወ ምስ የኸርኸ ኸማ ኸኸር። 25. ሰነፍኮም ወርኹም ብራኸ ባፈር ደን ጠቀርኹንም። ዝ ያብኼ አት ኹም ብራኸ) ባረንም። 26. ኻታታም ዠጉገረም ዝክ ባረንም፤ (አኸ መጥጥ ንመሱር የቤት ኸርት፤ ከንዘናኸወ ኸፏጭ ኸማ ባንቀጥርኸወ ኸረቅር ኸማ ኸርኸምዌ? 27. ኸጋ ዋጋና ዮለድ ትወስድን ቃር ባነ። እያም የቸነኹ ከረ ያኔ ተትርፈታ ጋመዕ ታቤ ባነ። 28. ኸኳ አኹ ኸኸ አት ኹም ብር ውስደጁ። አስር ኹም ብር ያንንኹታ አባዊ። 29. ያንን እንም ይደጁ። የኹትም ድባያ ቃር ይረውን። ኤንንኹታ ጭን ኸም

ያነን ዳር ይወስድ። 30. ዝኸ ኤያኸር ዩቤት ጸርቶ በውጤ ጠነማ አውጠዊ። በኸሚ ይብኸሸ ስንም ያትፏጭሽ ) ባረም » ቲብር የሱስ አደም።

የቀጥወ ፍርድ

31. የሱስ ባረም፤ « እያ የሰብ ጸርቶ ተሟጠርዮ መሌካና ጋመ በክብር ጸቸንቴ። በክብር ቸርት ጸፈርዴ ጸቸናቴ። 32. ኸልቅ እንም ቢፍተኔ ይትደመዶቴ። ዘማንቶ ጤ ተፈቅ ይቤትኖ ኸማ ኸኖም ተኸኖም ጸቤትኖቴ። 33. ጤኸኖ በከነና ፌቅኸኖ በጉራና አቁምኖቴ።

34. ንጉስ እያ በከነና ያነቦኸኖ ዝክ ጸብኖቴ፤ ( አኹ አባና የዳረናኹ ሰብ ኔኹ። አለም ተትፈጠረ ከረ ቀነሰም የሸከቶንኩ የጌታ መንግስት ውርሶ። 35. ጋዴም አበናኹንም፤ ጠሚም አሰጨኹንም፤ ባዘራ ኸርኸም ተቅጥርኹንም። 36. እንጭመና ኸርኸም አኸተርኹንም፤ ቆሚም አሸኹንም፤ ታገድኸም ተሰርኹንም ) ጸብኖቴ። 37. የጌታም የታዘዘ ሰብ ዝክ ይብሮንቴ፤ ( ጎታንዶ መችራ በጋደናኹ አሸነም ታነ አበናኔከም? ዌሽ መችራ በጠማናኹ አሸኔከም ታነ አሰጨኔከም? 38. መችራ ባዘራ ኸርኸም አሸኔከም ታነ ተቅጥረከም? ዌሽ መችራ እንጭማኸ ትትኸር አሸኔከም ታነ አኸተኔከም? 39. ዌሽ መችራ ቆመናኸም ዌሽ ታገድኸም ታነ ቸነንም ተሰርኔከም? ) ይብሮንቴ። 40. ንጉስ እያም ዘፒትኸ ( የውረመና ጸብርኹ ትንም ሰብ ቲያርሶ የዝ ጎጦያና ያተታ ዳር ያመነኹዊኸታ ይያ አመነኹኒም ) ጸብኖቴ።

41. በኸ ግዝዩ በጉራና ያነቦኸኖ ዝክ ጸብኖቴ፤ ( አኹ ሰተውም የቶኩ ሰብ ትያ ጸሰኹ፤ የሼጣንም የመሌካታ በሸከቶኖ በዘላለም እሳት ግቦ። 42. ጋዴም አናበናኹን፤ ጠሚም አናሰጨኹን፤ 43. ባዘራ ኸርኸም አንትቆጥርኹን፤ እንጭመና ኸርኸም አናኸተርኹን፤ ቆሚም ታገድኸም አንትሰርኹን ) ጸብኖቴ። 44. ኸኖም ዠፕሮም ( ጎታንዶ መችራ ጋደናኸም ዌም ጠማናኸም፤ መችራ ባዘራ ኸርኸም ዌሽ እንጭማኸ ኸርኸም ዌሽ ቆመናኸም ዌሽ ታገድኸም አሸነም ታነ ቸኔከም? ) ይብሮንቴ። 45. ኸጋመ ( እያ የውረመና ጸብርኹ ትንም ሰብ ቲያርሶኸኖ ያተታ አናመነኹን። ጸጋ ይያም አናመነኹኒ ) ቤትኸ ጸገፕሎቴ። 46. ኸኖም የዘላለም ቆጣቴ ያሮቴ። የጌታ የታዘዘ ሰብ ጭን ዘላለም ጸያም ይኸሮቴ » ባረም።

መንሸ 26

የቆስ አለቃ በየሱስ አደምጭም

1. የሱስ ዝኸ እንም አደም ቲጀፕር የተማሪየታ 2. « ተኼት ከረ አንቆ ባረያ የረፕሮ የእስፊል ሰብ የገፎርዮ ከረ ይዘጉጅ። የሽኸርት ባር ይኸር ኸማ ትኸሮ። እያ የሰብ ጸርቶ አወጣም የጠላት ያቅጥሮንቴ፤ ኸኖም ይሰቅሮንቴ » ባረም።

3. በኸ ግዝዩ የቆስ አለቃም የገን ባሪቅ ቀያፋ ቢውሪ በዋና ቆስ አለቃ ግፍ ተደመዶም። 4. የየሱስ እክም በሸመቸር አጤበጦም ያትቆጥረውዬ አትባቶም። 5. ቢኸርም « በሰብ ግብት ለብሻ ቤትረሌ በባር ከረ አናጨብጥኔ » ባሮም።

የሱስ በቢታንያ ቀያ ሽቶ ቀጽም

6. የሱስ በቢታንያ ቀያ ይፍቱ የቃላ ባሽ በረገገው ምስ በስምን ሴት ባን። 7. በክሚ አት ምሽት ዋጋታ ንቃር ኑንድ የክረ በአልባስጥሮስ ብርቃጥ መራ ሽቶ ጠበጠችም የኩትኬ ቶንችም። የሱስም የሸረት በቻኔ በጉነረታ ኹቸውም። 8. ተማሪየታ ዝኸታ አለበም ማተቦም። « ዝክ በብላሽ ይኹዊ የንቃሩ? 9. ዝክ ሽቶ በርቅ ዋጋ አሰየቶ ዋጋታ የዜጋ ያውዮ ባን » ባርም። 10. የሱስ ዝክ እንም ካረም ዝክም ባረኖም « ታቦያ፤ የንቃር ታጨንቆያ? ክት ይያ ወኹ ቃር አመነቶኒም። 11. ዜጋ እንም ጋመ ታኹ ይረብሮ። እያ ጭን እንም ጋመ ታኹ በዝ አነብር። 12. ክት ዝክ እያ ታሞት የራሳና ቲቤ ሽቶ አቶነችም ቲቀውንም ይፍቱ በምስየና ኹቸንም። 13. የውረመና ጸብርኹ ባለም እንም ዝክ የጌታ ወኹ ወሬ ቢዩጅቶ በሚኒም መደር እንም አት ዝክ ክት ያመነች ቃር ይዝጉጅም ዮጅናሽ » ባረኖም።

ይኹዳ የየሱስ አወጣም ያቅጥሬ ተሰብ አትባታም

14. በክ ግዝየ ታስረኹት ተየሱስ ተማሪ አተታ የአስቆሮቱ ይኹዳ ይውሪ ምስ ባን። ኹትም የቅስ አለቄ ወረም። 15. « የሱስ አወጣኹም አቅጥርኹቲ። አኹ ምር ታቦንሽ? » ባረኖም። ክኖም ሶስት ባውንድ ይውዬ ተዝረከቦም። 16. ኹትም ተክ ግዝየ ቀነሰም የየሱስ አወጣም ያቅጥርወ ይተመች ግዝየ ይሸ ባን።

የሱስ የሸኩርት ባር ጸርባት ተተማሪየታ ጋመ በኖም

17. በዳፒ ባር ቢፍትወረር ከረ ባን። ተማሪየታ የየሱሴ ቶንቦም። « የሸኩርት ሸረት ይወሬዬ ኤቲ ንወንም ንሰክትን? » ቲብሮ ተሳረዊም። 18. ኹትም « ከተማ ግቦ ቲብሮዩ ሴት ወርም (አስተማሪ « ግዝየና ሰኖም። ተተማሪየና ጋመ ባክ ሴት የሸኩርት ሸረት ጸብራቲ » ይብር) ባረዊ » ባረም። 19. ተማሪመታ የሱስ ያዘዘኖም ኹማ ወርም የሸኩርት ሸረት ሸከቶም።

20. ድየም ቲመሽ የሱስ ታስረኹት ተማሪየታ ጋመ ጸርባት ይበሬ ቾናም። 21. ቲብሮ « የውረመና ጸብርኹ ታኹ አተታ አወጣም የጠላት ያቅጥሬቲ » ባረም። 22. ክኖም ንቃር አዘኖም ታን ያታተኹና « ጎታኖ እያ ጸክርሸዌ? » ቲብሮ ባጋጋ ተሳረዊም። 23. የሱስ ዝክ ባረኖም፤ « ዛ ምስ ጸኪ ትያ ጋመ በዝ ቢጥር ደን ይበሬ ነሳም። ኹትም አወጣም ያቅጥሬኹታው። 24. ይያ የሱስ ጸርትክ አወተራቶም የጣፎም ኹማ ጸሞትቲ። ቢኸርም አወጣም ያቅጥሬ የዛ ምስ ግርደታ። ዛ ምስ ታንጨነዊ ይፈዘዝን ባን » ባረም። 25. አወጣም ያቅጥን ይኹዳም ዠጥረም « አስተማሪየና እያ ጸክርሸዌ? » ባረንም። ቢውን « አክ አክ ትብር ኹማው » ባረንም።

የየሱስ ሞት ዝጉጀ

26. ክኖም ቲብሮ ታንቦ የሱስ ዳፒ ነሳም የጌታ ሽኩር ባረም። ፈነመም የተማሪየታ « የኹ ብረዊ፤ ዝኸታ ምስየናው » ባረም አበኖም። 27. ጥዋ ነሳም የጌታ ሽኩር ባረም አበኖም። « እንማኹ ተዝኸታ



ስጦታ ። 28. ዝኸ የብዘ ሰብ ባጠር ጌታ ኣፍ ይብሬ ይትኹ ደመናው ። ዝኸ ይትኹ ደመና ቃር የገገወ የጌታ ጉርዳው ። 29. ኣያ ጸብርኹ በጌታ መንግስት ታኹ ጋመ ገደር የዌን ጭንቁ ትንሰጭ ዳር ተዝ ዌን ጭንቁ የኹተነ ኣንሰጭ » ባረም ። 30. የጌታ ዌግ ኣወጦም ደብረዘይት ቁቶ ወጦም ።

ጴጥሮስ ይኹዳን ኸማ የሱስ በተረም ዝረኸም

31. የሱስ የተማሪየታ ዝካ ባረኖም ፤  
« ( የዜማንቸ ጸፎረኸንቴ  
ጤም ይትብራጦቴ )

ባርም የጣፎም ኸማ ጸኳ ምሳሪ ኣንማኹ ትቃሶንቴ ፤  
ቴትኹን ትሰኹቴ ። 32. ቢኸርም ተሞት በትረሳኹ  
ኣንቕ ብዴትኹ ገሊላ ገነ ኣርቴ » ባረም ።

33. ጴጥሮስም « ኣንጉደኹና ኣንም ቢቃሶኮም  
ኣያ ስርም ኣንቃኸኸ » ባረንም ። 34. የሱስም የጴጥሮስ  
« የውረመና ጸብርኸ ጸኳ ምሳሪ ኹታራ ቴረቀ፡ ይፍቴ  
ኣኸ ሶስት ጋመ ትኸዴቴ » ባረንም ። 35. ጴጥሮስ  
ጭን « ታኸ ጋመ ጸሞትሚ ቢኸር ስርም ኣንኸዳኸ »  
ባረንም ። ተማሪየታ ኣንም ዝክም ባረም ።

የሱስ በጌቴሴማኒ ጠሎት ኣመነም

36. በኸ ግዝየ የሱስ ተተማሪየታ ጋመ ጌቴሴማኒ  
ደውሪ መደር ወረም ። የተማሪየታ « ኣያ በኸኹ ዌትኹ  
ጠሎት ትናሚ ኣኹ በዝም ቶሮ » ባረኖም ። 37.  
ጴጥሮስም የዘብዴዎስ ዴንጅ ኹታም ተኹት ጋመ  
ወሰደኖም ። በኸሚ ወዘን ወጠነቅ ቀነሰም ። 38. ዝክም  
ባረኖም ፤ « በኸነና ያነ ንቅ ኣዘን የሞቴ ያሰሬ ። ኣኹ

በዝ ጸክሶ ትያም ቀሮ » ባረኖም ። 39. ተኸኖ ኣዳኸሬ  
ኣረቀም ወረም ። ቢፍተታ ተደፋም ዝክም ባረም ፤  
« ኣባኖ ይኸር በኸረ ዝኸ ይመርር የመከራ ጥዋ ትያ  
ኣፍካኒ ። ቢኸርም ታኸ ፍቃድ ባንኸሬ ብያ ፍቃድ  
ኤኸር » ባረም ጠሎት ኣመነም ።

40. ተዠጥረም የሶስት ተማሪየቴ ቢቸን ወሬት  
ቴነቦ ኣሸኖም ። የጴጥሮስ « የቀርየጋ ትያ ጋመ  
ትቅረባዌ ኣንኸረንኹዌ ? » ባረንም ። 41. « በፈተና  
ባትገባዌ ቀርቀር በሮም የጌታ ጠቀሶ ። ኸን  
ቀርቀርተነው ፤ ምስየ ጭን ቕጨነው » ባረኖም ።

42. ጸኳም ወረም ታነ ጠሎት ኣመነም ። « ኣባኖ  
ዝኸ መከራ ወትቀጥር ትያ ኤፈካኒ በኸረ ያኸ ፍቃድ  
የኸር » ባረም ። 43. ተዠጥረም ቴቸን ኤነኹና ወሬት  
ናዘኖም በናባዌ ኣሸኖም ።

44. ጸኳም ቸኖም ወረም ። የሶስተነ በጋኸም  
ቃረታ ጠሎት ኣመነም ። 45. ተኸንቕ የተማሪየቴ  
ቸነም « ጸኳ ዳር ትነባዌ ? ጸኳ ዳር ታፎሮዌ ? ጸኳ  
ኣያ የሰብ ጸርቶ በባጠረተነ ጸጅ ኣወጨም ያቕዩኔ  
ወክተታ ተቕነባም ። 46. ተሶም ንወነ ። ኣወጣም  
የጠላት ያቕጥሬኹታ ዝሙ ተቕነባም » ባረኖም ።

የሱስ ጠወጨም

47. የሱስ ዝኸ ቴዝረሸ ታነ ታስረኹት ተማሪየታ  
ኣት የኸረ ይኹዳ ቸነም ። ተኹትም ጋመ ጨቤም  
ጉማ የጠበጠ ብዘ ሰብ ቸነባም ። ኸኖም ተቕስ ኣለቃም  
ተገን ባሪቅ የራኹዮ ሰብ ባነቦ ። 48. የየሱስ ኣወጣም  
ያቕጥር ይኹዳ « ጸሰመንኹታ የሱሱ ፤ ጥብጠዌ »  
ባረም ያቸነኖ ሰብ መርኸት ኣበኖም ባነ ። 49. ይኹዳ

ኸመጋ የየሱሴ ተቅንባም « አለተማሪየኖ ጸሻማኸ »  
 ባረም ላመንም። 50. የሱስም « አበጎዶ የቶንኸው  
 ዘንጋ ደገር » ባረንም። ኸ ግዝዩ ዛ የራዥዮ ሰብ  
 የየሱስ ጠበጠዊም። 51. ተየሱስ ጋመጠ ተረገሮ ሰብ  
 አተታ ጨቤየታ አወጣም፤ የዋና ቅስ አለቃ አሸክር  
 እንዠር ጠነባም አወንደረም። 52. ዘኸ ግዝዩ የሱስ  
 ዝላ ባረንም፤ « ጨቤያኸ መደረታ ዘገር። ጨቤ  
 ያወጠኸኖ እንም በጨቤ ይሞቶቲ። 53. አትም አባና  
 ጠቀሽትኹ ኹትም ኸመጋ ብዘ ኹም መሌክ ይረኸንዬ  
 ኤኹላ ይመስርኸዌ? 54. በራኸ ጭን ዝኸ መጣፍ ዮዶ  
 ቃር መምር ይኸርቲ? » ባረንም።

55. ዘኸ ግዝዩ የሱስ የሰብ « ሸፍጣ ትጠብጠ ቃር  
 ኸማ ጨቤም ጉማ ጠበጥኹም ይያ ትጠብጠኔ  
 ቸንኹምዌ? በጌታ ክብር ቤት እንተመረጋ ችናኹም  
 ትናትመር ባንኹ፤ አኹም አንጠበጥኹን። 56. ቢኸርም  
 ዝኸ እንም የኸረ የነቢ መጣፈኹና የባረዊ ቃር  
 ይኸሬሁ » ባረም። ዘኸ ግዝዩ ተማሪየታ እንም  
 ታዘዊም ሰነባም።

የሱስ የፍርድ ተቅንባም

57. የየሱስ የጠበጠዊ ሰብ የዋና ቅስ አለቃ የቀያሬ  
 ወሰደዊም። ዘኸሚ የሙሴ ቅጫ ባሪቅም የገን ባሪቅ  
 ተደመዶም ባነ። 58. ጴጥሮስም የዋና ቅስ አለቃ ግፔ  
 ዳር ተረቋ ኸረም የየሱስ ተኸተረንም። የኹትም ምር  
 ያመሬ ኸማ ያገፎ ደኔ ገገም ተቀራተን ችናም።

59. የቅስ አለቃም የደቦ ጎቶ ሰብ እንም በየሱስ  
 ሞት ይትረንድዌ ባሰት ይምሰክሮ፤ ቃር ይሰቦ ባነ።  
 60. ኸኖም አነከቦ። ብዘ ያሰት ምስክር ቢትቅንባም

መራ ምስክር አነከቦ። በኸ አንቕ ኳት ምስክር  
 ተቅንባም። 61. « ዝኸ ምስ (የጌታ ክብር ቤት  
 ባሪትኹ በሰሰት ከረ አረሸኔ ይኸኔ ) ባረም » ባሮም  
 አዶፔም።

62. ዋና ቅስ አለቃኹታ ተረሳም ታነ « አት ዘንጋ  
 አትኸገርዌ? ዝኸ ሰብ የዶብከ ምቃሩ? » ባረንም።

63. የሱስ ጭን ቀሳብ ባረም። አለቃኹታ « ጸያም በኸረ  
 በጌታ የኸርብኸ አድንደ፤ አኸ የጌታ ጸርቕ  
 ክርስቶስንኸዌ? » ባረንም። 64. የሱስም « አኸ ትብር  
 ኸማው። ቢኸርም ጸብርኹ ተዝ አንቕ እያ የሰብ ጸርቕ  
 እንም ቢኹላ ጌታ በከነታ በቸናኳ ታዘንቲ። አትም  
 በሰሚ ዳበራ ተዠገርኹም ትንቸን ታዘንቲ » ባረንም።

65. ኸኸ ቲብር ዋና ቅስ አለቃኹታ ማቶም የገገታ  
 ኹጅር ትረተረም። « ዝኸ ምስ ተጌታ ተቃንመም።  
 ተዛንቕ ምስክር የንቃር ያትኸሽንደ? አኹ ቅኔመታ  
 ጸኳ ሰማኹም። 66. አኹ ምር ይመስርኹ? »  
 ባረንም። ኸኖም « የመት » ባሮም መልስ አዘዊም።

67. በኸ ግዝዩ በየሱስ ቢፍተታ እምባቅኹና  
 ተሮፔም። በጸሻ ጆሰዊም። እንጎደኹናም ወኸተታ  
 በቲፈ ተፈዊም። 68. « አኸ ክርስቶስ በቲፈ የተፋናኸ  
 ሚኑ? ታታኹም አድንደ። እንዴ ኻሮታኸ ንኹን »  
 ባሮም አሸሰፔም።

ጴጥሮስ የየሱስ ኹዳንም

69. ጴጥሮስ ተቤት ውጤ ተጭር ግፔ ችናም ባነ።  
 እት የቤት ገረድ የኹትኹ ቸንቸም ታነ « አኸም ተገሊላ  
 ሰብ ተየሱስ ጋመጠ በነኸ » ባረንም። 70. ኹት ጭን  
 « ትቢም ቃር አንኸር » ባረም ብንመኹና ይፍቲ

ኸዳንም ። 71. ተጭር ወፈንቻ ቲወጣ የቤት ገረድ አተኸታ አሸቸንም ታነ በኸ ያነበ ሰብ « ዝመታ ተናዝሬት የሱስ ጋመዕ ባነ » ባረኹም አደቸኖም ። 72. የኲተነም ኸዳንም ፤ « ምስኹታ አንኸን » ባረም ተነም ። 73. በኸ የረገሮ ሰብ ቀሪ ጸከሶም ታነ የጴጥሮሴ ተቅነቦም ። « ቃራኸ አኸረ-ባኸም ፤ በውረም አኸም የኹት ቤኸንኸ » ባረዊም ። 74. ኸ ግዝዩ « እያ ምስኹታ አንኸን » ቲብር ይቴሚ ገገታ ይትሰተቤ ቀነሰም ። ኸመጋ የምሳረ ኩታራ ነቂም ። 75. ጴጥሮስም « ኩታራ ቴረቀ ይፍቴ ሶስት ጋመዕ ትኸዴቴ » የዋረን የየሱስ ቃር ቀለብ ቧረንም ። ውጤ ወጣም ዬን አንባ ብኸት ቀነሰም ።

መንኸ 27

የሱስ የዳነ ጲላጦሴ አቸነዊም

1. አፈር ጋ ቲብር የቅስ አለቃም የገን ባሪቅ እንም ተማኸሮም የየሱስ ይቀጥረውዬ ባት ተስማሞም ። 2. አገዶም ወሰደዊም ። የይኹዳ ገነ ዳነ የጲላጦሴ አወጦም አቅጥረዊም ።

የይኹዳ ሞት

3. የየሱስ አወጣም ያቅጤረን ይኹዳ ባነ ። በኸ ግዝዩ ኹትም በየሱስ በጅንጅጅ ቢያኹ ቶዘከበም ። የሱስ የትስየወ ሶስት ባውንድ የቅስ አለቃም የባሪቅ ዠጥረሮም ታነ 4. « አት ጥፋት አናጠፋ አት ባጠር አንቸተኹታ የሞት ያቅጥርኹኔ አጠፋኹም » ባረም ። ኸኖ ጭን « ይናኸ ምር አገንንደም ? ገግማኸ ተጠነቅወ » ባረዊም ። 5. ይኹዳም ሶስት ባውንድ ባይታ ክብር ቤት ቃሸም ፤ ወረም ታነ ታነቀም መተም ።

6. የቅስ አለቃም የሱስ የትስየወ ዋጋ ነሰዊም ። « ዝኸታ የደም ዋጋው ። ተይታ ዋጋ ንቅራቅኔዬ በቅጫንዳ አንፈቁጅንደ » ባሮም ። 7. ኸኖም ተማኸሮም ታነ ሸኸራ ያረኸ ምስ አፈር ስራቦጤም ። አፈርኹታ የባሀራ መግማ አመነባዊም ። 8. በኸ የቸን ዛኸ አፈር ጸኸም ዳር የደም አፈር ቧሪም ። 9-10. ነቢ ኤርምያስ የባረ ቃር ነረ ፤ « የእስሬል ሰብ የገመተዊ የግምት ዋጋ ሶስት ባውንድ ጠበጠም ። ኔታ ያዘዜም ኸማ ዋጋታ ሸኸራ ያረኸ ምስ አፈር ስራቦጤም » የባረ ቃር በኸ ግዝዩ ኸረም ።

ጲላጦስ የየሱስ ምረመረም

11. የሱስ በዳነ ይፍቴ ቁመም ። ዳነምኹታ « አኸ የይኹዳ ሰብ ንጉስንኸዌ ? » ባረም ተሳረንም ። የሱስም « አኸ ትብር ኸማው » ቧረንም ። 12. የቅስ አለቃም የገን ባሪቅ የየሱስ ቴኸስሰዊ ስርም አት መልስ አናበኖ ። 13. በኸ ግዝዩ ዳነ ጲላጦስ « ምራኸር ዘንጋ ቴዩዶብክ አትሰማዌ ? » ቧረንም ። 14. ኹትም ንቃር ወግ ቴኸርወ ዳር የሱስ ስርም ይማትም ክስስ መልስ አናበ ።

የሱስ የሞት ፍርድ ተፈንደወም

15. በኸ በሸኩርት ባር ክረ ዳነኹታ ያርወሸ ቃር ባነ ። የገን ሰብ የሸጥተዊ አት ያገጁ ሰብ ቶኸኔ ይገፍሎ ባነ ። 16. በኸ ግዝዩ በራባስ ይውሪ ቦኸኔ የታገደ ዘገን የትኸረ ዋና ባነ ። 17. ኸታ የገን ሰብ በትደመዶጤ መደር ዳነ ጲላጦስ « ተዘራባስ ዊም ክርስቶስ የዋሪ ተየሱስ ኤተኹና ጸገፍንኹዌ ትሰቦ ? »

ባረኖም ። 18. ኹትም የቀስ አለቃም የገን ባሪቅ በየሱስ ሟነበም ታነ አወጣም ያቅጥረዊ ኸማ ይኸር ባነ ።

19. ጲላጦስም ይፈርዴ ችናም ባነ ። በቾኔ ምሽተታ « ጸኳ የሱስ ቢውሪ ምስ በበርዛዝ ንቃር ተጨነቅኹም ። በዝ አት ባጢር ባንቾተ ምስ አት ዘንጋ እንቾትኸወ » ባረኹም ናኸቸውም ባነ ።

20. የቀስ አለቃ ባሪቅም ኸኖ ጭን « በራባስ ግሬርንደ ፤ የሱስ ቀጥርንደ » ባሮም የጲላጦስ ይጨቀሶዊ የሰብ አባበሎዮም ። 21. ጲላጦስም ዠጥረም « ተኼተኹና ኤተኹና እገፍንኹዌ ትሰቦ ? » ባረኖም ። ኸኖም « በራባስ ግሬርንደ » ባሮም ። 22. ጲላጦስ « ክርስቶስ የዋሪ የሱስ ኹት ምር ናማኣን ? » ባረኖም ። እንመኹና « ስቀራ » ባሮም ። 23. « የምር ? የቾተን ዋፋት ምቃፋ ? » ባረም ጲላጦስ ተሳረኖም ። ኸኖ ጭን « ስቀራ » ቲብሮ ይርቅ አትኸኖም ።

24. ጲላጦስም ኸያት የኹሬዬ ባንኸሬ አት ዘንጋ ኤረኹጥ ኸማ አሸም ። እኸ አቸነም « ተዝ አት ባጢር ታንቾተ ምስ ደም እያ ኤነኸወ ። አኹ ጭን ደመነንኹ » ቲብር በሰብ ይፍቱ እጀታ ታጠበም ። 25. ሰብ እንም ዠጥሮም « የኹታ ደም ቢናም በዴንጃንዳ የኸር » ባሮም ። 26. በኸ ግዝዩ ጲላጦስ በራባስ ገፈረሮም ። የየሱስ ጭን ገረፎም ይሰቀሩዬ አወጣም አቅጥረኖም ።

የጲላጦስ ወታደር በየሱስ አሸሶጥም

27. ኸም ግዝዩ የጲላጦስ ወታደር የየሱስ የዳነ ጲላጦስ ግጥ አገጥዊም ። ኸኖም ወታደር እንም ጠበጦም ገጉም የየሱስ ኸበበዊም ። 28. ኹጅርመታ መንጦም ብሻ ኹጅር አኸተረዊም ። 29. የሶኸ ዘዶ

ሸከቶም በጉነረታ ደፎነም ። በከነ እጀታ እንጣር አጠበጠዊም ። ቢፍተቴ ወጠቆም « የይኹዳ ሰብ ንጉሶ መንግስታኸ የበትት » ቲብሮ አሸሶጥም ። 30. እምባቅ ተሮጤም ። እንጣረታ ነሶም ጉነረታ ደነገዊም ። 31. ታሸሶጥ አንቅ ብሻ ኹጅረታ መንጦዊም ። የገገታ ኹጅር አኸተረዊም ። ይሰቀሩዬ ወሰደዊም ።

የሱስ ተሰቀረም

32. ቲወጦ ስሞን ይውሪ የቀሬና ገነ ምስ ነከበም ። የኹትም የሱስ ይትሰቀርወ መስቀር የግርድ አጮረዊም ። 33. ኸኖም ጎልጎታ ወበር የጉነር አጥም ይውሪ መደር ሰኖም ። 34. በአመ ዮቀራቁሪ የዌን ጠጅ ይሰጩ አበዊም ። ኹትም ቀመሰም ታነ አንሰጭ ባረም ።

35. ተሰቀረዊም አንቅ ኹጅረታ እርጥ አደጎም ተሻደዊም ። 36. ኸኖም በኸም ችኖም ይቅረበዊ ባነ ። 37. « ዝኸ የይኹዳ ሰብ ንጉስ የሱሱ » ይብር የሸሸኸጥ ዋፋት በጉነረቲ አንጥረጠረዊም ። 38. በኸ ግዝዩ ኹት ሸፍጣ አተታ በከነ አተታ በጉራ ተኹት ጋመ ሰቁርዮም ።

39. በኸ ሌማ ያሮ የረጥሮ ሰብ ቀንጠዊም ታነ ጉነረኹና አቅረቀሮም ዝካ ይቀርመዊ ባነ ። 40. « አኸ ( የጌታ ክብር ሌት ባሪትኹ በሰሰት ከረ አረኸንቴ ) የባኸ እንዴ እኳ ገጋኸ አትርፍ ። የጌታ እርቾ በኸርኸኸ ተትሰቀርኸወ መስቀር ውረድ » ባረዊም ። 41. የኸክም የቀስ አለቃም የሙሴ ቅጫ ባሪቅ ተገን ባሪቅ ጋመ ቲያሸሶጥ ዝካ ባሮም ። 42. « እንጉደኹና አተነፈም ፤ የገገታ ያተርፌ ኤኸለ ። የአስሬል ንጉስ በኸረኸ እኳ ተዘ ተትሰቀረወ የረድ ፤ ይናም በኹታ

ንመኔጤሽ ። 43. በጌታ ተመመረም (የጌታ ሸርትንኸ) ባረም ። ጌታኸ ዘሸ ሸጃ ያተርፎን » ባሮም ። 44. ተኸት ጋመ የሰቄርዮ ስፍጣ ዝክም ቴብሮ ይቀርመዳ ባን ።

የሱስ መጠቀም

45. ተግብት ዋና ቀናሰም ዝኸር ዳር ባፈር እንም ጠነማ ወንደም ። 46. በዝኸር የሱስ « ኤሉኼ ኤሉኼ ለማ ሰበቅታኒ ? » ባረም በርቅ ቃረታ አኸናም ። ዝም ወበር « ጌታኖ ጌታኖ የምር ቸኼም ? » ወበሩ ። 47. በኸ ተቈም ሰብ አታተኸና ቃረታ ሰሞም ታነ « ዝኸ ምስ የኤልያስ ይጠፈ » ዘሮም ። 48. ተኸኖም አተታ ኖጠም ጨርቅ አቸነም ፤ አንቋ የባረ ጠጅ ጨፈም ብንጣር ነሳም የየሱስ ይሰጩ አወንም ። 49. እንግዲኸና « ሸክስ እንዴ ኤልያስ ቸነም ያተርፎን ኸማ ንኸን » ዘሮም ።

50. የሱስ የኼተነ በርቅ ቃረታ አኸናም ። ነብስታ ወጣም ። 51. ሸዘ የጌታ ክብር ጌት መጋረጃ ተፎር ወስዋ ዳር ተትረተረም ኼቴ ተሻደም ። አፈር እቅረቀረም ፤ እምር ተሸጠሮም ። 52. መግማ ተከፈቶም ። መቶም የረጥረ ብዙ የጌታ የሚጠርዮ ሰብ ተረሶም ። 53. የሱስ ተሞት ተትረሳ አንቅ ሰብኸኖ ተመግማ ወጣም ጌታ የሚጠረን ወኼ ከተማ የሩሳሌም ገገም የብዙ ሰብ ትራቦም ።

54. የሱስ ይቅረቦ የመቶ አለቃም ተኸትም ጋመ የረጥሮ ወታደር ያፈር እቀርቀሮት ዝኸ እንም አሰቦም ። አሰቦም ታነ « ዝኸ ውረም የጌታ ሸርች ባን » ባሮም ንቃር ሰነሮም ።

55. የየሱስ ቴያኸረሚ ተገሊላ ገነ የትኸተረሚ ብዙ አሸታ ባነማ ። ተረቋ ኸረማም ቴያዘማ በኸሚ ባነማ ። 56. ተኸነማም የመግደላ ማርያም ፣ የያቆብም የዮሳ አዶት ማርያም ፣ የዘብዴዎስ የዴንጃታ አዶት ባነማ ።

የሱስ ቀጭሪም

57. ቴመኸ ዮሴፍ ይውሪ ደንገነ የአርማትያስ ከተማ ምስ ቸነም ። ኸትም ገገታ የየሱስ ተማሪ ባን ። 58. ኸትም የጲላጦሴ ቸነም « የየሱስ ኔሳ ናሚ » ባረም ጨቄሰንም ። ጲላጦስም « አባዊ » ባረም ። 59. ዮሴፍም ኔሳ ጠበጠም በገደር በከፈና ኸጅር ከፎነንም ። 60. ተርቅ እምር በወቄሪ በገደር በገገታ መግማ ደን ገተረም መሸንም ። የመግማ አንቃታ ንቅ እምር አክበነረም ኤፎንም ወረም ። 61. የመግደላ ማርያምም ሰማኸታ ማርያም በኸ በመግማ ይፍት ይፍት ሾነማም ባን ።

የየሱስ መግማታ ቅሬታም

62. በጅማት መረገነ ቀጣሰንበት የቅስ አለቃም የፈሪሳ ሰብ የዳነ ጲላጦሴ ተደመዶም ቸነቦም ። 63. « ጎታንዶ ዛኸ አታሌ የሱስ በያመታ ታነ (መኸትኸ ተሰስት ከረ አንቅ ሸትረሳቴ) የበረ ኸማ ቀለብ ባረንደም ። 64. ኼታ መግማታ ሰስተነ ከረ ዳር ይቀሬዬ ሰብ ሸዝዝ ። ኸ ዛንኸረ ተማሪየታ ተንተቦ ኔሳታ ይሰርቆቴ ። ስርቅተቦ ( ተሞት ተረሳም ) ይብሮቴ ። የሰብ ( ተረሳም ) ባሮም ጌዶዌ ቄሬ ። « ተረሳም » ዘባሮ የኼ ስተት ቴፍት ወረር ጥፋት ይብስቴ » ባሮም ። 65. ጲላጦስም « ሸጊ ይቅረቦ ሰብ

ውስዶ ። ወሮም ቢኸንኹ አኸር መግማታ ቀሮ »  
በረኖም ። 66. ኸኖም ቲቅረበ ሰብ ጋመ ወሮም ብምር  
መርኸት አወኖም ፣ መግማታ አትቅራቦም ።

መንሸ 28

የሱስ ተሞት ተረሳም

1. የይኹዳ ሰንበት አነቀም ውርሰንበት ጋ ቲብር  
የመግደላ ማርያምም ሶማኸታ ማርያም የየሱስ መግማ  
ያዘሜ ወረማም ። 2. የጌታም መሌክ ተሰሜ ዮንዴ  
አፈር ንቃር እቅረቀረም ። ዝም መሌክ ተቅነበም  
የመግማ እምር አክወነረንም ታነ በፊረታ ችናም ። 3.  
የኹትም መርክታ ብራቅ ፣ ኹጅርመታ ነጨ በረጀ  
ይመስር ባነ ። 4. መግማም ይቅረበ ሰብ የኹት  
ሰነፈዊም ። በጥንቅት አረደኖም የመጭም ቃር ኸሮም ።

5. መሌክም « እሽቶ » በረኖማም ። « አኸማሽ  
እንጠነቀናኸማ ። የሰቄሬ የሱስ ትሰበማ ኸማ ጽኸር ።  
6. የሱስ ገግመታ የዋረንም ኸማ ተረሳም ፤ በዝ ኤነ ።  
ኔሳታ የጐተርጌም መደር ኔኸማም ጽዘማ ። 7.  
አፍጥረማም የተማሪየቲ ወረማ ፤ ( የሱስ ተሞት  
ተረሳም ። ገሊላ ገነ በተረናኹም ያር ። በኸሜ  
ታዘዊቲ ) በረማም አደማዮ ። እያም አድክማም »  
በረኖማም ። 8. እሽታም ኸነማ ቢሰርፈማም ንቃር  
ሳረነማም ። አፈጠረማም ተመግማ ወጠማም ።  
የተማሪየታ ዩደሜ ኖጠማም ።

9. ኖጠማም ቲያረማ የሱስ ተራክበነማም « እሽቶ  
ወገሬት » በረኖማም ። ኸነማም የኹትኪ ተቅነበማም  
ጽግረታ ጠበጠማም ሰገደማንም ። 10. በኸ ግዝዩ የሱስ

« እንሰነፍኸማ ። አኸማ ወረማም ጐፔያና ገሊላ ገነ  
ያርዌ አደማዮ ። በኸሜ ይዘንሽ » በረኖማም ።

መግማ የቅራቦ ሰብ ዮዶ ቃር

11. ኸነማ ቲያረማ መግማ ተቅራቦ ሰብ አታተኹና  
ከተማ ቸነበም ። ኸኖም ዝኸ የትቸተ ዘንጋ እንም የቅስ  
አለቃ አዶም ። 12. ኸኖም ቢዩጅዮ ተበሪቅ ጋመ  
ተደመዶም አትበቶም ፤ የቅራቦ ወታደር ብዘ ዋጋ ይኸባ  
አበዮም ታነ 13. « ( ይና በትገተኔ የየሱስ ተማሪ  
በምሳረ ቸነበም ኔሳ ሰነቆም ) በሮ ። 14. ዝመታ ዳነ  
ጲላጠስ የሰማ በኸረ ይና ንፍጠጥኔሽ ። አኹም አትም  
ቃር ኤሰራብኹ ኸማ ናሚነሽ » በሮዮም ። 15. ኸኖም  
ዋጋኹና ተቅጥሮም ዮዶዮም ኸማ ችቶም ። ዝም  
« የየሱስ ኔሳ ተማሪየታ ሰነቆም በንኸሬ አንትረሳ »  
በሮም ፈጠሮም ዮዶ ቃር በይኹዳ ሰብ ጽኻ ዳር ቲዩጂ  
ድረብር ።

የሱስ የተማሪየታ ትዛዝ አበኖም

16. አስራት ተማሪየታ ጭን ገሊላ ወሮም ። የሱስ  
ያዘደኖም ኸማ ቁቶ ወጠም ። 17. የሱስ ቢያዘዊ  
ሰገዶነም ። ተኸኖም አታተኹና ጭን ይጥራጠሮ ባነ ።  
18. የሱስ ተቅነበም ታነ ዝከ በረም አደኖም ፤ « ደረግ  
እንም በሰሜም ባፈር አውንም ። 19. ኼታ ወሮም  
የሰብ እንም ቃረና አዶዮ ። ይያም የትኸተሮን ። በአብ  
በርት በመንፈስ ቅዱስ ሽም አጥምቶዮ ። 20. ያዘዝኩ  
እንም ይቅረበዌ አዶዮ ። እያ የቀጥወ ዳር እንም ጋመ  
ቃኹ ነርኹ » በረኖም ።